

Литературала Дагъистан

16+

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

1/2022

январь - февраль

*Сагал Дусла
байрамличил,
гъалмагъуни!*







Гъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информации и печати Республики Дагестан

РУКОВОДИТЕЛЬ - БЕКІ РЕДАКТОР
Мурад Мяхіммадович Гіяхімадов

РЕДАКЦИЯЛА КОЛЛЕГИЯ

Къ. Гіялісултанов (журналла редактор)
Т. Сягидов
Къ. Мигърабов

ЖАМИГІЯТЛА СОВЕТ

А. Гіядулманапова
И. Ибрағимов
Х. Хіябірова
Х. Юсупов
И. Мяхіммадов
М. Мутталымов
М. Бяхіммадов

1
—
2022
январь - февраль

Кел базли гъачам
дурабулхъан

Журнал основан в 1952 году
Выходит один раз в два месяца

1952 ибил дуслизиб
акІахъубси саби

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ПОЭЗИЯ

| | |
|---|----|
| ШапигI МЯХИЯММАДОВ. Назмурти..... | 3 |
| Рабия МЯХИЯММАДОВА. Челябъяла гъалаб саби..... | 7 |
| Сайгебат ГЯБДУЛКЕРИМОВА. Сен къяркъси вара къисмат?..... | 9 |
| Ильяс ИДЗИЕВ. Назмурти..... | 16 |

ПРОЗА

| | |
|---|----|
| Гляйша КЬУРБАНОВА. Цундеш. Хъибсу..... | 20 |
| ПатИимат МЯХИЯММАДОВА. Гъунибаъни..... | 26 |
| Ибрагим ИБРАГИМОВ. Хабурти..... | 29 |

ПОЭЗИЯ

| | |
|--|----|
| Саидулла ГЯБДУЛЛАБЕКОВ. Веглебшла буқIундеш..... | 35 |
| Гляйшат МЯХИЯММАДОВА. Назмурти..... | 38 |
| Тавсултан СЯГИДОВ. Дамрухъя Бузайра бухъна синкара..... | 40 |
| БяхIяммад ХИЯЖИЕВ. Дигайла цумъала..... | 47 |

УЧИТЕЛЬЛА ГЯМЗИ

| | |
|---|----|
| Къади ГЯЛИСУЛТАНОВ. Пергер педагог. Гилмула ахъанайтачи ацIибси..... | 50 |
| Насибат ХИЯЖИЕВА. Студентуни практикаличиб. Ухъначир гIяxIладли..... | 53 |

ДРАМАТУРГИЯ

| | |
|--|----|
| Расул БЯХИЯММАДОВ. Муса БЯХИЯММАДОВ. Къурумсакъуни..... | 57 |
|--|----|

КРИТИКА

| | |
|--|----|
| Къасум-Бег МИГЪРАБОВ. Дерхъаб чулара хъу..... | 84 |
|--|----|

ФОЛЬКЛОР

| | |
|--|----|
| Зубайдат ГЯМАРОВА. Буралаби..... | 94 |
| Байгинат КЬУРБАНОВА. Жагати хIерзи датур..... | 96 |

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Лотос»
Адрес типографии: 367018, РД, г. Махачкала, пр. Петра I, 61

ГЬАЛМАГЬДЕШ №1 2022 г.

На даргинском языке

Выход в свет 18.02.2022 г. Тираж 499 экз.
Заказ №1182 Цена свободная.
Печать офсетная.
Бумага офсетная. Формат 70x108 1/16.
Усл. печ. л. 8,4. Усл. изд. л. 8,7.

Редакция и издатель: Государственное бюджетное учреждение Республики Дагестан «Редакция республиканских литературных журналов «Соколенок» и «Литературный Дагестан».

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Поэзия

ШапигI
МЯХИЯММАДОВ



ВАНЗАЛА КЪАКЪ

БерхIила нураниван
Хъубзарла хIер алтIули,
Калаби авадан диркъ,
Маркалину ицули.

Ургубализи нуша
Дашулра дякъ буцили,
БиркIунти – къарла чIиъми,
Сагъли кали дигули.

Вайбаркъли селра сархес,
Вирхаи, пикри агу,

СабхIели ванзала къакъ
Нушаб бегIтала улгу.

Гъяршилизирти гамурби
Диаб кункли урцули,
Зубартала гумайти
Чедаэс ласдикIули.

Багъи, гIур агу цIакъси
ХIечив ца инсан ахIи,
Ванзала гъарил жанна
Кумекчи – гъяршла БерхIи.

* * *

Гashi, анцIкъи-бисала
БурхIини хъуммартид хIуни,
ГIилмула ахъдешличи
АхъибхIелира гъуни.

ҮркIилизизб гъяхIсицун
Бати, бумхIяб мурталра,
Гъярму гъарздадарнү,
ГъяхIла уиза гъаргхIели.

* * *

ХIера, хапли барсбиуb
Хариси дуцIрумла аргъ,
Гъагултани бехIихъиb
Хъябхъяли итули дергъ.

Инсан децIлизивхIели,
Бисулив зак сагали?
ХIебирутыв хIербиэс
Лебил гъялам уржили?

УЗИЧИ РУЗИ КЪАЙДА

Гъярмула жузлизир лер
ХIу умцIути лерилра,
Къасани детаахъес
Гъяламлис багалати.

Илдачи карцIли ахIен
ХIи дужути хIяжарти,
Чуни къадардирути
Хабарагар гъязабти.

Инса архия-къас саби
Дунъя шадли хIербарес,
Пикрила баркъудила
Дебъал хъулчи кабихъес.

Кумекли бирар дунъя
Дард агар бетаахъес,
Халата биштIатази
ГIяхIсицун гIебисахъес.

Бирар ванзали лугул
Давла чеахъбикIахъес,
БерхIила нуранизи
Щакъ къулпукъличи каэс.

ГIязабтала заблиу
ХIебикили хIербиес,
Узичи рузи къяйда
Миллатуни хIердикIес.

МЕКЬ

Мекъ – шадси, гIяхIла анцIбукуь
Ванзакад къунзбухъунси,
БерхIила нуранизи
Кункли бирар урцуси.

Бахъла уркIби шаддарес
Ахъри-Щакъ дархли лерси,
Пашманси шадварес иякъ
Буцахъес гъабурцуси.

ГIямру дерхъахъес хIячми
Гъар сягIят мурхъдируси.
Гъалакси уркIила тимхъ
Кункли ракIятбируси.

Чарх – хIебла гъарзадешли
Пигъалаван бирцIуси,
Челябъкла, талихI хили,
Гъамтази жибикIуси.

Бархиб манзиллизивра
Бидавличив урцулра,
Гъанбикла мурад баргес
Гъар бархIи ну умцIулра.

ХIергъадлира тIамала,
Ну ца хIедцун улгулра,
Ванзала децI камбарес
Ну мурталра узулра.

Илбагъандан ца инсан
ХIейгулра цIумикIули,
ДецIхелира дуцIарты
ХIулба нургъби кертIули.

Дигулра наб мурталра
ГIялам халкъ хIербирули,
Чарх сагъли, уркIила гъав
Гъар сягIят ахъбикIули.

АкIуб манзил бетIили,
Калунра ну гашазив,
Нугъунти цIуръабачил
«Жагъаннабла цIализив».

Ща билши цацахIели,
Садакъалис гIяш гили,
Ургубала уркIеци –
Дерзес лугни дикили.

Камси хIаякабалти чарх,
Дерзили деркунхIели,

Илди далцIес умцIаси
Сумаличив аршила.

Гъала хIеб хIекълала пай
Бирки кани гушхIели,
Илди даргес ши-алав
Вамсайчи умцIухIели.

Хъубзарли кайул гъаршла
УхIинавад вашухIели,
Хъула диштIати гIяби
Уфъили дукухIели.

Кункбири чарх, хъяздачи
ИштяхІ имцІабибули,
ЦумбикІул каниличи
Асар халал бирули.

Уркалун гъябачирад
Ахъдири кункли хъими,
Сагали гездира
Гушдиуб хъяшна хъуми.

ХАЛА БЕГІТАЛА ХЪАРБАРКЬ

ЧатІала дурхІиниванра
Ванзаличир нушара,
Дуклуми хъедиалра,
Арцес къасли дицІилра.

ЦацахІели бегІтала
Хъали кункли балтулра,
ХатІаби дарибхІели,
ДеңІли нуша дургулра.

Илдала дигигъунти
Гтур даргес хъедиулра,
ИлхІели бегІтачила
Хъедамсурли дулгулра.

Ил баркъла хъулчилизиб
Хала бегІтала хъарбаркъ –
Ца наслули итиллис
Балтуси гъякъулла ціакъ.

ДИЦІУЛИ ХЪАЛЛИ ГЯМРУ

Хъулла кіари пяхІадрес
Къасли бицІиси дягІли,
Хъулби чедуца или
Саби буйрухъибули.

Илис, хъат гъабуцили,
Жаваб лугулра нуни:
«ГъалавяхІцун вашули,
Ихъис гъямрула гъуни.

Хъуша дуцІира, гъямру,
«ГъалавяхІ» бикІул миъван,

Вашулра бетерхахъес
БегІтала калун амру.

Гъункъябира гъяхІцадла
Сабигу камбикІули,
НигІматунала унза
Наб къисматли гъеркІули.

Ціакъ кебисул замана,
Хъебиэс гъамбикІули,
Гъямрула сягІятуни
ЗурхІябван деткайхъули?»

НАБЧИ АБИЦІУР ГЪАРБИЗ

Сахават сагІятличи
Виасра хъуликІули,
Тымадала къуллукъли
Сайра ну ахъурцули.

Гъарзал къушум биалра,
Гъайлизи абархили,
Биаллира илдани
Дила гъайла хъергъули.

Тъерхъа чегиб кеңІаван,
УркІила гъяйцІ аргъили,
Аркъяс жибикІутачи,
Ургис илав кумекчи.

Чархара савгъатбири
Дугъала ва шарабла,
Бержайчи ахъбуцили,
Пикри иргъис уркІбала.

Изала сагъбарили,
УркІи рахІятбарили,
Гъав ахъбуцес сяхІбатла
Гъуни бургис гъамадли.

Гъарбиз абицІур набчи,
Чархараби зайдулхъан,
Хъяйранси хъулукІирар,
ХъулкІуси делхъли улхъвар.

* * *

Савли гъанкIлизивад ну
Чевсаргъили айзурра,
Хъулибад урхъу дубла
ХIер арцур, хIулукIира.

ХIулкIулира мургъила
Нурани уркIиларли,
Урхъула ши дяхI дирциб,
Нурана салам гили.

Набчил айзур рурсила
Урши, гъайла аргъили,
Дугилизив дуцIрумла
Шичи милигиубли.

Ил лявшварес гъайварес
Лагъни кайиб улкъайла,
КIелра дарх харидаres
Аги каиб далайла.

ХIЯЯЛА ГИНИЗ

Кавлас ну къуллукъличив
Улкалисра халкълисра,
Нугъунтачиil абзлизив
Сабурлисра яхIлисра.

ЦадехI дяхI кадурцули
Гъамтасван гъараҳътасра,
Улгули гевуцахъес
Наб ГIямру гибсилисра.

Бац-берхIиван архIяли
Дураухъи ванзакад,

ГIямру нуни дуркIулра,
Бархъси дякъкад вашули.

ХIериулра хIаяла
Гиниз нясхIебирули,
Къаршиикиб гъункъяла
Вирул мурад бирули.

Бунагъла гаиз кайцуси
Хъулкисра тудирхъули,
Биштиатасра жагътасра
Дагърила пай буртIули.



Рабия МЯХИЯММАДОВА



ТАРИХЛА ЧЕЛЯБҚЫЛА ГЪАЛАБ САБИ

(Яри Гъямар гъаниркахъули)

Мурт ракIасра шилизи,
Шишимта ну рурцулра.
Гъаман пикрумазирра
ХIеделкIунти тугъала.

Лебал ишаб ухули
Яри Гъямарла зубар,
Даймбиру наслули
Илала асил гъуни.

Шимшали шурми къайды
Халкъ агрума буцилри,
Яшав, бекIахъ, даражада
Улкала кадикилри...

Шантачи уркIецила
Ца инсан дакIувиуб,
УркIбази умут, гъира
Иличил хърадиуб.

Бяхъиб бузерилизи
Бамсри хIебалул халкъли.
Къарциндеш дугIиули,
Дигила ванал дягIли.

Бучиб ца хъалибаргван
Шанти итди дусмазиб.
ХIейуб гаша вебкIибси
Яра мискинбиубти.

Даргиб ризкъи, ванзурби
Ижарапис сасили.
ДегIун гIяргIябежуни,
Дацун дацIти майдунти.

Бузерила абзлизиб
Гъямарла у зайбикIи,
Дурхъал хIяракатлизив
Пай агарси кахIелун.

Гъарил шукъданна азбар
Сархиб ризкъили бицIиб.
Шила алав Занзубар
Щедешла унхъра буциб!

Ца адамла дагърили,
Эркинбарили яшав,
КахIелун инсан гушли
Унра шилизив я шав...

Шанта дурхъаси икрам
Биру хIяблис Гъямарла,
Мурталра шалабикIаб
БерхIиван дай хIерила!

ХIериадли халкъ гъанни,
Хабар хIебубкIар, бикIар.
Шантас уркIи бутIибси
ГъяхIгъабза бекIил хIебкIар!

КЬАРЛИ ХІЕБИРХЪУР ГЪУНИ...

Писки МяхІлис

ПархбикІуси пагъмули
Гіялам тамашабарес
ГіягІнихІейкиб, Писки МяхІ,
Хіед белчІудила кІялгІни.

ДяхІла бархъдеш буруси
Гіядатла дубурланри,
Халкъла уркІбази гъуни
Далайли баргибиси.

БукІуначил – букІунри,
Хъубзурачил – хъубзара.

Даргантас дурхъаси саб
Балбикибси масхара.

Хіела пасихІси девла
Давла халаси саби,
ЧеалкІуси наслулис
Ил дурхъал хазна саби.

АЗир дардлис дарманси
Далай тикрарабибули,
ХъумхІертури, Писки МяхІ,
Дарганта хІу мурталра.



**Сайгабат
ГЯБДУЛКЕРИМОВА**



СЕН КЬЯРКЬСИ ВАРА КЬИСМАТ?

УркIилар улукъули
Лер ца дахъял пикруми,
Бай дугила замана
Чуни гъанкI бумцIахъули.

Лебтас талихI булгукъи,
ТалихIчерхIериубра:
УркIили чеввикIиси
Увухъунгу ламартла.

Сен гъимичебли къяркьсив
Кьисмат Гямрула набчи,

УркIби къясти ва къяркъти
БаибХели мурадли?

Сен чябхъинти дирулри
ХIялалси уркIиличи,
БекIлил гъанхIедикести
Чедуршули бугътантан?!?

ДицIули сар биркIунти,
Цумлизиб сабигу чарх,
ХIерирулрагу аргъес,
Сен къяркьси вара кьисмат?!

НУ ХIЕРЛИКАРАТУРЛИ ...

ЗярхIси вацIала дайлаб
ХIебиули саб гъава,
ДуцIрум шахли бигубли
Дила карцIайла вава...

Ну хIерли каратурли,
ТалихI урхIлис пишбяхъиб,

ХIела ламартла турли
Чархла биркIунти дяхъиб.

ДигIян-Гияшли дихIути
Дила хIялалти дигай,
Бисначи шурдатурри
ЗайхIебухъахъи далай...

БУНАГЬАГАРЛИ ХЬАЛЛИ...

ХIая ахътас дардани
КъадархIейру рикIира,-
ХIая агарти саби
ТалихI чус пишбяхъили.

ХIязлис дихъибти дигай
Гъардилзули сар урхIла, –

Умутли дицIиб карцIай
ТПутIули калун дила.

Вайдеш бирутас вайдеш
Чейгахъалри Аллагъыли,
Бунагъагарси инсан
ПанахIейри балагъыли.

Вирултив хIу паргъатли
КъацIли укес ва уесес,
ХIейубригу цайналра
Гъамси вебкIалра висес?...

ХIая умули хъалли,
УркIи саб дарданазиб,

Бунагъ агарли хъалли,
Балагъ саби бакIили.

Балагъ ахIену цундеш,
ДяхIцIиван дарх дашалли,
Г1ямру къайда ахIерси
Увухъалли вершали?

ГIУР СЕЛРА ХIЕЙГАХЪИРА ...

Дигахъира хъумартес,
ХIела жагаси сипат,
БекIил валхIелусиван,
Салам хIегили рашес.

Марлира, агарсив хIу
КъаршихIеркуси улка?...

Наб ишди никрумани
Гъеч паргъатдеш хIелуга.

Гъеч агара берцуди
Дургъути никрумала,
Муэр къайда гъамадли
Хъумартес хIериули!...

ДИЛАВАН ЛАЙМАДАКIАБ...

Чис букъурли датиша
Дила хIехъиби дигай?
Нуни чис хасбариша
ХIекъли дарманси далай?

Юх, хIериус душмайсра
Набгъунти дигай дулгес.
Ца мардешагар пIягъис
Жагъ гIямру къурбандарес...

Чили дихъалра дигай
Дааб сари мурадли,
Дилаван лаймадакIаб
Дай гъуйчир ца мурдали.

Чила дулхъалра карцIай,
Дулхъаб сари умути,

Изайс сабабдиэсти,
ГIямру Геркъадиэсти.

Азиralра биркIайзи
АтхIеб хъурадируги,
Чархлизир арадешра
Дагъира цакъдарести...

Дуклуми хIейаллира,
Арциурли вашахъести,
Букуси азихълара
ТIягIям имцIабарести.

Дирхъалли инсай дигай,
Дирхъаб марти, черяхIти,
Пашмадехъаб цалалра
Дигули дихъиб карцIай..

ГIЯХIГЪАБЗА ХIЕЙАДЛИРА...

Бержахъири къутIкъуси
Набзи нургъбала агъу,
БигIунри дила къисмат,
Я набчи хIерси агу.

Дарх дашули сар дайм
РурцIути гъанбикуни,
Дайм хIечил рапх риэс –
Сарри дила никруми...

ДецIигули саб гъанна
КIантIиракIира или,
Урибси пандахъичи
Дигай дихъира или.

ЦадехI дяxIличил калес
ХIябилра къасбарира,
ДургIети, дигбIянти мез
Дахъ-дахъал чекасира.

ГЪАНБИРКУР НАБ ВИКІУЛИ...

Гъанбиркур наб мурталра,
ХIу наб «БерхIи» викIули,
«ХIу мякълар лералцадхIи,
Ну цунхIелхъас» викIули?

ВикIади, мадагъаби
Дунъяла анцIукъала,
ВикIади, каммадиаб
Анкъилар цАбикъала!

ВикIади, игъбар сарри
Ну хIела гъямрулизир,
УркIили черрикIибси
Азирилизир ца сарри.

ВикIади, уркIила гъав
Гъайбатли ахъбурцулри,

Гъямруличи дигира
Гъирара цАкъдирулри.

ВикIади, жайран сарри,
Ури сарри зубрала,
ХIезир сари лерилра
Къугъати ранг зурхIябла...

ВикIади, варгудусра
ХIела тIама хIебикънав.
Гъямру гъягIинили ахIен,
ХIериадли хIу мякълар.

Илди гъанбикунани
Рикулра жагъдешлизи...
ХIела къапула гъалар
ТIашли саригу цархIил!

НУНИ САБ ЖАВАБ ЛУГУЛ

Дила дигайла урунж
Бегъуб милги хIехъили,
УркIила къас убкалун
ХIебаили мурадли.

Амма рапхъхIературра
Ну яхIли ва сабурли.
Я челябълала гъалар
АхIенра дяхI цIударли.

Вайсилис вайси рикIес
МухIли беръубли ахIен,
Гъямру ва халкъ хIейгахъес
УркIи бяргIили ахIен.

Я багъана агара,
БекI къухIбуцили рашес.
Дигай дицхIедицира,
Халкълизирад урзкIес.

Набчи «уркIи изути»
Далтира ташмишти гъай,
УрхIла мухIли буахъес
Вируси ах1ен тамай.

Гъяйиблизи урцули
АхIенра нуни чилра.
Дила гъарилра ганзлис
Жаваб нуни лугулра.

УРКИИ КИИБАЙЛИ ИЛИ ...

ГъянручI дуги баайчи
АхIен гъянкI гъамбирули,
Кариилра ранг-рангla
Мачни суратдирули.

Жагаси сурат саби
Илбад хIербикIули,

ХIелра дилра дигайла
Някъиш тикрадирилу.

Жайран саб гъамбиубли
Шараплаб шинни бужес.
Цуэрира хIярхIбиуб,
Ил уруххIебиахъес.

Арцурли сари лагьни,
Дерхъили сар галгуби,
ИтатIир диркъбикличир
Ухули сари вавни...

Нушала жагъдеш сари
Суратлизи делкIунти,
ХъумхIертути рангани
ХIера сен дарсдикIули!

Агъ, суратла саркъибдеш,
Жагадешла кагибдеш!
Чили пешкешдариба
СихIругъунти мицIирдеш?!

Замана хъумартурли,
ХIечи гъуцIбухъун уркIи,
Чебаэс дигулра наб
Дунъя Хела дигайла...

Тлашиулра гъаргалар
ЛинкIидикIути зубарта,
ГлянручI дуги баънила
Тамашала лишанта.

Буриб чули пашмани,
ХIу хIерли ахIен или,
Байхъу урхIис бедили,
УркIи кIибайли или.

ХIЕЧИ РАХЪ ХIЕРЛИРА НУ

Челябкълаличи хIерли,
УркIи къакъали саби,
Убван къяркъти чябхъинта
Къисмат бирхъули саби.

Духъянти дугурбазиб
УркIи гъязаббуркIули,
Пикруми сар хIечила
Илхъиван чедулхъули.

Агара гъяхIла хабар,
ЛехIли саби алавла.
Къудкъусиван гъанарап
Гъигъириуси гъавара.

БацIилив къаклаб чакар,
Мурил гъай керхурлиги,
Яра цархIил рагилрив,
Чугурла зай дишигу?

Хъирхъа цудара чурми
Сирисли хIяршдаралли,
Чили, сен чедирцIахъу
ДацIли аркъути гъямру?!

Гимслизи дергахъесрив
Савгъатуни дарибити?
Юлдаш, къанмайруд, вари,
Рахъ рирхулрану хIечи!

МАРАКЬАБ НЕШЛИ РУРСИ

Цашибти ва гъергъити
Дигай дихъира нуни.
Илдас марли деркIира
Лерил гъямрула бурхIини.

УркIиван бацIли саби
Гъанна дила анкъира,
Цундешла къут1къуси зим
Саби биркIантазибра.

ИтхIели, хIебла берхIи
Набчи хIербикIухIели,
Гъалаксиригу хIечи
ХIу дила БерхIи или.

ИтхIели, анцIил буцес
Някъбазиб цакъ лебхIели,
Руира хIечи хIерли,
Дила Арслан рикIули...

Итхели, абзур Дунъя
Набчил баришлихели,
Хиу ахли чехелира
Дила урклила хияли...

Се гири барсур? Бацдеш,
Цундеш, къуткъудеш, Гязаб...
Хиугъуна чеввирклахъес!
Нешли рурси мааркъаб!

Я ДЕКЛАРДЕШ ХИЕБАЛА

Уркли лебси гъабзали
Дихъибти дигай сарху.
Илди гъанни гъазали
Чебуркъаллира керхес.

Я деклардеш хиебала
Ялгъан гъайла, мардешла.

Урклиагар къарзали
Дугделиту лертира,

Адамдеш ва яхлеси,
Вирар левглев декларси.
Дахъал мез дирхедиру.
Гъай гибу - марли кавлан.

ХИЕЧИ МЕШУХИЕРИКЕС

Ну региси, наб хиялалси
Ши алав шиниш вацла...
Хиунигъунти хайндеш
Хедиру илар бецли.

Мургъила сай рикъулри –
Уилри мяржси мегъла.
Гъядатла сай рикъули –
Увухъунри макрула.

Калунси риаслири
Тлагигъяталини карцли,
Хибушли ишбархли чарх
Дарманагарси децли...

Гъанна пайда агара,
Гъамхедириора къяркъдеш.
Мар мургъиван хидириис
Урклилизир шаладеш.

Хиу хегъурси риасри,
Авадай бири уркли.
Наб глергъи дуцхледикли
Урклила «бикли-хебикли»...

Барсбуруси агара,
Децхидириес къасбуриес.
Хиечи мешухиерикес,
Къуръаничиб хъя бириес.

Сай или гъяхиси адам,
Хиилнариркыра хиечи,
Децлагарси бациси дам
Дайшаб цлахкабиайчи...

Къисматла имтихянти
Дурцис макру агарли,
Хиялалдеш саби талих!
Гъеббуруси урклили!

БУРЯМЛИЗИБ УРХЬУВАН

Бачабархиби уркли
Ахлен паргъятбирули,
Бурямтауб урхъуван
Сари хира дургъули.

Гъачам рургъулра, гъачам
Рисулра хиял битпайчи.

Дархибти пикрумани
Чарриулра ну хиечи,

Дирхъмачил дягли саби,
Агара чебиуси,
Ну иш хиякъыкъатлини
Гъаннара шакрикиби.

Ну талихIчерриахъес
Вархъисиван Аллагыли,
Рирхусири ну хЕчи,
Иш хЛайчи ну рикайчи.

Рирхусири гъарил дев
Къуръа аят сабливан.
Дунъяличив хЕчива
Лайкъси агарсиван.

ХIергъирагу, хIергъира
ХIела ламартдеш, мадеш,
ХIезиб се мяштIбаридал
ХIебалулра, агъ, веглебш!

Амма, уркIи бижгурли
Бургъули саб урхъуван,
ХIебалас илди тимхълис
Сабур дарманбирапал.

АЛЖАНА САБИ ИЛИ...

Дила къисматла ари
ИтхIели, хIезибхIели,
УркIилис хIуван гъамси
Наб цархIил агархIели,

Сен хIевъири янашав
Бацван шалаикIули?
ГъаббикIуси БерхIиван
ХIулкIули хIерикIули?

Сен анцIкъи ва къут1къудеш
Дагъахъурри хIяланас?

Сен ахир кабихъири
ХIял умути хъуланас?

Лагъа хЕчи хIерхIели,
ХIуни къяна буцири?!
Айгъир хIед мукIурхIели,
ЭмхIечи мурдайири?

Дила дархъти суалтас,
Агарав цалра жаваб.
Алжана саби или,
ЧеббикIилтив жагъаниаб?

АГАРА НАБ КУМЕКЧИ

УркIилар улукъули
Лер хIябилра суалти,
Бай дугила замана
Муръил гъанкI бумцIахъути.

Сен ишцад къяркъисив къисмат
Мартасра хIялалтасра?
Сен илцад гъарбизурсив
Хъямчибасра къалптасра?

Мардешагар кIарзаби
Саби хамли ва чагъли,

ЦадехI дигайлис марты
Саби дайм марайли.

РяхIиму агар къисмат
Къадару чевяхIсила?
Яра гъими – къястани
Макру дарилив набра?

Мурт кадурхутив дила
ХIулбазир дуцIар биса?
УрхIла арилизиргу
Дила дигай, мер-муса.

ЛЕРРИ НАБЗИР ИТХIЕЛИ...

Лерри набзир итхIели
МалхIямдеш гъала хIебла,
КIинчIбази дизурлири
Хан унхъри хIяланала.

Лерри Дунъя бицIари
УркIецIира дигира,
ГIяламли мяштIбареси
ХIедцун марси уркIира...

Лерри набзир итхIели
Зубразирцад зубарти,
БикIаргу, Гяшикътани
Сархути сар гъунарти...

Сепайда, къирдарири
ХIуни дигайла унхъри.
ТПутIули калахъунри
ТалихI бикIути вавни...

НУ ГЯДАТЛА АДАМЛИ...

Къакъали саби уркIи,
Дисули сари хIулби,
ХIу царайчил, ну цунни
Глямру аркъян хIаяранни.

Риаслири хъанцIа бецI,
Урщади мукъараван,
Риасри манай улугъ
Хъямвиради лагъаван...

Ну глядатла адамли
Чинаб баргиша ахъри,
Къисматла къяркъдешличи
Къаршили рургъес цунни?

Гъарил биркIан бицIибти
Щухриурлра карцIайли,
Глерглералгъан цIум ва ай
Дугила цундешлизир!

ГЪУНКЬЯВАНРА ДАРДЛИЗИР

АрхIяли аркъухIели
Гъуни бетахъахъибси
Гъункъяванра ишбархIи –
УркIи дардлизиб саби.

Хапли цIябдаиб, селра
Агара чебиуси.
ГеларяхI чаррираси,
ЧерралкIи хIериасри.

Хан гъуйчи хIераили,
Къяшла дякъра кIунбацIиб.

Гъагулта бац буцили,
Урма вахбариб закра.

Гъанбирки, дигайла нур
Даймти сари или.
Хабар лебрив дай гъуйчир
Хапли цIябдиур или?!

Рирхусири, карцIайла
Шала хIебилшан или.
Дунъя барсбиаллира,
Наб марли кавлад или.

ДИГУЛРА ДАЛАЙ БЕЛЧИС

Дигулра далай белчIес
Марти дигайла бегIтас,
ХIялалдешра мардешра
Гъар ганзлис гъардашутас.

Дигулра хIябкуб делкIес
Цакъти карцIайла бегIтас,
ХIяялара яхIлара
Дебш чузир цIакъдикIутас.

Дигулра деза дурес
Адамдеш хIердирутас,

КИбияхIяндеш агарли,
БерхIиван дяхI шалатас.

Дигулра балгни дирес
УркIи ГяхIити ГяхIгъубзнас,
Глямрулизиб чисалра
Ламартдеш хIебарибтас.

Далайра хIед дезара,
УркIи умуси адам,
УркIила гъарил пикри
Гъарбилзаб хIела гъаман.



Ильяс ИДЗИЕВ

ХІУРА НУРА

Гъала атхIебла тIемли
ТIембикIухIели гъава,
РакIи хIу ургубала
Бучес вавнала хала.

СяхIбат бирис разиси
ХIед нуни далуйтала,
Цаладяхъили лерил
Булбулти ургубала.

Ца шайчир – жанай вавни,
Итил шайчир – гулувавни:

ЗурхIябан пархдикIахъу
Чула ранг-рангла хIевни.

Лерил хIела уркIила
Хъулани гъардилзахъис,
БурхIини хIела ГIямрула
Варъали тIемдикIахъис.

Нушара вава-къарван
Гъар дус сагадикIехIе,
ВавнагIиб башутала
Гъунчир къаршидиркекIе.

ЧАРДАРА ДИЛА ДИГАЙ

АтхIебла ургубаван
УркIилизир дерхъибти,
Чардара дила дигай
ХIуни къабулхIерибти.

Нуни хIечил деркIибти
Белгиагар бурхIири,

ЛутIи-хъулчи агарти
УркIила хъуланира.

Бурира уркIилизи:
ДугIла дильни хъулани.
Нуша кIилалра дигай
ДягIлизир пяхIли сарни.

ХIЕДИГАХЪИРА...

ХIедигахъира наб хIеб,
ХIу агарли дащути,
Гъала атхIебла вавни
Някъбазир дуръахъути.

КарцIайла цIуэртазиб
УркIи цIумбикIахъути,
Набзиб дигайла лами
Алкахъес хIедири тути.

ДигхIейгахъира къисмат
Къаршили кабизурси,
ХIелра-дилра дигайлис
Ургаб лац тIашбалтуси.

УркIили гIеббуцибси
Вашус гъуни буцили,
Нушаб гъархIедилзути
Дигайла къелдуцили.

ХIейгахъира наб ГIямру
ХIу агарли дуркIути,
ХIейрули хIези гъайэс
БархIи-дуги дашути.

ХIела някъла ванадеш
Хъатлар ванахIейкIути,
ХIулби абхъибхIелира
Мякълар чехIериути.

ДИЛА ШИРА ШАНТИРА

КарцIлира мурталра дила шантачи,
СабхIели мешути Бац-БерхIиличи,
ХIушазибад ухар гуми зурхIябла,
ХIулбазир пархдикIар зубарти закла.

Дигахъу уркIилис шира шантира,
Шанданван чIумати дубурлантира,
ГIилмула Гинзурби нушаб абхъибти,
Улкалис ГIялимти пешкешбарибти.

БекIличир цIудара гъез хIяндиайчи,
БегIтала гъуникад шадли дашанти.
Дурхъал баркъудила хIурмат сархибти,
Багъадуртала ура ахъли биханти.

Дусми дарсдикIуцад чIумадикIути,
Бахъла ургар яхIлис гъаладухъунти,
АтхIебла берхIиван уркIби ванати,
ХIушаб сабиデザ, хIурматла шанти.

УркIила хъулани хIушаб гъардизаб,
БучIуси далайван ГIямру зайдикIаб.
Къисматла савгъатли дурхIини гIеббуцаб,
Багъудила цIакъли саби ахъбуцаб.

НУ КАРЦIЛИРА ХIУШАЧИ

Ну мурталра карцIлира
Дила дубурлантачи,
ДицIили парчдикIути
Шарабла Гинзурбачи.

Дубурти дулхIехъули
ДучIути булбултачи,

Тамашала лямцIлизир
Ухути зубартачи.

Дила ши дубуртазиб
Шарабла урунжгъуна,
Шантала уркIурбазиб
Агу, ВатIан, хIугъуна.

Башар хIечи гIяхIладли
УркIби хIезир калунти,
Чузибра адабдешла
Нур шалали ухути.

Гъалмагъунас унзурби
Гъаман гъаргли далтуси,
ГIяхIял хъураибули,
Шадли гъунивиуси.

Дубурла гIядатуни
Умули хIердируси,
Шими-ургаб даргантас
ГIибратлис акIахъубси.

Берхъаби хIебла анхъван,
Дила дигуси ВатIан,
Ухаби зубариван,
Багъадуртала мягIдан.

ХIЯБКУТИ

ИЛ ХIУРА НУРАГЪУНТИ

Рурси:

Хъурадара уркIила
Пагъумути уркIецила,
Кадухъесли набчиияхI
Варачанти дигайла.
ТалихIли гIердуили
ДирехIе хIура нура,
Дигили парчдикIули
Дарх дихехIе уркIбира.

Урши:

Бархъаначи бурасли,
Гъайэсра уruzкIулра,
ГъайхIеили уасли,
УркIилира хIелтулра.
Гъаригу, хIела жан дат,
ХIела уркIира бура,
Се-дигара биабну,
Дилара къабулбара.

Рурси:

Набзи хIуни дурути
УрхIлизира дурутыв?
Арбашуси бархIиван
Сари дугIли аркъутив?

Набзи дурес дигути
Нуни къалли аргъиша.
Мартира масхуртира
Севан декIардаши?

Урши:

ХIу дила гIямрулизир
УркIила гъарил тимхъри,
ГIямрула хъуланазир
Гъала атхIебла анхъри.
ХIу гъар бархIи чериэс
Балга саби уркIила,
Вирхулра, хIела уркIи
Саб или уркIецила.

КIелра барх:

Нуша кIелра цагъунти –
Дубурла вавнигъунти.
БахъбикIаб нуша-алав
Ил хIура нурагъунти.
УркIурбазиб дигила
Щабилкъ ванабикIути,
ГIямрулизиб талихIла
Гъуйчибад ганзбикIути.

НЕШЛА МЕЗ

ГъайдикIена, дарганти,
ХIуша даргала мезли,
Сарину дагъахъурти
ХIушази дурхъал нешли.

Гъалмагъбуцая жузра
Даргантани белкIунси,
ГIеббуцая далайра
Нешла мезли бучIуси.

ЦугдикибхIели гъунчир
Дарган салам лугена,
Жагътала сяхIбатличир
Нешла мез дузахъена.

Мезани дахъал сари,
Далнира гIяхIси саби,
Нешла мез мяхIкамдарни
Нушала чебла саби.

Нешла мезли ахIену
Далайра зайбикIуси,

Разидешла гъавлизиб
УркIира урцахъуси?

Нуша датдихъибхIели
Ганз гъарзали кацIиси,
Нешригу разидешли
БерхIиван алкахъунси.

Цаибити гъайра нушаб
Дурибити, кIапIдуцили,
ГIямрула гъундурачи
Дукибити някъ буцили.

Хабуртира дурути
Сарригу дарган мезли,
Сен халадаибхIели
Нушани хъумкартурти?

Мез датурли савгъатлис
Арбякъун нешанира,
Нешла мезла хIурматлис
ГъайдикIехIе нушара.

ЧАРХАРА

Дерхъаб гIямру жагътала,
Жагъти дубурлантала,
Дикъесли тIама-гъама
Гъарил хъулир мукърала.

Къисматли къадарбараб
Марти гъалмагъунира,
ГIямрула бурхIини лерай
Хъулиб – ада-абара.

Хъали-ургали унра
Узидешлизив калаб,
Ургабикибси хазна
Мабиаб сунес сабаб.

Калабая аралы
ГIямрули хIяндараичи,
ХIяндешра гъаммадиаб
Даршал дус ардукъяичи.



Хабурти



Гляша
КУРБАНОВА

ЦУНДЕШ

—Ківар-ківар-ківар-ківар! —тәмадари бризкыли къубдикіту кіуркіуртани. Сапи бикіуси кіуркіурли бекі ахъбуцили алавчар хіеръиб: «Их Къасум бикіуси гъалакти гунзрар гүурра лявкүхіели дуилигу, ишди гъузгъалдиубы. Савлиличибад бархі ахъайчи, бекі бучтахъули, къутіла ва вякъла тәма кадурхули ахіен. Уркүули яра глябул хіяжатбикалли, ишавяхі дуцікіар, нуша дүцес чөлхъусиван урухдирулра. Мурт тамандиритив илала хіянчи?

Илини нушала хъа вегіла чіябурти уркъала дурцули сай. Жагати улкъайти-унзурбала уста сай бикіар. Селис хіяжатти вара адамтас, ихдицад кіутіра вякъра дарили, хъулри? — пикрибикіулри Сапи. Кіуркіур юртлизирад чедихути тәмагъамала хіедакъес или, азбарлабад анхълизи дурабухъун. Хіярилиубад бикили, ил милкъягіб умціербухъун. Илис дураб дигалли шинни бужес, дигалли хіяз барес сеңад дигара мер лебри. Лебтачил барх тәмали биркүули или, ишар хъа регіра рургъули ахіенри, азаддешра эркіндешра сеңад-дигара лерри илар!

Бархіи ихъухіели, юртлизирад чедихути къутіла тәма къайдикиб. Хъа бегітала разити дукелци ва чархараби иргъулра.

«Гъалакти гунзрарла хіянчи тамандиубли дізес, — пикрибухъун Сапи, — гъанна чина-дигара башес, чинаб-дигара глябикіес бирус. Ахирра ахир чеббикіб къалли их «гъалакти гунзрарла балагъ», — уктемли къунзбухъун кіуркіур. Цархілти кіуркіуртачи чарбиес дигули, ил къапулабад бухіна хіербизур.

Устали хъа бегітала някъби дурцули ва арукъес гъалаклири. Ил гъунивалтули, хъа вегі къапулавад дуравхъун. Илини къапула гъалаб цунни къунзбикіуси Сапи хъямики буциб ва устас гъабуциб.

Батбухъес дигули, чіярбикіуси кіуркіур илини ванзаличи кабикахъиб ва илала къашми гъимирли дигъун.

— Ма, уртахъ, иш дила камси савгъат хіед. Азир мурад дааб хіелану. Бусягіят белгъадлира, дигарцац ціерхъли саби.

Сапи урухбиуб, пялхъярбикіескабиіб. Устали ил паргъатбаихъес дигули, малхіямли хіяршбариб.

— Юх, юх, валликъяна, глягінили ахіен. Се бариша наб кіуркіур? Ил хіебелгъаслира, даари дійбі тер дила. Мициирли баталли, ил цунбулхъан. Глягінили ахіен наб ил, — савгъат чарбарес вализур уста.

– Вари-вари, дила узи, ил архIебухадли, гымуркIус. Дигалли белгъен, дигалли хIеркабара.

– Белгъес-декIар вирару иш жагаси секIал: рурхIути, верхI-рангла пяхIлира сабира, – пикрумазиври уста. ШалкIубуцили илра хъуливияхI ватихъиб.

«Уста илцад-декIар вайси уили ахIен, – циила паргъатбиуб Сапи. – Илини наб селра вайси хIебаресгу. Амма чина аркулрара ишини ну? Сегъуна мерличи? Чинабара ишала хъали? – ахбъуцили бекIра, ил-алав хIербизур. Батбухъес, дузбачи чарбухъес дигули пялхъярбухъунгу, амма цацIали дигъунти къашмас изарули паргъатбиуб. Някъбазибад берцес имкан аги. – Гъу, Гур бареси агара. Белики, устала азбарлизибра вайтIа хIебисэнсу, сабурбираис».

Устали аркъу-аркъуcad тахъси, урга-ургади тярхIбулхъуси кIуркIур лявбариб, илала хъяб, михъири суркдариб ва сунела азбарлизи баткаиб.

Азбарлар пяхIлала амчIурти ГяргIни къунздиkIулри, мухъила къякъ баргес умцIулри. ГяргIни-ургаб «Нугъуна саберхурси, нутъуна жагаси, нуван залумси цархIил арцан дунъяличиб лебара?» бикIусиван дагъа хамли къунзбикIулри. Ил, азбарла хужаим, «Ху чинад бакIисири? Селис бакIисири?» бикIусиван, Сапичи гъамбиубли, тIамали биркъесбиib.

Сапили, къунз-къунзбухъи, азбар хIясибариб: «Ишаб кIуркIуртала гягIалра агарагу. Чичил барх хIербирусирав ну? Милкъи даргесалра мер агарагу ишаб. Иш къакъаси мегъла чялила бухIнаб бархIиахъайчи кавлусирав?»

ГяxIцадхIи беткахъили, азбарлизи урца устара илала хабчабра гъаббакIиб. Цали шин, итилли къацI ва кашла сукура хиб. Дугахъес или бергала арцантала гъала кабихъиб. Къабкъин дагъали амчIур ГяргIни жидариб. Илди, бергайчи разидиубли, дущIдикIули дагъа-алав чукурдикиб, демхIурти къацIла кесекуначи къубдикIесдиib.

«ХIябилра дугес дигутира лергу ишди ГяргIни, – тамашабиуб кIуркIур. – ВерхIел дуги-хIери селра чехIебаитгиъунти сари. Ишдала мякълаб хIербизс хIебируз ну. Чинаб биалра тIярхъи баргес ГяргIнили саби... – Сапи бергайчи хIерра хIебизурли, дурабухъес мерлигIиб умцIесбиib. – Юх, сетка гъар шайчибад ГяxIил дебабарии саби. БегIта азбарла унза гъаргдарибхIели, хапли дурахIебухъасли, гIур ишабад берцес мер агара...»

– Сен хIебугуси вара их кIуркIур? – тамашавиуб урца уста. – Сунела бегIтачибад иша кабаайчи гушбиесцад замана арбякъун. КIур! КIур! КIур! Дигалли кашли буген, дигалли къацIли. ГымбукIили хъалли гъанна пайды агара: хIу нушалари, – Сапи бугахъес или, урца уста гIелавияхI витIакIиб.

Сапила биалли бугес иштяхI аги.

– Бати! Гушбиалли, сабил бугес лябкъян, – устала хъунул хъулиряхI гъайриуб. Илис ГIергъи устара аркъун.

Сапис дебали анцIбукун, бареси хIебалули, ил сеткала бухIнаб бетсадбулхъесбиib.

ГяргIни, чула хурег таманаили, Сапис кадихъибтачи чедухъун, хIулилипIла манзиллис сукура бацIбариб. Гур качЧубачил халтIдикIули, Гянжилизир пукъни дарили, дусес кадихъун. Дагъа илдас къарауичисиван азбаркад къунзбухъун.

Сапи сунес бергала кабихъибти сукрумази хIербизур: илаб къякъалра аги. «Гушбиублира. Амма мажахIят устала хъунуй наб сагадан хурег хес... Ишкъайда гашали бубкIусра ну. Къарли къиббикIахъесалра сен дурахIейусирав ишдани?» – хумарлири кIуркIур. Гаша ил хIялагарбиахъуб ва ГяргIна тIутIударибити дигБIяни къацIла къидиккурагIиб къайцIбикIесбиib.

Арбякъун баз. Сапи сунела къисматличи баришкабиубсигъунари. Гъаларла уктемдешра хамдешра илизирад кIундацIилри. Чиди-биялра Гямзила пяхъикили, илини духъянти дуги-хIери цунни дуркIулри.

Гъачам, сеткала бухІнала умубибули, устала хабчаб Сапичи хІерризур.

– Гидгури диркъусилра биалри ишини. АнкІили балхули кабатурли, ишкІуркІур селис хІяжатсив наб? ИшбархІи яра жягІял лугъахъис. – Къасум чехІейули виалра, ил балкочирияхІ хІерризур:

– Мурул адам сай гъатІи, кІуркІуралра белгъес хІейруси: «Дис къячаэс някъ ахъбибули ахІен иличи, викІар, баҳъ жагаси хъа арцан сабину. ЖагадешкІун буэс, их камли къаршибиркуси, халал журала жинсла кІуркІур саби. Юх, ил хІелугъахъасрану, ГяргІнала гидгури садитІахъес кабалтас»... – Сагаси пикрили харириахъубли, устала хабчаб дүцІли дурагурухъун. Камси заманала рухІнар, гидгурала бадирара сарира, чарриуб. Урца ящиклизиб кІантІити мурала пукъа барили, ила гидгури кадихъиб. Буцили Сапи гидгурала чеди кабатур.

– Инкубаторла ГяргІна жибхІни садитІес балули ахІенну, хІуни биалра садитІен! Балхули хІербибули Гергъи, ил ГяхІдешалра набра асуబиарну.

Сапи разибиуб. Гъараҳълибадалра кІуркІуртала тІама хІергъули, амчІур ГяргІнанира чула къушумлизи гъамхІебирахъули, илис дебали анцІбукъири. Сапи цадехІ дебали дяргІибти, идилти циила тяхІудиубти гидгури ванадирескабииб: «Бируси агарли набра гъамадли ахІенри. Гидгурачила къайгъназиб набра анцІхІебукъесту. ГляхІ бакІаб сунечи, устала хабчабличи, ишди гидгури хибси. Нуни ириъра сайтІунти сари жибхІни. Гъанна илди набчир халадаили сари. Агъ, илдала диштІахІелила хІязани, вяшатІала... Илдала Гямруличи карцІдеш, уюнти! Гъанна ишди гидгури ГяргІнала диалра, жибхІнас Гямру дедес биасли, илра камси баркъуди ахІенгу. Даҳъ дигести дираргу ГяргІнала жибхІни.

Сен дебали дяргІибти вара ишди цацадехІ гидгури? Чинар дихІибара хъа регІли ишди? Ишкъядыа гидгури дяргІахъес асуబиусив? ЖибхІни ахІелкІлангу ишдазир? – шишимтазибри Сапи. – Хіябилра даҳъал гидгури хибгу: лертачила чебетиули ахІенра»

Гидгури ахІенси Гур дунъяличиб селра ГягІниси агарсиван, кІуркІурли ящиклизи урдубяхъиб. Устала хъунуй пукъала гъала бергала кабирхъулри, шин дихулри.

АвцІали бархІили Сапили гидгурала дұхІнарад ГяңцІити тІамала иргъесбииб. «Гъанна халаси замана агарли жибхІни дурадулхъан, – харибиуб кІуркІур, сунела къиян дүгІли архІебукъниличи паҳрубибули. БаҳъхІи пукъаличибад ахъхІебиубси илала биркІанти декІдиублири, урцул ауртиван вяшхІедикІупри. Сапи бағылали абизур, шинни бужиб. Зугъадиубти дуклуми чуйнарил пялхъядарниб, азбарқад къунзбухъун.

– Щив-Щив! Щив-Щив! – Пукъаларад цІиркІити тІама чедихесдииб Сапичи.

«ЖибхІни! Хіерагу гъари, сегъунти диштІлати сарил илди... Хіябилра дұхъутІаби лер къалли!» – Сапи илди дерахъес, тяхІухІедиахъес алабвакІиб.

Савлиличирад бархІи ахъайчи цалис Гергъи ца акІубти гъану кІира жибхІя, бергеси тАлаббираули, вичІирдикІесдииб. Гъалар акІубтигъунти хъа регІ рагъарриубмад, илини хибси нусила хъибхъра дугесдяхІиб. Пукъализир калунти гидгуразирад тІама аги. Сапили иргъуспи: илдазир мицІирти жан агни, ва гидгури дерхІили дильни. КІуркІурли илди пукъаларад дура гердатур, жибхІни кадирахъес мер азадбиахъуб. Гергъида бархІи устала хабчабли Сапира жибхІнира унрубала бацІкабухъунси анхълизи гечдариб.

БурхІни ардашулри. ЖибхІнала хІязаначи, абзаначи кІуркІур хІилнабиркъулри. ЦацахІели илди милякъ бағындан яра мучила къякъ бағындан жалтадиркъулри, къавгъализи-дархли диркулри.

ЖибхIни халадиулри. Сапи илдас милкъи дучес гIебхIебиулри. Цалис милякъ бедибхIели, итилти гъимдуркIулри, чучила къайгъназиси Сапила жиличи лехIехъили, чина-биалра дуцIкадикIулри. Чуйнара дигIянбиркули чебаиси вегIагар хъунцIбар житали мурт-биалра жибхIни арху или кIуркIур децIлизиби, дугI ардашту илди чукурдарес гъаман гъазализиби. Забли урзухIели, Сапи тамай хIялагарбирулри. Халакадаиби жибхIни кIуркIурла дуклумау кахIедурцулури. Рахли забла кIантI чегалри, дубаначирти жибхIни зигардулхъулри. Илди хIедемхIахъес Сапи гIашбиялри, дайларти «нуша хIуни гъяждирулра, гIянндркахъулра» дикIутуван чIярдикIулри. Анхълизиб заблизибад дигIянбикес сегъуналра мер агни балули хъалли, урзухIелилра берубси пукъализи жибхIнира нура бухIахIейулра къалли или, Сапи урга-ургади устала хабчабличи гъимбуркIулри.

ЖибхIни халакадаиб. Устала хабчабли ахирра ахир, илди сунела азбарлизи гечдариб. Чус сари жагадилзули, чула чули гIямалбарес дирниличи пахрубиури, илди уктемли къунздикIесдииб. Сапи тамашабиуб: «Нуни халадаахъиби жибхIни амчIур гIяргIачилра къабкъин дагъачилра гъалмагъдикибу, сари халадаахъибиси ну илдас гъанра биркули ахIенра. Илди чула къайгънази ахъили сари».

Сапи Гурра цунбухъун. Духъяни дуги-хIерилизиб ил гъачам гушбильниличи шакбикибхIели, милкъи даргес къайцIбулхъули, цундешлизир гIямру дуркIескабииб: «Тамашала гIямру сари нуша кIуркIуртала: хужаимли нуша дигухIели дигарцад далхулра. БугIархIели, ванаси пукъализир хIеркадибулра. Ил хъулухъалли, лугъулра, дигухIели дирцулура. Сунела сахаватдеш чедаахъес дигалли, чис-дигара савгъатдибулра... Инсантани сен хIергъуси вара нуша, кIуркIуртасра, нушала жан айсухIели, изиарни, дузби-дурхIанизирад мяхIрумдирухIели, нушабра децIигни, цундеш къадардирухIели, нушара ялгъуздирни? КIуркIуртала мез нуша кIуркIуртани ахIи, хIедалухIели, сен-сен иргъахъуси вара адамтази нушала шишимтачила?»

ХЪИБСУ

Хъибсу бикIуси гежба къушла-гIеларти къарлизиб бумхIулри. ХIяздухъунхIели, ахъдуцили авалра къяшра, тIяхI-тIяхIбухъи, нешла утIами хъунтIур-хъунтIур или бухъес чебиркулри. Гур биалли ил, сунес саби халабаисиван билзули, биштIахIеливан бухъес цIахбилзули, къарли къиббикIулри.

Гежбас гъаларван къарла чубки къутIкуудилзули ахIенри. «Къуш-алавти вава-къарра вайти дуили ахIен. Къарли белкъунхIели, гушбиубхIеливан канира къурбикIули ахIен. Сен гъалаб ну, ихди мурити хIябкIапIи датурили, нешла бурхIелизи итцад хъунтIбикIира вара, дацIти утIими зуздирули сен нуни неш зигарбикIахъусирира?» – Нешличи хIербикIули, хIябкIапIила кIапIра бугесбиib Хъибсу. Андаличиб цIуба зубарила бегI, шинкъян цIудара гежба, дуцIбухъи бакIили, гIежала мухIиличи сунтI-сунтIбикIун: «Неш, къар бизити дийни гъалаб нуни балуси ахIенри. Дебали гушбирухIели, сарри нуни хIела утIими зуздирути. Гур ну илдачиб чIяпIхIебикIус. Урга-ургади бухъес асувиру, неш?» – гIежала хIулбази малхIямли хIербизур гежба.

«Гъяжайбили бирап, дила биштIаси, дила жагаси, дила гIур агарси дурхIя...» – гежбала андаличи дигиличил лямбикун гIежа.

СилтIирбирули биштIаси къуйрукъра сабира, гежба нешла бурхIелиу къукъымусбикиб ва бухъес бехIихъиб. Ванати, сунела биштIаси хамха гъяжайбили

батбулхъаҳыту ниъличи чҟяпIбикун. Нешла ниъ муридилзули лералли, илди адерхур. ГIур сецад угIми зуздирули хъалли, ниъ аги. УтIамачирти дяхъурби сагъхIедиубли лералси нешра зигарбулхъулри.

«Гуу, неш, гъанна циила къарли бугус, хIязтабиркъус. ХIела ниъ лерхIели бухъес лябкъяс», – гежба неш-алав тIяхIбикIесбииб. Урга-ургади къарличира къибиликули, ил цIуэрличил абзбикибсиван бумхIесбяхIиб.

Хапли вацIала мякъларад чедихути гурла тIамали ил тIашбизахъур. Арцурси чIакаван сунечибяхI лябкъуси машиналичи гежба тамашали хIербизур.

Сумсли тIашбизурси машиналичибад тянишли ахIенти адамти дурабулхъулри. Илди нешла шайчибяхI ибкъли хIербикIулри. Саби хIясибхIебирни гежбас децIигулри. Лябкъутази саби сен-сен тIяхIбикIес бибурил чебаахъес дигули, гежба къяцалангбикIесбииб. Шишализибад ниъли балхуси хъа регIиван илдазира саби хIяршбараахъес дигули, жихIебариби гIяхIлас гъала дуцIбухъун. БакIибти чинарил гъалактигъунтири. Я сунела хIясталы, я хIулбукIрила илдас авара аги. Цаличил ца занти, гамсдиубти дяхI-някъличилти илди селичирил гIяшли жалбикIулри.

«ХIераягу, ну сецад халабайлрал! Гъанна ну чина-дигара букеесра бибулра. Къарли букеесра бибулра. Чебиулраяв, гъей, адамти!» – тIяхI-тIяхIбухъун гежба.

БакIибти цалис ца пишбяхъиль:

– Гежба барх букеес гIяхIсири, амма баҳъ биштIали къадин. Халабайчи илизив виркъес чис хIяжатси? Гежбала неш асубирар. ХIябилра берхъилира леб къалли иш! МицIирли арбухес, бицес биалри, гIяхIил бири. Ишгъуна гIежа дурхъали кабилзан.

– МицIирси гIежа хIела мерличи кабалтаду? Яра дукла бурциду? «Ладала» бухIнабкIун ил гъарил ахмахли хIясиббиру. Багажниклизибра ил гъарил милиционерли чебиу. Яра илаб гIежа гIяндбиркур. Нушаб селис гIягIинти имцIати тIимир-химир?

– Ягъари, ил гIяндхIебикесра асубирар... Батирай ил мицIирли.

– Ахма-а-х! МицIирси гIежа бе-е-е-е бикIни баладу?

– ХIебиалли, датурли гIежара гIежала гежбара ишарад гъараҳдикахIелли, гIяхIси ахIенрив? Къел-хIерзи датахIелликIун нушала къуллукъ абиесра асубирар.

– ЛехIахъи, ахмах, – муцIурла вегIли гъаббулхъуси, амма лянкIбикIули, къияйчил башуси гIежа хъяники буциб, хамха хIясиббариб.

– Ягъари, иш белгъи хъалли, дыъла кесек хIякъян. ХIеръая сецад чукъалил, – цацали дейгIести шалиуртIми чедаахъиб илини. Чиди шуриличибад кабикилил, ишала буркIми дячи сари. Ишала вегIли хайри хIякъян или къушлизиб батурлил, яра гежба бухъаҳес или хIебелгъи батурлил, батурли саби.

– Ахмах инсан леври къалли хIу, ЖягIпар. ГIежала яравли хъалли, ишгъунала хIяли халаси бирар. ГIежала гIявадеш дахъал излумас дарманбируси саби. Илала балакIун ца халаси кIаналис даари лер. Даҳъал гъай датину, букIуни чарбиайчи, ишала къуллукъ абидахъя. Къушлизир хури-булан агарси манзил рахлира бируси ахIенну. ГIякълуагарван дадкатмалзадну, белгъен гIежа, – гIясивиуб галстукла вегI.

– Ягъари, ишгъуна хурда секIал баҳъ хIейгахъисгу, сунела вегIебш. ГIежала жан асасли, гежбала бунағъ биур, уркIециличил хIеризур ЖягIпар селичила шақдеш агарли бумхIуси Хъибсучи.

– Се хъунча мез сарив илди хIела? «Язихъгу... Бунағъ биургу...» Даг бухари мукъарла чIишликуна укухIели, сен илгъуна гъанхIебикиба? – Сунела къяркъдешличи сай тамашаируси Гъаппар гежбачи къакъгъавли кайзур.

Муцурла вегI «бареси агара» викIусиван, някъра хIяртбарили, кисмазив халтIухъун ва серил лямцIбикIуси дурасиб. Къаркъубачи кабихыили илра, дулгъуби гIегIдургесииб.

ЛямцIбикIуси се сабил багъес гежбала хIяздухъун. Къаркъаличибси суратуна белкIунси шишала арличилси гIяламатла секIайчи ил сунтI-сунтIбикун. Муцурла вегI гIяшиубли чейбхIели, Хъибсу нешла шайчибахI бебшиб.

– Бе-э! – Тянишли ахIенти, гъанагарти гIяхIлачи вякъяили духурибигъунти хIулбира сабира, гежба хIайранни хIербизур.

Муцурла вегIли циила гъалаб баткаибси гIежа сагадан буциб, авалра къяшра щацIадарили, шайчи кабикахъиб.

– Бэ-э-э! Бэ-э-э-э! – Батбухъес дигули пялхъярбикIуси нешличи халаси канила вегI сен чейкибсил хIергъули, алав дуцIбикIесбиib гежба.

Муцурла вегIли неш къблала шайчибахI ласбариб, сунес тянишли ахIенси, бугаси секIал нешла сус-къакъарлизи хъуребарий. Клибайбикиси къакъарлизибад хIила урунж кабухъун. Къасапчили баткаибхIели, бускаунсиван гербизурси нешличи лимцIбарили дигусиван гежба суркбикIесбиib.

– ХIера! Набчи хъарси барира. Гъанна ил хIед дигнабяхI буха! – Някъби ушкули, шайчи витIакIиб муцурла вегI.

– Илала хIяли-диъ бицибхIели, пайлавиес гIелахIеркудгу хIура, сен жявили илизирад някъби ищулри хIуни? Бухили машинализи дигIянабара!

– Биур нуни бариси. Сецад маза-къяца делгъунра виасра, ишбархIигъуна хIярамси хIянчи бариси ахIен нуни. Къаркъайчib диъла щалалра биалри буиши... Ниъли хIебелкъунси биштIаси гежба хIербикIахъули, хурда гIежа белгъунра къалли... Ту! Балагь бакIаб хIелукъул каниличи.

– ХIябилра «хIялал» уркIила вегI леври къалли. Мукърала хунжачил сакъбанчи чариайчи ишав калес дигули хIейадли? Буца гъалакли! – КахIебикахъес ца някъли шляпа буцили, итил някъли гIежала къяшми дуциб галстукла вегIли.

– Наб илала гIягIиницеш агара. Ил бицили бакIибсира щали бигаб саби, – сагадан тудяхъиб муцурла вегIли.

– Агъ, ахмах, буца ира!

– Дигули виадли, хIуни дигIянбара.

Селичиларил жалбахъибти гIяхIланни неш баткаибхIели, гежба илала мухIиличи сунтIбикун. Чукъализи тIашдизурти хIила чедибад тIяхIбухъи, ил нешла утIами чебикиб, чIяпI-чIяпIбикIесбиib. Нешла утIами демдурлири, чIумадиублири. Ниъ аги. Щаагили силтIирбирули къуйрукъра, гежба саби лимцIбараҳъес нешлизи суркбикIесбиib. Гъалабван саби лямхIебирули или Хъибсу нешличи гъимбуқIиб ва къарли къиббикIес дуцIбухъун.

Галстукличилси берхIе гъезбар адам, някъба гъакIикули, сунечи гъамирули чейбхIели, гежба уркIбухъун, дягIли гербатурси кIапIиван ил къушличибад гъараҳъикиб. Хъинжла гIела дигIянбикиси ил, берхIе гъезбарли клеенкализи бергурли, неш хъусбяхъибхIели, хIайранни гIелабад хIербизур.

– Сакъбанчи! – Гъузгъалдиси тIамаличил вявлажъиб муцурла вегIли. Жалбахъибтани гъалакли гIежала хамха машинала бухIна къузбариб. ЛябкухIеливан хъархъли, арцахъурли чула машинара ващала сирт-ургаб пяхIли бетахъиб.

Неш чина арбухибал иргъхIергъуси, урухбиуси гежба ца мерличиб жургъбикIули, щацахIели «Бе-э!» или тIамара дирули, нешла тIамаличи лехIилзули, щумбикIесбиib.

Урчиличи мурдали, гилила къашлизи дебадарибити хунжачил хурег хIядурбарес или ляркъуси хала букунна хабчаб чераибхIели, Хъибсу харибиуб. Гъанагарти гIяхIланни сен неш арбухибсил аргъахъес бирусиван, гежба къушлизи чарбиуб, ляркъусилис гъала дуцIбухъун.



**Патимат
МЯХИММАДОВА**

ГҮУНИБАЪНИ

Къиенти дургъбала дусми ардякыи гөргъира, Дагъиста шимала халкъ хъалибаргуни адикъес, кулпет гашали хъебекъахъес бархълахъайчи колхозла хъянчурбачиб бузутири. Ил тяхъярли узулри ца биштаси шилизив Гъялимъяхъра. Шел биштати абикъес, гашазибад берцахъес, къяшмачи ташбатес къайгъилизиври ил. Халалгъуна рурси Раисат риублири 14 дус, виштап Гүумар - 3 дус.

Дебали уркъеци- ряхъму агарти дургъби сарри илини чедаити. Ватлан батахъес жан ахъерхъедарили ургъули калун Гъялимъяхъ. Ил вяхъили, ца къяшлизивад чулахъиубли, чарухъунси, сунела келра узи биалли дергълизиб игитла бебкъали алхун. Дургъбазиб алхунти кел урши хъярибихъесалра хъебикили, уркъилизи къакъадеш бакъибси Гъялимъяхъла неш, анцкъи-деці гъандуцес хъериубли, ребкъибсири. Сай Гъялимъяхъ виалли, яхъбуции, хъерирулри. Ца къяшлизивад валкъикъуси ил колхозла шоферли узулри. Илала хъунул Хъулаймат, сабицун батурли биштатира, савлиличирад цъябдаайчи колхозла хъумачи рузес раушулри.

Гъебшнилизи агили саби.

Савли гумайлavad чарухъунси Гъялимъяхъ:

– Гъари, дила Хъулаймат, тебси дийра абушили, хинкъи дарес чебиркур. Нушачи Гъяхъли лябкъули чехъри лебнү.

– Дудеш! Дудеш! Чи саю нушачи лявкъуси ишбархъи? – къяшмази вирхули, иб Гүумарли.

– Гъяхъял сай нушала вахъхъила, дила урши. Тасула Хъямид сай, уршира сайра, – иб Гъялимъяхъли, виштаси Гүумарличи хъерикули.

Бегътала Гүумарлара ихтилатличи калунти биштатира учибикиб. Раисатли биалли, нешша хъарбарькъ таманбирули, шанг чебилзулри.

Колхозла шофер Гъялимъяхъли, анкъи, мурава цархъилти хъараҳъларадшилизи дихусири. Иларад анкъила гавлаг, букъуна бедибси дий камдирути ахъенри. Диъ гъяхъял вакъибхъели яра сегъуна-биалра сяхъбатлис пайдалабиусири.

Раисат, башни биурули, пикрумазир сарри. Сунела школализир делчъес Гъягъинити дурсрачила ва гъалмагъ рурсбачила пикририкъулри. Барили

башнира, дучили жузи-тетрадунира, къанхIериэс къалабали, дуцIрухъи школализи аррякъун. Раисат гъялIил ручIусири, илис халарабхIели, тухтурла курс белчIес дигусири. Ил пикрили ил гъатIира къайгъичерли ручIусири.

Ил дебали жагаси рурси сарри: тамай халахIераили хъалли, духуси хIер, халати цУдара хIулби, хъуцIрумачирад датдухъунти духъяна цУдара чурми сарри. Школьницала хIева ва цУба гъалайхъан чегъурхIели, гъатIира жагали карилзулри. Сунела лебил акьуси замана илини урус учительница Рита Андреевнани дедибити жузи дучIули буркIусири.

Школализирад чаррулхъухIели, Раисат унзала гъала сараайчи, гъялIи лебниличи шакхIерикиб. Ил жагIийс хъарбарибси сочинение сен-сен лукIусил пикрумазир ляркъулри. Гляйнир кIел урчи чедаихIели, гъанбикеб гъялIлачила.

Раисат севан рухIайнхъусил пикририкIули лерли, неш, унзаларад гъарракIили, пишряхъиб:

— Раисат, гъари, къалабарики! ХIечи нуша хIерирану!

ХIулайматли ил рухIна жирариб.

— Иш сари нушала халалгъуна рурси Раисат, — иб нешли, рурси гъала рурхъули.

Урузриуси Раисатли, бакIибтачи хIер ахъбуцес хIериуб, саламра бедили, беркеси бируси хъули къалабарикиб. Чинаб — биалра къаршибикалли, илини илди балра хIебали.

БурхIини яргали ардашулри, Раисат халакараили, жагъкариубли, гъатIира жагаси ретаурили. ХIера, школа таманбарили, тухтурла курсличи дедибити документунала жавабличи хIерили ил. ИлхIели илис дугила неш-дудешла дигIий гъайбикIуси ихтилат гъанбиркули саби. Сен нешлес илцад тухтурла курс хIейгусил иргъули ахIенри Раисатли. ГПурра селичиларил баҳъхIи гъяшли гъайбикIули калун илди. Илди пикрумазир лерли, Жавгъарли разиси тIамаличил гъаларакIили, пикрумазирад чераргъиб:

— Раисат, мубаракириулри хIура нура! Нушала документуни детерхурли сари. Гъанна нушаб тухтурти детаэс багъандан дебали къайгъичерли дучIес чебиркур . Даҳъал делчIес гъялIинти сари бикIулину!

Жавгъар Раисатличил документуни дедес ракIибхIели, бегI гъалар тянишириубсири. ХъанцIа, гъячихъли хIердикIути хIулбира, берхIе делсунти чурмира, разиси, гъяш-гъяшси рурси сарри.

Раисатра Жавгъарра дебали къайгъичебли бучIути рурсби сабри. Илди лебил курсла бучIантас ва преподавательтас дигахъулри.

— ИшбархIи ну дебали разилира ГъялIадла, Жавгъарла ва Раисатла хIянчурбачи. «5» хIушаб, — иб биологияла преподавательница Сакинат МяжIяммадовнани.

Сабира шакхIебикили, Жавгъарра, Раисатра, ГъялIадра дебали гъалмагъбикиб. Илди абзбикили «5» къиматуначил бучIулри. Амма ГъялIадлара Раисатлара чула ургар акIубти дигайличи, сабира гъанналис тамай шакбикили ахIенри.

Шакра хIебикили, илдани хIябъибил курс таманбирулри. Экзаментала гIергъи калунти кIел базлис биалли, бучIанти каникултачи хъули бархъиб. Рурсби-уршби бегIла гIергъиси бархIи цаличил ца гъайбухъун ва декIарбикиб.

Автобусличи кариили аркъухIели, Раисат пикририкIули ГъялIадличила ва илини дурибти гъайличила. Раисат, автобусличирад карацIили, баҳъхIи чехIебаити неш-дудеш ва узби-рузби чебаэс гъалаклири. Илини стипендияла арцлис асили хибити савгъатуначи узби-рузби дебали разибиуб. Неш дебали пархилри, берклуми дирули.

Ца-кIел бархIи дикиб. ГъялимяхI Раисатличи хIерикIули викIар:

– Гъари, ХIулаймат, буча тухумти, чедизая шунгри, дааяа деркести, нушачи ГяхIли лябкьюлину ишбархIи.

ХIулаймат Раисатличи хIеризур, гIур ГялимяхIличи ва иб:

– Гъу, ГялимяхI, гъанна Раисатлизи бурес замана саби.

– ХIуни бура.

Ну лябкуютас гъуниваэс аркъясну. ХIядурра диирая, – ГялимяхI хъуливад дуравхъун.

– Неш, селичилла саби хIушаб бурес гIягIиниси? – харьбаиб селичилла шакхIерикибси Раисатли.

– ХIера, дила рурси, урегал дус гъалаб нушазибад гъай сасес бакIиби Тасула ХIямидра уршира, ишбархIи мас хили лябкьюли саби. ХIу хIядуррии, дила рурси! ХIечи саби лябкуюти. Гъанна адамтира имцIали лябкъян, – иб ХIулайматли ва беркеси бируси хъули къалабарикиб.

Раисат биалли пикрумазир тIашли калун, нешли дурибти гъай ца-цали гъандикахъес гъазализир. Илини хIулбала гъалав ГяхIимад сайри чейуси, илини дурибти гъай сарри гъандиркути. Раисат жявхIейчирад дузахъути гIядатуни Гясибли халараахъибсири.

Ил пикрумазир сарри : «Гъанна неш-дудешлизи се или гъайрикIес рирузира ну? Се рикIули иргъахъуси илдази наб дигхIейгни? Урегал дус гъалаб бакIини сен хIебагъахъурли буйбсив ишдани набзи? ГяхIимадлизи се рикIиша ну? Селичилла гъайухъес дигулрира ГяхIимадлис?» – азир пикри дакIиб Раисатла бекIлизи.

Ил гъачам нешличи гъамриулри, гъачам дирутази рирхулри.

– Вари, дила рурси, хIу селра мариkIуд. ГяхIина урши сай бикIули саби. Гъаланачи илала бегIти тухтурла курсличи къабулхIебиркутири, уршили къабулбикахъили саби бикIар. ХIерли уусну, сунес илцад дигуси курс белЧахъес ратирай или. Сайра МяхIячкъалализив учIули сай бикIар.

ХIела хала дудешла ГяхIли саби. Селра ваймабилзахъид, жагали гъунираи, дила рурси! – иб ХIулайматли, Раисатла рачаархни чебиули.

Сен-сен биалра хIерира баиб, ГяхIли бакIесра замана дикиб.

– ХIулаймат, гъари, рика Раисатра, хIура раши! – вявъиб, ГяхIли лебси хъуливад гъаввакIили, ГялимяхIли.

– Раши, дила рурси. Вари, нуни бурибси хъуммартид! – иб ХIулайматли ва ГяхIли лебси хъули бухIнаахъиб.

– Гъуя, ГялимяхI, ХIулаймат, исбегъи ретаури руилигу нушала гелешмеш! Илис уилив дила ГяхIимад, гелешмеш ручIуси мерла сайра учIес гIелавад арякъунси?

– Агъ! Машаллагъ! Машаллагъ! – иб Тасула ХIямидли, разили гъачам уршиличи, гъачам Раисатличи хIерикибули.

ИлхIели ахъдуцибти Раисатла хIулби, жагъилличи лагдизур.

Илала гъалав сунес ахIерси ГяхIимад тIашлири





**Ибрагим
ИБРАГЬИМОВ**

ЧАКАР ВА НУСИ

Гягъилибургина наб гъатПиитбархИтукеизиацIес? Гъалаб, се хIяжатбикалра, хабчабли бихусири. Балагълисван, илра хъулир къаршихIерикиб: нешлис шин хес рякъири, сунечи Аллагъ разивъ! Чайла бержес хъулухъунси нуни чакарла къани бацIли баргира.

Набзи нуни хабчаблис «гIяхIти» дугъбала балгара барили, тукейзи укъес дуравхъунра.

– ХIед се дигулри, адавзи? – гурдалагъунти гъярцIа хIулбар, дакибти дяхI-някъла регI къуймур набчи пишряхъили хIерризур.

– Чакар, дила рурси, – викIулра ну, уркIи-уркIилабад ил исбагъила малхIямдешличи паҳрубирули: «ХIябилра къугъали дугъаризур къалли, сунела мурад бая! Сегъуна пергер рурси сарил! Чи игъбарла вегIла жанай вава сабира?»

– Сецад чакар хIяжатли?

– Ца кило.

– Ца кило? – рирххIерухIеливан гъинчIризур ил. – ГIур се исулри?

– ГIур селра исули ахIенра.

– Чевверхи, адавзи, чакар сабицун лугуси ахIен.

– Сен гъатПи? – тамашайубра ну.

– СенахIенну ил импортный саби. Ца кило чакарличил барх ца кило нусира лугуси саби.

– Нуси нушала хъулибра баари леб. Ил матъал лугуси хIебиалли?

Къуймур пишряхъиб.

– Пешкеш адам уилри, адавзи, гъанна матъал лугуси се леба?

– Ягъари, наб чакар саби хIяжатси.

– ХIебиалли, адавзи, цархIил тукейзи гъаввакIи. Нушачиб илгъуна низам саби.

«Тамашала ГIяламат! Илкъайда бирусив? - пикриухъунра ну. – СейкIуси гъанна илизи? Яра дуравхъи цархIилти тукенти къайшIдирутив? БархIи ахъили саби. Замана агара. Биалра, нахIа нусира исис. Дила дурхIнас илра диргалахIебулхъан...»

– Гъу, биаб хIу рикIусину, биха нусира, – къабулкайкира ну.

Къуймурли къасилиубад бухъутIа нусила халаси лагва дурасиб ва, тургъуна дисра касили, кальэс рехIрихъиб. Амма илхIайзизб дила къянкъубази уркIи гъудурдулхъахъуси гягI гилдибухъун.

- Таш гъари, хъела хъайчи гъях! Ил нусив, гъари, лугуси?
- Иш саби, Голландияла саби. Бегла черикла саби.
- Илкун гъгбикули саби.
- Селра хъебирар, канилаб гъгбетихъур, — масхара буриб илини.
- Юх, ил хъейги. Голландияла ахленну, Шотландияла биалра, хъейги! — викулра ну. — Ил берки гъергъи хъябал бархли беркайчи гъамиес хъейраргу?
- Щакыл покупатель леври, адавзи хъи?
- Щакыл ахленра, амма наб ил нуси хъейги.
- Хъейгули виадли, чакарра хъебирар. Хъечил хабурта ругъес дила замана агара!

Къуймурла къугъати дях! акиб аргъван дамкъур. Ил, нура шайчив ватурли, царилтасил вачуртази ахъиб.

Наб ил дебали децагиб. Илкъайда ну мучлахъерибси анцбуку гъеч биубси ахленри. Белики, ил къикъимай илкъайда уктемриубси сари-регис тукейзир сархели рурги? Гъанна пачалихъла тукентира камкадиубли сари.

- Ва хъечи гъях! бак!, — сагали дугъайлзула иличи, — ну хъерли камалтабану, бихагу чакар.

- Лугули ахленра. Укъен ишавад!
- Сен илцад терсли гъайрикъусири? Хъутив тукена хужаим?
- Ну ахленра, амма гъамли ил дила бетарар.
- Гъярзабала жуз биха! — викулра ну, ахирра сабурлизивад ухъи.

Илини хъебакъибсиле гъердариб: хъялта ну сунечи ахли, берубси хъиталичи дугъаизурли къайда. Чянкъили къинайсра тикрабариихели, илини набчи мялгъиван хъулби атхъун.

- Агара!
- Чинаба? Тукейзид ил биес гъягъиниси саби.
- Рикъулрагу, агара! Заведующийли арбухиб. Иличи укъен!
- Чинава заведующий?
- Нуни сели балуси? Сунези хъарбаа!
- Агъ, ишди адамти! Ахир заманала зулмукарти буилигу?
- Се? Хъи набчи вявмайкъуд! Хъугъунта урухъерирура...
- Хъи къалли аждагъалира урухъерирури, байтарман! Биха гъярзабала жуз
- абикиб къуллукъ!
- Здрасте? Гъур селра хъейгив?
- Голландияла нуси хъейги.
- Белики, хъед Австриялизибад бархъахъиша?
- Гъягъинили ахлен, нуси дила хъулибра леб баари.
- Диур. Дила бекъабдалхъебарии, тядивии!
- Ца кило чакарла биха, гъур хъуни ну чеххъейура, — чевхъеркулра ну.
- Ца кило ахленну, ца граммра хъелугас! Аргъирив?
- Хъергъира. Сен чакар нусиличил бирцуси?
- Гъягъинихели. Илкъайда бурибси саби...
- Чили?
- Чили буралра, хъела къуллукъ ахлен. Яра заябиахъес батишав? Гъур ил дила хъянтъалабад авду!
- Хъерагу ца... Хъебиалли, гъгбииубси нуси адамтас-декъар бирцусив? Актра барахъили, тукейзибад убкаса.

– Гъя, буресван гъамадлив гъатИ? Сегъуна замана бакИлил чехIебиултив?
– Чебиулра, амма адамтала кунби мегъла дильни хIебагъурра.
– Или ибси се ибсив?
– Се биэса, мегъла канилизицун миликъуни думхIуси нуси бархъес вирап.

Яра адамти адамтили кали ахIену?

– Вари, гъари, ахIен, – хIулби цIиваиб илини. – XIу Бацличивад кацIисигъунаригү? XIериизи алавчарли! ЧехIебиултив барсдеш?

– Се барсдеш?

– Халкъ секъяда вяшбикIулил? Машинти, арц мургъи, долларти... XIу биалли ца кило нусила хIейги викIулри. Кыркъир!

– Набзи вайти гъайли ругъес хIезиб ихтияр агара.

– Се ихтияр? XIугъунас гидгариличирад бала лугIян бикIар.

– Эй! Къайрики!

– Набзи эй викIес ну хIела хъунул-мага саррав? Вашен ишавад!

– Къашра кахIейцIис! Биха чакар!

– ХIелугас!

– Лугахъис хIези нуну!

– XIяблавад айзахъурли, хала дудеш кадлира, хIелугас!

– Ту, лягIнат бакIабгу хIечи! XIукIун нажас руилри?!

– Нажасуна вергаби хIу, кыркъир, шаддикъ!

Къикъимайла хIаяагардешли ну тамай жиндралавиахъубра. Сепайда гъатИ, ил байтарма къазлагъуна гъярцIа хъяб кIел тIуй буцили, бекI чеббердес!

Руржути някъби сари-сарил нусила халаси лагва лебси столличи ГIибкъидизур.

... Голландияла нуси ЧIябарличи кабикиб ва пашбехъуб.

Агъагъай, илхIели къикъимайли ахъдуцибити, гъя-гъарай!

Плама-гъамаличи хIяздухъи дииши, тяп жибарибхIеливан, аъбяхъуни цалабикиб. ЦабехI чебдукаркIули, цабехI, сабиван дуухчанти ГIур агара бикIутиван, маслигIятбикIулри. Баягъи ил манзил кIел хъанцIа палтарчебтира дакIубиуб...

ГIе, ил бархIи наб чакар хIебикиб. ГягIбиубси нусила арагIеб лагвала хIекъра набзибад аберди.

Амма ну мицIир-вацIли ватурра викIасли, узи-урши, къяна бетаар: 15 дуги-хIерилис матъал туснакъ бикиб. Чини балуси, хъулиб хабчабли сегъуна савгъат хIядурбарилил?

ГIур къалли чакар сабицун хIейсис!

ДИЛА ДЕЦI ЧИЛИ ИРГЪУ?

АхIерси Нина Николаевна!

ЛукIули сари хIечи Хамсият, Шакри бикIуси махъилизирадси вецГъибил классла ученица. Асубирап хIуни набчила хъумартурли риэсра. ХIечи башутира дугъабилзутира баҳъ-баҳъал чебаира нуни. Чина гъанрикеса хIед нугъуна пякъир. Гъанна ца баз шалгIеббухъи саби неш хIяририхъила. ИлкIун, хIуни операция бирихIели, ребкIисири. Гъанна ну цIуръа сарра, хала нешличил буркъа юртлизир хIерриулра. Ну гъаман рисулра, гъар неш гъанрикибхIели, уркIи къакъабикIули саби. Хала неш мурталра рургъули

сари, бисали неш чархIериру, рикIули. БархIехъуназир илини набзи дахъал хабуртира дурули сари, дила анцIкы черардукес или, я сари дила мякълар бекIил кIантIихIерикIур. Сецад набзи хIерисахъес маслигIятрикIалра, савли буруш биршухIели, илала Гянала бирцибисан шинкIали бургулра: набзи чехIедаахъили, дугели нургъби картIули сари. Ца ГяxIдеш, школализиб децIличила хъумуртулра, гъар бархIи, шел километрла гъунира ахъили, унраличибиши шила школализи рашуулра. Нагагь асубирузи биалри, мурталра илар кавлира. Дудешалра мякълав левси виалри, ишщад декIли хIебири наб: ил цархIил хъунуйчил шагъарлизив хIерирули сай.

Ну итхIели, бара шел дус сарри риубси. Гъанбиркур, хIед сагаси хIева асес аркъулра ибсири илини. РиргIяриргира. Я хIева хIесиб, я сай чархIевхъун. Аллагъли вири къалли нешлис ахIи, илис изала бедес. Къисмат цархIил уббухъун. Илини нешличи уркIецIихIебариб. Агъ, хIябилра вайтIа леб гъанна наб! Я нешла шалати дяхI чедиули ахIенра гIур. Сепайда гъатIи, хIунилра ил рерцахъес риубси риадри.

Агъ, Нина Николаевна, итхIели ну хIечи Аллагъличиван рирхусири. Больницала жаняхIлизи хала нешличил кариили, нуни лерилра далути балгни делчIунра, «Ва дила дурхъаси Аллагъ, рерцахъа дила аба» рикIули, тIашхIеризурра. Урга-ургади хала нешличира хIеррилзира. Тамашаририра: ил лехIакахъилири, я рисули ахIенри, я балгна ручули ахIенри, хIебалас, илала уркIиличиб се лебрил, гIякъкулизирад рухъунсиван, кIайризурлири. ХIябал сягIят наб хIябал дусван духъяндитIун. Операция бируси палатала унза гъаргиубмад, ну арцурсиван душIрухъунра ва цIуба халгIятчерли дурагулхъуси хIечи чегира. ХIу тIашризурри, хумарли набчи хIулбира хIердарили, хала нешличи гъамриубри. Ва илизи Гяшли шивкIивбарри:

– Черрерхи, неш, нуни селра барес хIериубра... Набчи къянни раахъилра...

– Гъя, дила рурси! – хала нешла кахси тIамали ну уркIаира. Аргъира, гIур дунъяличир дила неш агниличила, ва ну операцияби дируси хъули хъярхърикира. Жан агарси нешла къаркъайчи кIапIрикили, ЧIяррикIесряхIира. ГъанхIебиркур, сецахIи илар калунрал. Ну муэрлизиран сарри, тухтур рурсбани иларад ахъруцили аркухIели. КIинайс багъурра, эгер нешлис нушала маҳъилизир лерай уколти дарибси биалри, ил мицIирли кавлусири. Укол чини бареса, нушачивкIун тухтур бекIилра левси ахIенри.

Унраличибишили тухтур живарес урчила мурда вархъили чарухъайчи, изай неш къялшубази руцилри. Агъ, Аллагъ, сен набчи уркIецIи агарсив?!

Черрерхи, Нина Николаевна, гъала-гъала наб гъанбиркусири, хIуни сари дила неш ребкIахъиби или, дила душман хIу сарри или. ХIуни операция хIебарибси риадри, мицIирли калишигу или, пикруми даши. Хала нешли набзи гъар секIал аргъахъиб. ХIечила дахъал хабурти дуриб. ХIечила дила пикрира барсбиуб. Гъеч гъанхIебирки наб хIу илгъуна цIакъси тухтур риъниличила. ХIу акIубси Гурьев шагъарра батури, нушала дубуртази ракIири. РегIла пагъумичерси хиуррг ретаурри. Устадешличил скальпель бузахъуси, даршлим верхIел операция дарибси, илдицад адамтала жан дерцахъиби, кункси

някъла perI... Агъагъай, хIечила хала нешли дурути хабурти аргъадри, дугихIери ругъалра, илди кахIедурхар. Илини хIела хъалибаргличила, бегIачила, гъарахъси Гурьевлизиб калунти балликъянабачила булан балули сари. ЦацахIели ну тамашарирули рирус: "Улас, гIаяса убирхъули, хIилхIи рашуси ил чинар ва сен-сен бажардирикибара лерилра илди дагъес? ХIериуб къалли итхIели больнициализир илдачила хIези хъар-хъардаэс?"

АхIерси Нина Николаевна!

Ну хIечи дугъаризахъурси, дила гъанкI бемцIахъурси ца халаси урехи леб. Урехи ибхIелира, михъирлизи кахIебурцуси, гъанбикалли, чархла тумазирти хIи булан миъдиргIяхъуси...

Хала нешра изахъули сари. Иргъултив? Илра цАкъли зягIипли сари. Даг урцул хес азбарлизи карацIибхIели, къагъриубли карикили ракгира. Гъай агарли, ребкIиславан дяхI цБудухъи, зер-зерли руржули. Нуни, агырикIули, гуж-гужли ахъруцира ва хъули раахъира. Чумал минутли гIакъуличи ракIив, се бетаура набчил или, дугъаризур. Нуни бурес хIериубра, къутIкути симкъли гIяндуршулри. Пикрумазиб биалли урехи сабри: "ГъатIи се бариша нуни, хала неш ребкIалли? ИлхIели нукIун дунъяличир цайли ца кавлас. ЛергIер цУръариубли. Чилра гъамси адам агарли. Язихъли... Юх, хIейги! ХIейги наб илизирад мяхIрумиэс! Иргъултив дила децI, Нина Николаевна?!"

Азир журала пикрумани ну къацIдурцливан къакъарарилра. Букусила тIем агара. ХIянчилизи ахъасли, някъби дячунтиван даткадулхъули сари. Се бируси? Чина рикиша? Чичи дугъаризиша? Сен-сен рируса хала неш мяхIкамрапес? РаххIи пикририкIули, наб хIу гъанрикири. Ну хIечи, гъачамцун чераибси зизичи, нешличиван дугъарилзулра: "Кумекбара наб, жан адай. Рерцахъя дила хала неш. ДилакIун гIур дугъаризеси чилра агара. Эгер дудешла мермуса далули риасри, иличи кагъар лукIира, неш багъандан сецад гъимрукIили риасра, иличирад черкаурхира. Хала неш гъачамлис илцад рухънараили ахIен. АсухIебирар илцад жывли илис иш дунъя бархъбатес... Илбагъандан хIуни, ахIерси Нина Николаевна, дила тилади аргъили дигулра..."

Нушаб маҳъилизив тухтур хIяжатли сай. Маҳъикунт чуйнара районнизи бякъун, хIякимтази чула тилади аргъахъиб, сепайда, барсдеш ахIекIуб. Балулра, хIу нушачи ракIес хIерируд, хIела зягIипти, хIела кумекличи хIерти, хIечи идбагличиван умутличил бирхути илабра баари леб. Ну ца бархIи пикрирухъунра: сен биишира нуни тухтурла курс белчIасри? Школализирра ну числарга ГелахIерулхъули ручIулра, гIурра гIахIил ручIес къасра леб. Даргили тухтурла санигIятличила жузира лер, мар саби, илар иргъутачир хIергъути дахъал сари. Набзиб бархIиличи бархIи ил къас чIумабикIули саби.

Хала нешличил ихтилатбарибхIели, илра къабулрикиб:

– ХIябилра гIахIси пикри леб, дила рурси. РучIес рукеен, тухтур ретаи, Нина Николаевнагъуна. Нуни хIед селра мяштхIебирис, дила пенсияра хIед, гъар касибхIели, бурхъис. Набра кумекбираид, шантасра. Я хIу пашманхIерируд.

– Ил къалли вайси ахIенри, – рикIулра ну. – РучIес карерхес риишара? Ила, бикIар, дахъал арц тIалабдирули сари.

– Арц селис лугути?

– Рушбатлис. Илкъайда буриб набзи шагъарлизизир ручIуси зилан рурсили.

– Машаллагъ, машаллагъ, рурси, сецад арц гIягIитив?

— Нуни хIебалас, хала неш, харьхIебаира...

— Вай, Аллагъ, хIябилра барсбикIули леб иш бунагъкар дунъя. Гъалаб рурсби бучIахъес бархъахъес тиладибикIули бири, чули арца луги. Гъанна рушбат агарли къабулбирули ахIен. Гъу, дила рурси, цархIилта бируси нушанира бирехIе, мискин риасра, хIези белчIуди касахъес гIягIибиркур. Ца базла пенсия хIебиуру?

Ну пишхIярхъес хIериубра.

— ГIур чинар дургехIев арц? РебкIибхIели ибгахъес кайхъибити харждаралли ахIенси? Белики, гъачамлис архIерикишагу ЧевяхIиси? ГIурра дучес риус.

— Юх, ил секIал бараҳъес ну къабулхIериirkus!

Арцла хабар гIур хала нешлизи гъанхIебушахъира. Асубиару гъари? ИлалакIун илкъаядара дахъал лерти хIедиъни нуни балуси саби. Я гIягIиши ахIен! БегIла гIяxIси – хIядуррикIус! Гъар секIал уркIиличири дагъес къасбираис! ХIеблизиб багъудила хIекълизиби документ кайсис, ручIес аркъяс, амма... Се бариша хала нешличил? Чичи харькарариша? ИлкIун зягIипли сари. Нушачиб баҳъал уркIи изути адамти леб, илдани чучи арку, къацI–шин ахIерахIейру. Биалра, илкъаядара асухIебирап, сенахIенну дила уркIи паргъатли хIебирап. ЗягIипси иличила, пикририкIули я ручIес хIериус. Наб хIуни, хIурматла зизи, насихIят бурили дигулра, се баралли гIяxIисил. Белики, камси заманалис биалра ил хIу рузуси больницализи кааркъиши. ИмтихIянтира дедили, ну чаррухъайчи... ГIе, ГIе, ну сеннира ручIес карурхус, наб ил секIал барес чарагарли гIягIиши саби. ИлхIели хала неш нуни шагъарлизи аркис. Дарх хIердирехIе.

Ва дила ахIерси Нина Николаевна!

Кумекбара. ГIеррущаба нура хIугъуна тухтур ретаахъес ва наб жаваб белкIен. Я нуни я дила хала нешли хIела гIяxIдешличила дебкIайчи хъумхIерtexIe. Ну сабурагарли хIерли риус. Арали ратаби!

ДуцIарти саламтацил хIечи умутбирхъуси маҳыкан рурси Хамсият.

Апрельла кIел, Шакрила маҳъи.



Поэзия

СягИдулла
ГЯБДУЛЛАБЕКОВ



ВЕГІЕБШЛА БУКІУНДЕШ

ГянручI саб бехIбирхъул букIунна хIянчи,
ШакхIейкили айцIур ахъ дубуртачи.
Глякадиру маза дерхъиб гIявначир,
ШятIличил дугъалзан маза-масличи.

БуцIар бархIи биаб, ургъалра забли,
КланIбарили биаб авлахъ дяхIили.
Буцалра дубура зумал дирихъли,
Дуки укъес саби ярга баили.

Варгъи саб букIунна цаибил гъалмагъ,
Вава-къарла буруш саб гъар мурталра.
Мурил гъанкIра башар тIабигIятличиб,
Диги имцIадикIар мицIирагличи.

Гъараҳъти шимала ухулри шалми,
ГлянцI-ГлянцIли бикъулри хурала гъямла.
ВявбикIул арцанна детIилри тIама,
ПаргъатхIебирулри вацIала тIума.

ХIулби къяпIдаили, кункли усаун,
БусаягIят вехIихъиб хухикIес букIун.
Бахъ жявли илис шалара дикиб,
БукIунни маза-мас дуки ардукibi.

Гъарилли мяштIхIейру гIямру букIунна,
Замана декIарси сабхIели гъанна.
Мурталра даршудеш – чархлис арадеш,
Гъарилли хIедиру, вегIебш, букIундеш.

ТИАБИГІЯТЛА ГЪУНАР

Пикрибараалли, узби,
Иш жагаси табигіят,
Клантідулхъули сар нургъби,
Гляшикъдешли бусягіят.

Мар-марли дахъал сари
Табигіятла лишанти,
Чум-чумра жураличи
Диркули сар гъунарти.

Гъала хіебла замана
Галгуби вавнадирхъур.
Гъигъдикіар бизи тіемли,
Чегъурли цуба хевни.

Дуцірумлизи агалли,
Табигіят шинишбикіар,

Миціриаг ва арцанти
Нешличиван дуцідикіар.

Гіебшнилизи агалли,
Мургъи-рангли кабилзан,
Мурил щедеш дурчули,
Уркіларты гъардилзан.

Яни чесабаалли,
Ціуба юргъай кіапібурцу,
Варачанти, шаруби
Миъбани ясирудурцу.

Излуми агардиру,
Биубли халқълис дарман,
Амъур гъава гъамбиру,
Виаллира сай душман.

БАРСБИУБСИ ЗАМАНА

Лебил дунъя буцибси
Хіукуматри мас-мулкла.
Гъалабяхі арбякъунси
Бири нушала улка.

Щумаси пачалихъри,
Къала къайда нушала.
Баари багъа бири
Баркабан ца къурушла.

Хіллакар душманташиб,
Чедибдеш сархисири.
Илцадра нушала халкъ
Дунъялис машгъуртири.

Хапли хабарагарли,
Законтира дарсдиуб.
Муэрлизиб тяхіярли
Пачалихъ тутібуиуб.

Милякъ баргес арцанван,
Халкъ саби къайцібікіули.
Агъула чічілалаван,
Багъни сар къацідикіули.

Къял булан барскабирап,
Акіалли сунес къача.
Улкара барскабирап,
Варсиубхели пача.

БАЗАРЛА БАЗРИГАНТАС

Устни саб вачуртала
Базарла базриганти.
Хіянчилизиб хабарла
Баракатла адамти.

Лушули хіебумсули,
Ахъбикіахъу чули лац.
Глямултар базриганта
Дахъдикіахъу мургъи-арц.

Жявли, къанни хеили,
Гъаман гъундурачиби.
Дуги-хери хеили,
Арц ласдарес гъалакти.

Ца къурушлис асили,
Кел къурушлис бирцули.

Хъалибарглизиб яшав
Чула имцабибули.

Лайдакая къиркъирдеш,
Базриганти базарла.
Даргая сахаватдеш,
Хурмат имцабиэсли.

ВЕГЛА ШИ, ВЕГЛА ДУНЬЯ

Шагъарлантани гъяму
Дуркыу, бикъар, гъамадли,
Вегла шилизир къайда,
Деркес хеирар хурматли.

Марлира, ху аркъултив,
Акъубси ши батурли,
Шилизир деркыб гъяму
Бусягъят хъумартули?

Чиди мерла виадра,
Дубурван чумавии,
Башути юлдашунас
Разили гъуниваи.

Дурхядеш дарх деркыбти,
Ца класслизир дучути,
Цашилан пергер гъубзни,
Хъуммартид уртахъ дурхини.

Шагъарлизир хеидирар
Маза-мас я хияйванти,
Хешибирар гъянручличил
Дуки укъен бикъути.

Чуйна гъандикесвара
Дяргыб шинна гинзурби,
Гинзи шичи башути
Дубурлан издаг рурсби?

Сецаад гъараахъ викадра,
Ши-шантачил гъайикен,
Виубцал ахъбурцули,
Малхъямли дезаикен.

Узби-рузби дигути
Бурул гъайла аргъая,
Хиязлис ахъен бикъути:
«Вегла ши вегла дунъя!».



ГЛЯЙШАТ
МЯХИЯММАДОВА

ХІЯБКУБТИ

Гъаман ну хIерикIулра
Заклизирти урмачи,
БегIла шаласи зubar
Мешубиркули хIечи.

* * *

Алавбирис нуни ши,
ДигIянали рашули,
БиштIал шила къакъалав
Къаршиикиши или.

* * *

Хъубзарли хъуми делгIа,
Глебшнилис сабухъ бучес.
ХIуни дихъиб дигайла
ХIериубра къел дуцес.

* * *

Ща духIнартi хIулбачил
ХIерикIулри хIу набчи

ХIела мурити гъайли
Хъулприхъулра хIечи.

* * *

БакIиб халал мусибат
Нуша кIилалра урга:
Адамтала гъай-мезли
Хиб цIябдеш нуша урга.

* * *

Сен жявли дяргIибара,
Дахъ цАкътиригу дигай?
Вайбаркълис гъайбара,
МархIедиахъес карцIай?

* * *

Мурхъ гIявиала диркъанир
Дашар къар дахъ дерхъибити,
Язихъдилзан наб гIямру
ХIу агарли деркIибити...

ИГАНАЙ

Бирхъур галга вавали,
Щедеш дурадикайчи.
Дила – бяхъиб дигайли
УркIи шаладикайчи.

Сен ишщадра гIядабли
ГIямру аркъутив дила?

АхIену наб къадарли
Дурашан шалай дила?

Биалра наб якъинни
Мардеш лерни ил хIезир,
ХIечи дихъиб дигайли
Алкахъи сар нур набзир.

Ну чинар риаслира,
Пикрумазив хIу сайри.
Чина хIерризаслира,
ХIела къаралди саби.

ХIу набчи лявкъян или,
Далтас унзурби гъаргли.

Глебшила бугIяр дягIли
Рямкъядиру дахъ цIакъли.

Цакъ дигайла хъулани
Датурри наб уркIилар.
ТалихIечевли дигулра,
Виадра урхIла мякълав...

АВАЛ ТУГЪЛА

Дуклуми гъакIадили,
ЧIакаван ну арцурра.
Гляюркъяни бяхъибси
Жайранван карикира.

* * *

ХIуни набчи хIеръадли,
Бацван ну шаларирус.
Нагагъладан гъайадли,
Мерсливан зерзеррирус.

* * *

ХIела тIама аргъили,
Хъярхъли дурагулхъасра,
УркIиларти пикруми
ХIези дурес дигули.

* * *

БиъхIебиур наб гъава
ГъигърикIес, хIу агарли,
Чакарван рицIахъулра
ГъархIедизур дигайли.

* * *

Каберхур дила сабур,
ХIегIир хIулби умцIули.
Дила гъалакси уркIи
ХIу варгес къайцIбикIули.

* * *

Гъарил дуги гъанкIлизиб
Чебиис хIела сурат.
ДигхIейгулри хIед аргъес
Дила уркIила мурад.



**Тавсултан
СЯГИДОВ**



ДАМРУХЪЯ БУЗАЙРА БУХЪНА СИНКАРА

(Сагал дусла хабар)

I

ДяхИила пусли сари
Гъайбатли кадиркули,
МиъбаргИб ванзаличиб
Щуба къалтин бушули.
Сирислиуб вацIа саб
Суратван кабизурли.
ДяхИиличир къел дуцес
Хя саби балбизурли.
Верали парчикIули,
Гъядус сай ватихъили –
«Сагал Дусла байрамлис
Гъяра биркур», – викIули.
ВацIализи баштуи
Гъанна бекIил агара:
ХъитIма дициб машинти
Лерну сесад дигара.
Мешебей Гъядус къалли
Ца бархIи хъулив хъевъар:
«Бердан» г'елакахъили,
Цурмачи гъяр вашар.
Цура кабушаллира,

Гъинтала хабар буру,
Бучили унра-хунра,
Ца гъяхIси сяхIбат биру.
Мешебейла «мекъличи»
Дамрухъя Бузай вашар,
Цурала дивъ берцIили,
Белкъайчи «чаяйли» бужар.
Хъекъили баткабухъалли,
Чугурра къимирбири:
«АнцIдукуйла саб» или,
Далайра гъумурбири.
Музаличиб дила ши
Саб гъанна чебаргъили,
Юртанала къяпIурби
Верали парчдикIули.
Янила сихIрулизи
ИлхIи саби т'абигIят.
Хъябра жагали бираар
Лебил дунъя ил сягIят.

2.

Зангъарила т'амали
Школа чебсаргъахъиб.
Минутла бухIнаб азбар
ДурхIна тамай бицIахъиб.

Бемжурли саб илаб хъяз,
Цали итил бурцули,
ДяхIила къалуби сар
ХъярхIубиван урцули.

Сагаси Дус нушачи
Сабигу сабиули.
Илис гъунибаэс саб
ДурхIни хIядурбикIули.
«Тигирла дус» саб илис
Саби къалли бикIули.
ШалгIеббухъаб чисалра
Зарулти хIедиубли.
Шиниши къарла майдайчиб
Мукъри къайда бумхIули,
Чудначил ва хинкIачил
Къумурличиб бирхIули.

Вирус бикIуси нясра
Нушачибад чеббикаб,
Хъямчиби бисахъули
Мискината хъу дерхъаб!
ДиштIати шимазибра
Баракат имцIабиаб.
Гляяркъяна Гудуслис
Бусуси Гляра бикаб
МухIубачир маҳтаби
Дамсурли сарра дихес,
Сагал дуслизив нушаб
Ванаси бархIи бухъаб.

Школала директор
Абакарла Рабазан
Дила биштIал шилизив
Сай хабарла директор:
УчIес дигуси урши
Къайгъили алавурцу,
Азгъинна, баркъагарла
«Келра някъли сурс бурцу».
ГляхIси гъавличил сайри
ИшбархIира директор:
Даг школалис кили саб
Мар сагаси автобус.
– Гъари, дурхIни, вявъая
Нушала завхозлизи,
Вархъес дигулрану ил
ИшбархIи вацIализи.

3. Гъалаб қумек бируси
Агара гъанна колхоз,
Гъар секIал гъунчиуршан
Ветаурли сай завхоз.
Янилис даарицад
Нушаб урцул кадихъиб,
Елка гъанбушибхIели,
МялгIуй ГлянцIала дариб.
Мешебей Глядуслизи
Нуни тиладибирис,
Лявварес чебуркъалли,
Илис савгъатра бурхъис.
Абзур жумягI агара,
Мекъличи арякъунси.
Бураягу, мекъличив
Дамрухъя умсхIемсусив?

«БецI багъарбирап, бикIар,
БецIличила бугъалли.
ХIера ит, лявкъули тев!» –
Чеахъиб ца дурхIяли.
Ца лихIи батли саби
БекIличибси къапIала,
Вера сари дашули
Кисаларад хIякала.

4. Ханжа мерлаб вайлиу
КабакIили сай барда.
ХъуцIарличиб кIикъярай
Баргили саби урда.
Къялтнигъунти супелти
Сирисли сар дуцили,
Гъала хIебла берхIиван,
Бузай сай пишхъили.

– Ветахъиригу ваххIи,
Калунрил, бура чинав?
Ца-кIиналра гъавикIен
Иша жумягIла ухIив!
ХIед алапа лугуси

5. Пакъир саби началихъ:
ГляхIдеш агара, марли,
ХIезибад илис хъимихъ!
Гляярличи дуравхъи
ХIейиши, Бузай, рапхи?

Сагал Дуслис гЯралра
ХIевъудгу хIу агарли.
Цурми агара, бикIар,
ГIядусли къирдали.
ГIур се бирехIел, бура,
ВацIа кутурбарили?
ВацIала жаниварти

ХIезирад сар урухли,
Шурмази пяхъиули
ХIела тупангла кIухли, –
ГIымхIевкIини иргъахъули,
Ца хIули линкIбириули,
Директор Рабазан сай
Бузайлизи викIули:

6.

– Жавабла хъарбарь леб хIед,
ХIези нуни бурасли,
Таманбара вирадли,
ХIед дигул хIебарасли.
Сагал Дуслис ёлка хес
ВацIализи аркъяду?
Яра завхозла къуллукъ
Ца цархIиллис балтаду?
– ХIела хъарбарь балули,
Касибсигу иш барда!
Сен ГIямулти дирида,
АхIенкъира хIу гурда?
ВацIализиб галга деб
Елкалис чеббикIили,
Бяхъили ил лебхехIе,
Чилра шакхIейкахъили.
ХIунира гIяхIил валад
Цурмала душман ГIядус,
ЩумхIейкIахъес гIяхIисири
Ит мянгун ца ляварес.
– ХIябал азир лугулра,
ГъатIи ахъри агара.

ГIядус диур викIхIейкIар,
Деда сецад-дигара.
Азир къурушлис ляркъян
КIел шишара чудура.
Илди секIал ишбархIи,
Валкъаи, хIядурдара.
Азир къуруш ГIядуслис
Савгъатлисра гъабуца.
Уъмуъ викIалли, рахли,
Чумати дяхI кадуца:
Шанти щумбикIахъули,
Хивла галгуби дициб.
ТабигIят кабушили,
Сунела киса бицIиб.
КIелра азир ГIядуслис
ХIуни харжкадарадра,
Азир къуруш кавлан хIед
Ахур-хухур баресра!
ИшбархIира мешебей
«ГIаярличив сай», – бикIар.
Сагал Дуслис елка хес
Лявкъни балули ургар.

7.

ХIера, Бузай дуравхъун
ВацIализи сапарли.
ГIядус къаршиикалра,
Ил сайри валкъаури.
Баша булан Бузайла
Сабри юргъа урчила.
ВацIализив тIашизур
Галгалиув ядала.
Ил ядала чирх сабри
Пахру ухъна ГIядусла:

Гъал дус сарри дикибити
Ил вацIа убатурла.
Ца елкалис ахIенси
Яда бяхъили хIевъи,
Чили яда бяхъялра,
Халал гIякIа чебирхъи.
Хиви датахъес хIейуб,
Сели виркъули хъалли.
ГIядус кайзур гъабза сай,
Сели бугъули хъалли.

8.

Бузайли ядназибад
 БегІла ахІмакъ чеббикІиб.
 ХІякара чеббатури, –
 Глур бардали гераиб.
 КъутІла мага хІергъибу,
 Глядус гъеч музахІевхъун.
 Ванавиэс хупІбарес
 Сай Бузайла хІяздухъун.
 Хунжазибси чудура
 Жаявлил бяргІили бурги.
 Шишнара хунжазирад
 ГъардакІахъилри бурги.
 – ДукаркІули сар наб chir! –
 ХункІ чебаахъиб шишнас. –
 Сен хІерли уусира,
 Глядус, ну хІела пишнас!?
 «Гулменди» чеббердили,
 Шишала хъар гъаргбариб.
 Глур, пигъала бицІили,
 Агар Глядуслизи иб:
 – ХІу чинаври ишбархІи,
 Цурмала душман Глядус?
 ХІукІун жагІял наб ургъуд:
 «Туснакълизиб буркІид дус!»
 Дед Морозра ну вирус –
 Ёлка дурхІнас архулра!
 ХІела арадеш, Глядус!
 Иш пигъала бужулра.
 ХІерли уэс глур дила,
 Глядус, пурсат агара.
 Шишалиуб хІед нуни
 Азир къуруш балтула.

Дуги белгъун дагъала
 Чудура халбириста,
 Даг дурсиб тамбакула
 Къалиянра лусасра», –
 Бузайли хІухІкабатур
 Глрякъила пигъала.
 Лебилра бяхІ къябшбуциб
 Бержибсиван агъула.
 Чудуличи някъ бухес
 АхІенри валкъаури,
 Багъбиубси гамушван,
 Харчизур вякъизурли:
 ИличибахІ дяхІ-дяхІли
 Гъурша синка лябкъули!
 КачІуба гъакІбикІули,
 Цулби къябцардирули!
 Беркайчила хъумартур
 УркІухъунси Бузайли.
 Игъбарбиуб, верцахъиб
 Бухъна мигла галгали:
 Житайчив кункли ацІиб
 Ил пакъир галгаличи.
 ХІерэс вирули ахІен
 Багъбиуб синкаличи.
 Минутла ухІнав Бузай
 Хъар къамаличи аиб.
 Сунес г'ебабиули,
 Удиг синка чебаиб.
 Глур ацІес вализали,
 Бялchan галгала къяли –
 Кахиубси Бузайли
 Бяхъиб синкас чакмали.

9.

КахІебикесу мялгІун
 Галгаличибад шАкъли!
 Илис г'елавад сайра
 ХіилхІи калун аркъули.
 Галгала удиг синка
 УгъбикІар гербизурли.
 «БебкІили ахІенара,
 Чархлис жагъал библи?»
 Белики, макру диэс
 Ну кацІахъес дирути?..
 Синкачил хъярба укес! –
 Хіейги илди масхурти», –
 Руржули сай к'апІиван,

Галгаличивси Бузай.
 Вявшасалра вираву,
 Даткадухъигу тамай.
 Хапли синка харчизур,
 Бузайличи хІербизур.
 Галгаличи сагали
 Ил абацІес балбизур.
 – Угарав ухъна мурул!?
 ХІела пукъа цАли биг! –
 Вявшыб гъатИи Бузайли,
 Шилизибта аргъесли.
 Бурибси аргъибсиван,
 ТПашбизур, сунтI-сунтIбикун.

ЧехIебиув мялгIунни
ДяхIиличиб хIерикун!
КъацIванники ахъбуциб
Ит дагъала чудура.
Хапбарили, арбухиб

Хъарбяхъибси шишара.
Се гъанбикибал няслис,
Хунжлизиб халтIхIебухъун.
ВацIала чирхлизибахI
БалкIбикIули гъаббухъун.

Майали кIантIикIули,
Ил бугIярси аргълизив
ВагъархIейрару Бузай
Школала юртилизив!
– Чинаба, Бузай, елка
ХIуни нушаб лебхуси?
Ил се куца бариси?
ХIергуд, марли, духуси! –
Абакарла Рабазан
ЧехIелхъану иличи,
Абзур бархIи калунси
Лебхуси елкаличи. –
ДяхIла ранг агарагу,
Се саби хIед биубси?
Чинара хIела ваяхI?
ХIуни нушаб бариси!
ГIядусличил ужули
Ил бархIи абухъунсив?
Урузалра хIейубли,
МехIурри чарухъунси!
– Яда герайбхIели,
БалкIа синка чебухъун!
Набчи бакIибси мабакI
Алагълара душмайчи! –
Буруси марбиурили,
Някъба сай гъакIикIули,
Бузай чехIеиб гъалав
Илкъяйда гъайикIули.
– Цура ибси виадри,
Вирхаэс асубири,
УрхIли бяхъибси цура
Набчи чебухъунсири.
Уркурличив хIейасри,
Ну таманварибсири.
ХIезиб къяйда, набзибра
Тупангра агарсири.

Синкачила вай хабар
Илаб таманбиайчи,
ВагъархIейрару хапли
Улцул кавдан Будайчи!

10. Синка сели биркъуси
Иш бугIярси аргълизиб?
Ил биэс гIягIиниси саб
Жаявлил берти гъанкIлизи.
Белики, бурги ил хIед
КепхIели гъанаурси?
Ил хIела къяналичи
Чи сая вирхаруси?
– Синка янили бусни
Саб нунира балуси.
Илбагъандан ахIенрив
Ну илцад уркIухъунси?
Чили саби балуси,
Белики, бурги тIатIли
Яра чебаргъахъибу
Дила бардала къутIли?
– ХIела тупанг чинабрив
Синка чебухъунхIели?
ХIукIун гIяюркъя сайри
Абани варкъибхIелил!
– ХIу вирхаи, Рабазан,
Бархъли бурулра хIези,
Бардалра аги набзиб,
Тупанг сабри гъарахъли.
КачIуба гъакIбикIули,
Ит синка чебаимад,
Чудула бутIа булан
Кабикиб някъбазибад.
Наб тамашабизурси
Ил ахIен, бурахъагу,
Хъарбяхъиб держла шиша
Синкали арбухибгу!
– Нешлис архуси бурги! –
ДукаряхIиб Рабазан. –
Бержалли се-дигара
Адамлис гъалабилзан.

II.

– Гъари, юлдаш Будайчи,
Дуцуухъен тухтурличи,
Хъярхъли вакIахъес бура,
ХIерлирану сунечи.

Тухтур Мирза гъалакли
ВакІибхели илдачи,
Хабарчи Бузай сайри
Мигла хъар къамаличив.
– Гъаригу, Мирза, хIуни
Бузай ахтардивара.
Иш адамли дурути,
Марлира, дархъти вара?
«Синкачил Гярякыила
Бержира», – викIули сай.
Дамкъурли дургар дагъри:
Кел жумягI мукърачив сай.
Мешебей Гядусличил
Ужули калун ургар,
Нуни гъалаб хIергъира
Ишалагъуна хабар.
– Бурагу, Бузай, хIуни,
Чинабал хIела хIяка?
Синкали сунечил барх
Илра арбухиbara?

Рабазан, аргъа хIуни,
Ну Гядатла фельдшерра,
Шумали пикри бурес
Нура вас-васикIулра.
Психиатрличи вархъни
Лайикъли чебиулра.
Варх адамра вархъая,
Нуни кагъар лукIулра.
– ХIу викIуси бирехIе.
Сагъварес ГягIинили сай!
Иш абдалиалликIун
Яни нуша дирГяхIе.

Хабурти дурахъили,
Бузай хъули вархъили,
АрхIякъяну директор
ВацIализи сай вархъли!
ХIекъли бархъси буйлри
Бузайли буриб хабар:
Яда лебри бяхъили,
Бузайла ваяхI – илар.
Завхоз викIуси синка
Сабри илаб агарси.
Барда булан лебалри,
ХъитIализи атIунси.
Рабазай илар даргиб

Мукукурап ахIенрив
ХIед цугбикибси синка?
Нешер къяцалагъунти
Дирар бикIути лебгу...
– Абдалиублирав ну,
ХIурматла тухтур Мирза,
Синкали мукукури
Сунна бекIличир далтав?
– Белики, барткел бурги
ХIечи къаршибикибси?
ВацIала синкаличи
Саби мешубикибси?
– СейкIулри, гъари, хIура,
Наб абдал сай викIулрив?
Бухъна мигличи барткел
Житаван абицIуру?
– Дила пикрили, Бузай
Дагърилизив сагъли сай,
Нушачив дукаркIули,
Масхурта угъули сай.

12.

Щадушили, школа
Бигалли се дикIехIе?
Бурая, гъалмагъуни,
Бузайлис се бирехIе?
– Яра шайтIай ишала
ЛихIилизи бяхъибу?
Ягъари, Бузай, бархъли
Се биубал бурагу?
Тухтуртачи вархъадли,
Авара дахъдиургу:
Завхозли узахъес хIу
ИлхIели хIелтаригу.

13.

Хунжи, хIяка ва «бердан».
Илдира дарх касили,
Чарухъун ил итмадан.
Юзбashi МяхIяммадли
Сунна «Нива» дураиб.
Бузайли бяхъиб яда
Пяхъли дурабикахъиб.
Школала ца заллизиб
Цикури-елка баршиб.
Сагал тигирла дусла
Байрамра дураберкIиб.
ДурхIнас дигули ахъиб
Бузай Дед Мороз варес.

УмцЛукъи, биъхЛебиуб,
Чинайкибал, ил варгес.
Хивала гавлагличил
Гядус ила дурайкиб.
«Елка гибсира иш сай,
Хивала гавлагра хиб.
Гядусгъуна Дед Мороз
Гур варгес вирра хЛейрар».
Елкалиуб булхъули,
Халаси байрам бариб.

Мешебейли бучЛантас
Синкала делхъра дариб,
Дайдуги Путинничил
Мукекира ахъбуциб.
Гъарушла халал уменгI
Директорлисра бедиб
Гядусли, пишхъили,
«Бузай уркЛаиб синка
Нуни чебаира», – иб.

14.

Гергъила бархIи савли
Гядусли Бузай варгиб.
«Ватаба!» – викЛахъули,
Ил сунечи арукиб.
– Сагал дусла хЛурматлис
ДучЛехIе ца-ца далай,
КЛелра юлдаш ишбархIи
ДирехIе тамай къалай.
Синкали арбухиби
БужехIе хЛела шиша,
Унрубирагу, Бузай,
КЛел узигъунти нуша!
ХЛуни наб бараҳъиби
Иш саб дагъала чуду.
МялГун, синкала гули
Ит тайчиб чебииду?
Вякъизурли сай Бузай
Синкала гулиличи.
Альяхъили сай Бузай,
ВиркхIеркули мерличи.
– Ухънаваили хъалли,
ДухухIейубри къалли,
Миглиу кайкибХели,
ХIу пиякъикили къалли!..
– «ГляхIна гъабза сай Бузай»
ВикЛули калунсири,
Синказивад, бура, сен
Илцад урухкIусири?
«Ухъна мурул угара॑в?!»
Или чIярбяхъибХели,
ХIилхIи калунрагу ну
Ахъли дукарирхIули.
Мигличивад кайкили,
Айзес хЛейруси набчи
Чедивад кЛантЛикЛуси,

Бура хЛуни, чи сайри?!!
– Ягъари, цулби булан
Къябцардариб ит нясли.
Бархъли бурагу, Гядус,
СейкIади ну вебкIасри?
– Бузай, хЛуни синкали
ХЛебужни хЛебаладив?
Севан қункли ацИрил
ХIу мигла галгаличи!
Андализи ванцЛухъи,
Калунрагу каршули.
Галгалиувра кайхъи,
Уирагу ца вахъхIи.
Дилара игъбарбиу –
ХIезиб тупанг агарли.
Ваши, илра ищехIе
Нуша кЛелра юлдашли.
Наб рушбатлис лугуси
Ма хЛела азир къуруш!
Белгъун Бузайли кигъя.
Гядусли бучиб шанти.
Букун «синкала» дильба.
Демжур Гурра масхурти.
Шанта дурули сари
Сагал дусла хабурти,
Лебил ВацIа-хIярлизи
Сари хъярхъли даибти.
Бузайзи Гядус вирап
«Бухъна синка» викЛули.
ГымукЛиб Бузай вирап
Ханжайчи ветулхъули.
Лебилра гумай бираар
Ахъли Гляк-ГлякбикЛули.

БяхІяммад
ХІЯЖИЕВ



ДИГАЙЛА ЦУМЬАЛА

Чуйнара геравхъуна
Вава-къарла диркъличи,
Бузларси дигайла дард
Чархлизиб бургъухели.

Хіеризи, ну вакіли
Ил хіези дурестачил
Хіу лерси махъилизи,
Къабулхерира хіуни.

Эскиси хъа унзали
Марайли тіамадариб,
Бусес хіядурси ванза
Буциб чурма дирихъла.

Чуйнара юлдашличил
Пигълуми ахъдуира,

Яхі-сабурла узбачил
Къудкъуси деңі бутіра.

Гляшикъдеш имілабикіи
Хіекъли исбагъибачи,
Цалра дигайла дякъли
Хіеахъира мурадли.

Лерил анцікви ирзузи
Хіу Аллагъ хіериадра,
Къадурти лукіул бархіи
Глевуцаба хіуни ну .

Уркіи гүрра хъулбухъун,
Саби ил бамсурлира,
Къяркыти дусмала гъарбиз
Шилизиб ну акіубси.

ЧАРУХЪУНХІЕЛИ ХЪУЛИ

Вакілра ишбархіи ну
Дудеш-нешла шилизи,
Ши-шантала хіерли ну
Хіяйранварилра тіашли.

Ахіен гъаларван илар
Шила авлахъла дяхіра,
Дубуртира цунни сар,
Дурзам хіенкъ агара.

Гляйниб агара дураз,
Хъубзарла къаціла гъабиз,
Виштіахіеливан нешра,
Балас, суравхіерулхъан.

Ағь, сен бацібухъун вара
Шила дайлаб гумайра?
Дахъ демжурли диригу
Гумайлар хабуртира.

Диалра къапу гъаргли,
Цунни рургар хала неш,
Риаллира зягІипли,
Агъ, илала разидеш!

Риаллира зягІипли,
Балас, ил цумхIерулхъан,
Арадеш, дила аги
Дагъес ил аларулхъан.

Лагъала гІинизла ши
Ицис дяхI, милги ихъис,

Дамсур дила къяшмачил
Къяшла гъуниира ихъис.

Хала нешла гъайлизир
Иргъис чатIала тIама,
Ну чуйнара сунени
Уцили ургус дукла.

Диалра къапу гъаргли,
Хала неш сари цунни,
Дудешра кулпет бахес
КъайцIличив сай мурталра.

ИШАР АГУ ГЪАЛАРВАН

Эскибиубси юртван
Цунбухъи саб авлахъра,
Шявдиубти хIулбиван
Сари хъубзарла дяхIра.

Амма хIулбала гъалаб
ХIела сипат гъабилзан,
Бизил тIем ургубала
Гъанбиркур ишбархIиван.

Мешубиркули ахIен
Иш авлахъ гъалаблайчи,

Агу ишар гъаларван
Мургъи-ранг дерхъиб арши.

БикъхIебикъу ишбархIи
ТIама муракъянаала,
Чина дигIяндикиба
Къуйрукъ агар кIанруби?

ХIедикъу хъубзурала
Авлахъличир гъайлара,
Ургуба саб бацIбухъи,
Агара ишав чилра.

УРКИЛА ПАШМАНДЕШ

Забли бирцибхIеливан
Закла майдан лямцIбухъун,
Къанниван ца хIясратли
Симкъ абатур дугили.

Дугелицун шалара
Адалкун бацличил дарх,
АкIуб далай дилара
УркIилаб илдачил барх.

Авадан гІинцла галга
ЦугхIебикиб иш гъакIлис,
Севан разибирил ил
Нушара цугдикнилис.

Ургуба саби бикъри
КIел уркIилис ашкарли,
Муэрти тIинтIкадири
ГIямултазир хIуруцIли.

ХIейубрану, черрерхи,
Барес мурад уркIила,
Ил анцIбукъ чис хабарри
ХIуруцIли бетарнила.

Гъанна беcIли буцибси
МицIирағван саби чарх,
ХIебири илцад хъярхъси
ЖагъилхIели хIела ганз.

ВАТІАН

Хіела пергер рурсбани
Цикуриван баршилри,
Уршбала гъабзадешли
Чумабарилри, ВатІан.

Каспира саламбикІар,
Шелра улкала урхъу,
Дубуртачир г҃яйдикІар
Щуб мазала дурзамти.

Къадурбазир к҃ухдикІар
Урхънази дуцІти хІуркІби,
Дубуртас саламбикІар
Савли абулхъуль берхІи.

ХІу царилтас г҃ибратли
Россиялизиб бархри,
Зубариван заклизиб
Хіела у бишмабишаб!

БИАЛЛИРА ЖАГАСИ

Дудешли батур дунъя
Биаллира жагаси,
Гъанна ну вамсаҳъурра
Шишимъайра децІлира.

Авлахъла буцІардешли
Чарх саби буръахъули,
Гъебшни галга к҃араван,
Дашул г҃ямрула бурхІна.

Палакат улкаличи
Пикрумазиб саб уркІи,

ДяхІ шалали хІеблизи
Хъурайхъес хІелтули.

ТПутІуси кулпетличи
Дахъал сар пикрумира,
БегІтазирад дигІянни
Ушкули дайм нургъби.

Щумдарилра даршналра
ДеркІиб г҃ямрула дусми,
ГъанкІагар дугурбира
Пикрумазир дуркІули.

ЦУННИРА АВЛАХЪЛИЧИВ

ДуцІли дашар гъалахІеб
УркІи гъаргхІебарили,
Дила хІулбала гъалар
Гъачамлис гъебшни сари.

Хіурхъира сар дамкъурли
Дирихъла ругертазир,
Дисахъули лусенти
ЧаяхІикІули леслизи.

Щуэрли сирилавван
РяхІятли гардирулра,
Нешла михъирличиван
Диркъличи пІяцІиркули.

Нуцунра авлахъқадли
КъяйцІлизив пикрумала,
Ил хІечил дарх деркІиби
БурхІни пикридирули.



Учительла гъямзи



Къади
ГЯЛИСУЛТАНОВ

*Хела нана хъулбиван,
хед биштIати дигулри.
С. РАБАДАНОВ*

ПЕРГЕР ПЕДАГОГ

Ишди тугъи лерглер далдикли сари, пергер учительница, суненира мугъяллимла санигъятлис 50 дусра сера дедибси Хадика Шейховначи. Педагогла хъялалси хъянчи чеббиклини ва дахъал дусмазир ил санигъялис марли кали рузуси дубурлан хъунул адам, шилизирцун ахъенну арагъеб районнизирра Гибратли касеси сари. Илини бучъахътуни ва бучъахъули калунти уршби-рурсбани, гъямулизиб хасси мер буцили, халаси хъурмат сархили, декъар-декъарти санигъятуни касили, бузули саби. Хадика Шейховна мурталра къайгъилизир рирап, сунени бучъахъутазир, багъудицунара ахъи, патриот бяркъ касахъес ва бархъси гъйчи илди дураэс.

Сари акъубси Цугнила шилизиб итхъели лебси гехъел дусла школа сабри, ил таманаили гъергъи Хадика, белчъуди даймбарес Усишала интернатлизи шуррулхъули сари. итхъели интернатла директор сарри Социалист Бузерила Игит Хамис Казиева. Илабти мугъяллимтани дедибти багъудлумани Хадижала учительла санигъят касес ибси къас дакъубиахъуб. 1964 ибил дуслизир Хадика карурхули сари Дагъиста пачалихъла пединститутла филологический факультетлизи. Илар ил дебали гъяхъил ручи, институтла гъямулизир жигарла бутъакъяндеш дири, иличи преподавательлы мурталра разили бири. Ручули лералли ил хъаллариуб ва, биштIати лебниличи хъерхъели, белчъуди даймбариб.

1969 ибил дуслизир, касили дипломра, ил чаррухъун сари сари ручули калунси Цугнила гехъел дусла школализи урус мезла ва литературала мугъяллимли рузес. Чебяхъиси даражала багъуди касибси цаибил хъунул адам сарри ил Цугнила шилизирад.

Бузерила цаибил дуслизибал школала дирекцияли жагъил учительницала къайгъинчи пикри бяхъчиаиб. Ил бахъхъила опытчебти мугъяллимтала дурсрачи раши, илдала насихъятуначи лехъихъи, сунени хъебалуси урузхъериубли я

халахIерерхурли халатази хъарбиусири. КъантIли буралли, дурхIнас гIяxIти багъудлуми дедес, илдала бухъя зегъя гIяxIдухъаxъес чекаризурли рирап. Гъаман дурхIнала бегIтачил гъунириур, илдас насихIятуни дуру. Гъар базлизиб бегIтачил собрание дуррабуркIу, илдала кумекличил дурхIнала хIял-табигIят дяркъес къаслизир рирап.

Школализир дурсри жявлил тамандиубли диалра, Хадижа Шейховна хъули рукъес гъялакли хIерирап, сагаси тема хIергъиби ученикуначил рузар, илданы тема тамай аргъайчи хъули хIебурхъу. Гъамадси ахIен урус мезла ва литературала дурсри кадихъес, амма биштIатала челябкъаличила пикринкIуси мугIяллим илди къияндешуназивад уруххIекIар.

Хадижа ишхIелла бучIантачи далдикиби, рухIласи бяркъ ва багъуди дедес даим къайгъилизир рирап.

Галга сегъуна биалра, цIедешра илдачи мешути дирап.Хадижани убатурси галга дебаси, хIячмазиб бертурси бакIиб. Илини гIямрула гъуйчи дурайти выпускникуназибад камли ахIен учительти, тухтурти, инженерти, агрономти ва цархIилти санигIятуни касиби.

Рамазанова Хадижа Шейховна пергер учительницацун ахIенну, дебали гIяxIси нешра сари. Илини сунела мурул Хусейнов Рабдинничил авал рурсира кIел уршира абикъур. Рукъият, Аминат, ПатПимат, Рамазан, Шамиль, гIяxIти къиматуначил Цугнила урга даражала школара таманаили, нешла дякъгад арбякъун, Рукъиятра Аминатра филологуни саби, ПатПимат бехIихъудла классунала учительница, Рамазан – физкультура, Шамиль – историяла учительти саби. Асият биалли бархбасла хIянчизар сари.

БиштIатас мурхъти багъудлуми ва бяркъ дедлугни багъандан Хадижа Шейховна школала дирекцияли ва районна багъудила управлениели хIурматла грамотабачил шабагъятла риру. ДурхIнала бегIтани, сунечил барх бузути учительтани ва ученикунани илала халаси хIурмат биру. Сари Хадижара даим шантачил рапх рирап, илдала децI ва разидеш мурталра дарх дуртIу. БучIантачи дигили рицIили, чула нешван хIу илдасра дигули калаби дахъал дусмазир, Хадижа Шейховна.

ГИЛМУЛА АХЪНАЙТАЧИ АЦИБСИ

Нушала гIямрулизиб Гилмули хасси мер бурцули саби. Хаслира ишхIелла замана гIялимтани дурадуркIути хIялумцIлабани адамлис кункдешуни алкIахъули сари. Гилму нушала хъарихъ саби, лерилра бекIлидиубти суалтас илини саби жаваб лугуси. ИшбархIи Гилму руркънилизиб, адамтала гIямрула шуртIри ункъдиахъес багъандан бахъал гIялимти бузули саби. Илди ургаб леб даргантира. Гилмулизи халаси пай кабирхъули узули сай Ахъушала районна сирхIяла дубуртазиб мерлабиуси Цугнила шилизивадси Маммаев Русланра. Гилмула ахънайти чедибдешличил ихъули сай илини. Илала Гилмуласи бяхIчибиз промышленностьличил бархбасунси саби. Илини Санкт-Петербургла инженерно-экономическая Академиялизиб Гилмула докторла диссертация бетерхахъур. Диссертацияла мурад – промышленностьла сурсатуни пайдаладирнила тяхIяр-къайда. Халаси гъириаличил Гилмулизив узуси жагъил Гялимла гъуни ишкъайда бехIбирхъули саби.

1989 ибил дуслизив, МяхІячкъалала 13 ибил школа таманаили г҃ергъи, ил Дагъиста пачалихъла технический университетлизи кархули сай. Г҃яхІти къиматуачил хъараахъурли университетра, белчІудиличи гъаргъси урши калхъули сай Санкт-Петербургла инженерно-экономический университетла аспирантурази. ХІябал дус учIули, хъараахъур илини аспирантура. Диссертацияла тема сабри, промышленностыла сурсатуни кIинара-сера пайдаладарес вирни. Ил тема дебали къадричеси саби бусагIятла замана. Ункъли бетерхахъурли илра, Руслан ГИлмуртала кандидат ветаур. Руслан Маммаевли дахъал хІялумцIлаби дурадеркIиб диссертация лукIухIели, ва ил бетерхахъурли г҃ергъи. Цугнивадси Г҃ялимла хІянчили улкалис пайдаладиэсти насихIятуна, челябъялализиб пайда лебху. Чумал дус ил узули калун сай учIули калунси Санкт-Петербургла инженерно- экономическая Академиялизив «Технологиябала трансфера» бикIуси центрла руководительли . БусагIят илала 5 монография ва дарсличирра имцIали ГИлмула хІянчурби дурадухъи сари. БусагIят Руслан узули сай Дагъиста пачалихъла университетла экономикала факультетлизив. Сай узути дусмала бухIнаб илини чумал аспирант хІядурбарили сай. Г҃ямрулизиб ва ГИлму руркънилизиб илис мурталра хъарихъли бири бегIти. Дудеш Маммаев Абакар дахъал дусмазив Ахъушала районнлизив архитекторли , СМУ-лизив прорабли ва цархIилти хІянчурбазив узули калунсири. БусагIят ил пенсияличив сай. Неш Жувайрат Дагъиста пачалихъла университетла дурала улкнала мезанала факультетлизир рузули сари. Руслан мурталра гъаввикIули вири дудеш узути мераначи, илини илар чедии заяли ардашту материалти, севан вирапа илди кIинайсра пайдаладарес ибси суал илала бекIлизиб мурталра лукъули бири. Илди масъулти арзес ибси къасличил ил ГИлмулизи ихъули сай. Вамсниагарли узнили Г҃ямрулизир ва ГИлмулизир халати сархибдешуни лерхути сари. Илкъайда узули сай, Руслан Абакарович.

Илис г҃урра сунела гъамадли ахIенси хІянчилизир сархибдешуни дулгулра.



**Насибат
ХИЯЖИЕВА**



СТУДЕНТУНИ ПРАКТИКАЛИЧИБ

Нушала школализи практика дураберкіес студентуни башули бирар. Илди бакІибхІели, нушаб халаси разидеш бирар: мұғІяллимла санигІят чеббикІибы бүчінанти нушала паҳру саби. Илдас нуша халаси разидешличил гүунидиули диреҳІе ва дигиличил школализи хурабирихІе. Илдала практика чебетаахъили, ахъси даражаличіб бетерхаҳъес лебил школала мұғІяллимтани халаси къайгы бирү.

Иш белчІудила дусла бехІиҳуудлизибра нушала школализи Дагъиста пачалихъла университетла филологияла факультетла урусла-Дагъиста отделениела даргала группала шел студент бакІиб. Гъаланачи набчи, нуну ручІахъули калунси, ва гъанна ДГУ-лизир ручІуси студентка БяхІяммадова Хадижат дугъаризур: «Насибат Зайпуллаевна, нушаб дарган мезла практика барес гІягІиси саби. Школализир ручІухІелил хІела дурсри гІяхІидзүти сарри наб, илбагъандан, барх бучІуты рурсбазира хІела хІянчила устадеш чедаахъили дигулра». Васвасъала агарли, илди нуну гІеббуира.

Студенткаби халаси разидешличил сунечи хІербиаҳъес арбукиб, 22 дус школализиб мұғІяллимла хІянчи барибси Хадижатла неш Рашидат Каримуллаевнани. Илини илдала уркІи ункъли аргъиб, ва гъаман илдас кумеклариулри. Ну дебали разилири набчи дила ручІан Хадижат ракІниличи, сенаяхенну ил школализир бегІлара жигарчеси, гІибратла ручІан рирузири. Сунела белчІудила дусмазир илини сархибити грамотаби даҳъал сарри. ВеңІну цара ибил класслизир ручІухІели, республикаликазир дурадеркІибы конкурсуначир ва олимпиадабачир шуйна гъаларти мер сархибитири: «БегІлара гІяхІли даргала мезли назму бучІан» – цаибил мер, олимпиада «Абитуриент – 2018» – цаибил мер, «Дагъиста литературала олимпиада» – хІябъибил мер, «Дарган мезла олимпиада» – цаибил мер ва цархІилти. Паҳруличил бурес рируз, илди абзаначи Хадижат нуну сарри хІядуррируси.

БикІули бирар, чедибдеш сархес гъамадси саби, ил калаҳъес биалли къиянси саби или. Амма Хадижатли дарган мезла ва литературала олимпиадабачир гъаларти мерани гъар дус сархутири. Гъайгъайра, илдигъунти бүчінантачи учительтани паҳру хІебарес хІебирап. Сархибити грамотаби сарира, БяхІяммадова Хадижат пачалихъла университетлизи арряқын. Ила

къабулариб. Тамашала дири ил риштәси сарерхурси рурсила пикруми. Хәера илини «Нүни чеббикәбси санигъят» бикүси сочинениелизир «... Гъанна ну 2 ибил курслизир ручйулра. Наб дурсри кадирхъути мугъяллимти дебали бигахъис. Илди набчи разили биахъес мурталра къайгъилизир рирус. Амма лерила дурсразибад беглара дигахъуси дарган мезла дарс саби. Дарган мезла дурсрачи набзир диги адикъур дарган мезла ва литературала мугъяллим Насибат Зайпуллаевнани. Илини кадирхъути дурсрачи халаси иштәхъличил хәрли рирус».

Наб имцәаливан бурес дигуси пикри саби: практикаличи бакәбти студенткабала чебетаибдешличил дурсри дирес къайгъначила. Белкәи тәинтәси планра, хәядурдарили чебаъла ваяхъра, дурхәнчил бузахъули бархбасра, илданы гъялти дурсри дурадеркәб. Наврузова Цибацла ва Бяхъяммадова Хадижатла дурсрачив валикиб Дагъиста пачалихъула университетла Дагъиста мезанала кафедрала заведующий Бяхъяммадов Муса Расолович. Ил бархъира, илдала чедетаибти дурсрас ахъси кымат кабаттурра нушани. Цибацла дурабуркүси халкъла мухълила пагъмулис хасбарибси дарсличир бутәкъяндеш дарира нуни ва шила Культурала юртла хәянчизарти Джувайрат Нурбахъяндовнани ва Аминат Мутаевнани. Далай-делхъли ва гъаб-убла бузерила «Жуллак» гъядат чебаахъиб Цибацла дарсличил. Илгъуна разиси гъавличил буркъунзаличил гъуниватурра нушани нушала дарган мез чеахъдикәхъес халати къайгъни дакъудириуси даргалда машгүрси урши Муса Расолович. Илини сунела чеблализи халбариб сунела студенткаби хъурабариби ва хәрбариби Хадижатла неш-дудешличи вякъи илдас баркалла багъахъесра. Набра, школала шайзибад баркалла багъахъес дигулра илгъуна бяркъличил ва устадешличил дурсри дирахъес студентнуни бурсибирути университетла Гъялимтас.

Умут леб, набчи бакәбти студенткаби, дурхәнас бяркъ бедес къайгъначилти мугъяллимти бетарниличи.

УХЪНАЧИР ГЯХІЛАДЛИ

Наб мурталра гъанбиркурсир , селис гъягъитив дургъби или? Чебялти тухрачи кабииттани пикрибирули ахъен, халкълис дургъби хәейгни ва илди дебали зараллати дильни. Чис сари илди дигути, бураяту набзи? Хәедаилив цацабехә инсантас гъаннала ур картәбти нешанала биса ва буқьбуунси дунъя. Чис буқурли биубси ванзала мас чули талапбирулигу илданы, заябирулигу. Чис гъягъиниси цали бигубси ванза? Чис гъягъинисив, къирбарибси улка? Гъаннара итди къяркъти BatIa дергълизирти халкъли чедаибти къиян-жапаличила хабурти гъандуршүхъели, хүлбазирад нургъби гъардикәулигу. Халкълис гъягъинити даршудешра паргъатдешра ва жягъячи уржибдешра сари.

Наб бурес дигулра 1924-ибил дусла майла 10-личив акъубси нушала шан Шамхалов Мяхъяммадличила. Сай дургъбазив кахъели хъалли, дявила къияндешуни Чымдарес чебуркъубси, хәялалси, халкъла ургав хүрмат сархибси, асилдешличил гъямру дуркүси, хәянчили някъ белкъунси адамличила . Чисалра бекімаксхөвхъи, сунела гъямру деркәбси адам сай ил. Илкъядали сунела гъямрула рапхъя Хамирчачил гөхъел дурхәя абикъурли сай: 4 рурси ва 4 урши. Ишдус 93 дус вирули сай Мяхъяммад.

Нура дила бучIантира унабурхIличир чедаибхIели, ил дебали развиуб ва сунела мякъла кадиахъира. Уршила хънуй бусягIят къумур баршиб. Дебали разириуб илала хабчаб Хамирчара. Илдачи Дербентлизирад гIяхIлад ракIибси МяхIяммадла цайли цаси рузи Аминатра къарширикиб.

Нуша гIяхIладли дукънила мурад илини балулри, балулри нушаб сунела хабуртачи лехIихъес дигни.

Илини гIямрулизир чедаибтачила хабурти дурухIели, ихтилатла гъавличил пиширхъи ва цацахIели къябшдуцили дяжI-някъра сайра, хумарли гъайкайкIи нушачил.

Гъарли-марли иличи лехIихъухIели, нушаб ардякъунти анцIбукуну хIулбала гъалар лертиван кадилзулри.

ХIера, сегъуна хабар бурибал МяхIяммад-азини: итди къяркъти дургъбала дусмазир нуша I0 узи-рузи дирутири. Нушала хъалибарг MaxIаргила шилизиси хIербирусири. Ну итхIели вецIну шура- ургра дусла гIямрула сайри. Дудеш дебали зягIиплири. Ил ухъалав сайри. Лерилра хIянчи нушала назикти хъуцIрумачи хъардикиб.

ВецIну гехIра дус биубти лебилра дургъбази арбиулри. Илди улкала декIар-декIарти мераначиб бургули саби ибти хабурти иргъутири нушани. ГIярмиялизибад гIелумбилзутачира дебали къяркъли бири. Гъанбиркур нешла узис повестка бакIили, дявлизи укъес хIядуриубхIели, хапли вебкIибсири ил. Военкоматла хIянчизартаны хIяб абхьили, ил ванзалиувад дурсалии ахтардиварибсири, вебкIнила сабаб якъинбарес багъандан. Итди дургъбала дусмазив MaxIаргила колхозла председатель Хангишила МяхIяммад вирусири. Ил кайзурси гъабза вири... Дебали жагали бузахъули илини колхоз. ЦархIилти шимазиб гашазибад улхути леб или хабурти дири. Баркалла биаб Хангишила МяхIяммадлис, илини нушаб декIти замунтазиб халаси кумекири. Дургъбала дусмазиб лугуси къацIра дебали камси бири, битIакIили 200-300 грамм сабри лугуси.

Колхозла шайзирад дергълизи посылкаби дашихъутири. Вайти излумира дири ит замана халкъличи чедашули. Сагъбирутира илдазибад камли бири. Тухтуртира дармунтира хIедири. Дургъбала замунти къянити сарри. Гъанбиркур, мулебкIанти ва сугурбаканти урдатахъурли чула мер-мусара сабира Мичигъичлизы (Чечнялизи) гечбиурули. Илдас гечбиэс дебали хIейгулри, бисулури, дигIянбиркулри. Илди бурхъулри, сенкIун Мичигъичла халкъ вершабиубли саби фашистунас или, илдази 24 сягIялта бухIнаб уббатахъурсири чула мер. Ила Дагъиста халкъ гечбиурулри. Илкъядали Сугурбакантла ши бацIбухъунсири. ВецIал узи-рузи лерхIели, нуша кIел узи-рузи кали, гехIел узи-рузи алхун. 1946-ибил дуслизив вебкIиб дудеш, 1947 ибил дуслизир нешра ребкIиб. Дебали рухънараибси хала нешличи хъарикилри ну. Набчи хIеруди барес, къацI барес илала ахъри аги. ИлхIели, вецIну гехIра дус виубси наб, хъайчикайэс чебуркъубсири. КIел някъ авал детаур. Яшавра ца бара мадарбиуб....»

Илини сай нушала шилизив минавиъниличила хабурти дуриб. буриб Мамайкъута ванза хIурхъантас сен-сен баисирил, ва Краснопартизанска ши бетаъниличилара баянти дуриб. Лерилра гъандиркулри илис: «.....ХIурхъила партизантас, граждан дергълизир чедаахъибити гъабзадеш багъандан, хIурхъан гъабза XI. ТалхIятли ДешлахIярла мер-мусаличибси ванза бедес

пикрибибсири, амма ХIурхъила партизантас ил мер гIяхIхIебизур, шин агни багъандан. Илдани тиладибариб Мамайкъута ванза гахъес, сенахленну илдани илди граждан дергъла замана чедаибити дуили сари ва гIяхIти сари или пикрибарили буили саби. Илди ванзурби ризкъили делгIес халкъ уркрашиб баштури. Нура илдачил вашира. КатхIел дацIли дири уркри, лаг биалли дашули чардулхъутири. ВиштIали левай унци дубгира.

ХIязтадиркъесра замана хIебири дурхIнас итхIели. ХIянчилизирад акъуси замана вацIа-къадализир беркеси баргес къяйцIли дирира. Чегъурли кабцла дабрира, бархIиахъайчи ургубализир дузутири. Бахъал адамти улхутири диркъаниб гъавалабиубли. Илар дахъал чIичIлумира дири.

Колхозла председатель Хангишила МяхIяммадли диркъанирти ванзурби З дусцадхIи хIеделгIахъулира калунтири, «чис делгIути илди, дила халкъ илаб улхули биалли» или.

МяхIяммад-азичилси нушала ихтилат таманбирнули ахIенри, илала хабуртира кадурхули ахIенри, амма нушаб ардукъес замана биулри. Илини гIуррара дакIахъес хъарбариб, дахъал хабурти кали сарину. ДурхIназира тиладибариб ункъли бучIахъес, халатала хIурмат бирахъес ва асилдешличил гIямру дуркIахъес. ГIяхIти балгнира дарип МяхIяммадли ва илала хабчаб Хамирчали нушаб: «Я Аллагъ, хIушаб ва хIушала бегIтас ардешра талихIра имцIадиаб! Нушабгъунти ахIи, гIяхIти гIямру къадардиаб. Дунъя даршули калаб!».

Къабулдараб Аллагъли хIушала балгни, ахIерти МяхIяммад ва Хамирча. Муриси цIедешла анхъван верхIкъяркъли берхъаб хIушала хъалибарг, – рикIулра илдасра, – дурхIнала талихIли мурталра хIулдуркIахъбая хIуша!





Драматургия

Расул БЯХИЯММАДОВ ,
Муса БЯХИЯММАДОВ

КЪУРУМСАКЪУНИ

ДРАМА

Веңину кIира анцIбукула, урегал суратла

Бутакъянчиби:

МИРЗАХАН – Районна администрацияла бекI, 60 дусла гIямрула, рушбатчи.

КЪАЛАБЕГ – Районна финотделла заведующий, жагъси адам, къалпдеш дируси.

ПАША – Районна архитектор, жагъси адам, гIямултар, давла бучес балуси.

РЯХИМ – Усидей шила администрацияла бекI, 24 дусла гIямрула, юрист, бархъдешгIевли ургъуси.

САЯТ – Мирзаха хынул, 50 дусла гIямрула, давлаличи гъаргъси.

ЛЕЙЛА – Ряхиимла хынул, Мирзаха рурси, 23 дусла гIямрула.

ГЪАРИБАН – жагъси адам, ялчи, далайчи. ГIурра: ахтардибир, кIел гIулухъа бирап.

АнцIбукуни кадиркули сари гъаннала замана
шагъарлизир, райцентрлизир ва шилизир.

АНЦIБУКЬ ЦАИБИЛ

Цаибил сурат

МаркIачIила замана. Къакъализиб Лейлара, ил ритIукIули кIел гIулухъара чебиур.

ЛЕЙЛА (рачархили). Ратабая ну!

ГIУЛУХЪА (хамли). Нушачил раши. Ресторанизизб шадибгуни бирехIе.

ЛЕЙЛА (илдазирад ратрухъес къайгънариули вяврикIар). Ратабая ну!
Чиналра хIякъяс! Эй, адамти, кумекбарай!

Илала мухIиличи цали хъат чебуриу. Ряхиим хапли ила гъамирап.

РЯХИМ (*Лейлачи дугъаилзан*). Ишди хүуни балутив?

ЛЕЙЛА. Хүлбанира чебашиби ахлен. Кумекбара, жан узи!

РЯХИМ (*ДурхIачи малхIямли дугъаилзан*). Ратираягу иш сунела гүуникад аррукъяхъес.

ГУЛУХЬАБИ (*хамли*). Хед села авара? ПяхIли ветахъи ишавад!

Ряхиимли рурсилишибад вайнукъяби гакбиру. ДурхIанизивац цали Ряхиимла бекIизи хункI бирхъу. Ряхиимли илис хъянтIализи бугагIебли хъат бирхъу – ил хиртIли каркур. Итил гIулухъани Ряхиимлис дис гъакIбиру – Ряхиимли илала някъили бяжъили, дис дяргъли кабиркахъу ва илала канилизи балуй къяшили биркахъу. Илра каркур.

РЯХИМ (*дисра хапбарили, рурсилизи*). Къалабали ишарад аркъехIе. Ишдачил вархес дила замана агара, полициялизи бедес ГягIинитри (*Аркъян*).

Сцена циила цIяббиубли, гIур шалабирап. Аркъули илди чебиур.

РЯХИМ. ХIу чина аркъусири?

ЛЕЙЛА. ДГУ-ла общежитиелизи.

РЯХИМ. Нуни ила гъуниралтари.

ЛЕЙЛА. Баркалла. Ратаба.

РЯХИМ. Илар ручIусирив? Чиди факультетлизир?

ЛЕЙЛА. Ге, экономическийлизир.

РЯХИМ. Нура ДГУ-ла студент сайра. Юридический факультет таманбирулра.

ЛЕЙЛА. Нура бегIла гIергъиси курслизирра.

РЯХИМ. Чиди миллатлари?

ЛЕЙЛА. Дарган.

РЯХИМ. Район? Ши?

ЛЕЙЛА. Район – Карагла, шира – Караах.

РЯХИМ. Нура ил районна сайрагу. Унра шан сайра. Гъу, адайра хIела общежитиелизи. ХIед чи бикIара? Рахли гIур къаршидикес къадарбиялли.

ЛЕЙЛА. Лейла.

РЯХИМ. Наб Ряхиим бикIар. ГяхIил калаби.

Лейлала някъра цIацIабарили аркъян. Сцена циила цIяббирап, гIур шалабирап. Илаб тIашили Ряхиимра Лейлара чебиур.

РЯХИМ. Избербашлизибад хили урусла драмтеатрлизиб спектакль леб. Адамтани ил гапбирули аргъира. Чебаэс дигулра. Набчил рарх ляркъяду?

ЛЕЙЛА. Нунира иличиле бурули аргъибсири. Набра чебаэс дигахъира.

Башукац илди гъайбикIар.

РЯХИМ. ХIела бегIачила хъаралра хIебаирагу – хIу чила рурсири?

ЛЕЙЛА. Мирзаха. Районна бекI ветврач сай.

РЯХИМ. Иличиле аргъира, амма валхIелас. ХIу набчирад черрехи, ца суал хъарбаэс асубирару?

ЛЕЙЛА. Сен хIебируси гъари. Хъарбайни цахдеш ахленгу.

РЯХИМ. Ит кабикибси анцібукула гөргөн хіу наб мурталра гъанриркулри. Хъумартес хіейрулра. Бархыли буласли, спектакль сабабли буцили, хіу чераэс или гъаввакІбисири.

ЛЕЙЛА. Хіу уркІилизи кавхъунсигъуна, уркІи гъаргси адам уилригу.

РЯХИМ. Хіела бархьси саби. Наб имціати мез хіейтахъис. Эгер хіела гелешмеш-мага левси виалли, гіур лявкъра хіякъяс. Хіуни бархыли бура.

ЛЕЙЛА. Дила чилра агара. Нешли гъанбуршули лерри, валлагъ дудешлис хіу шери редес дигули сай республикала тахшагъарлизив чинав-саял узуси, нуйчивра 15-20 дус халаси миллионерлис или.

РЯХИМ. Хіу...?

ЛЕЙЛА. Ну илис хіякъяс или гъай къантІдарира.

РЯХИМ. Рахли хіечи дудеш лехІхІейзали.

ЛЕЙЛА. Нешли ну гөррүцира. Дила талихІ багъандан ну гъайрикІес я уруххІекІес я уруххІекІес. Илгъуна саби дила хасият, уркІиличибси тимхъли буруси.

РЯХИМ. Набчил гіямру деркІес рирадив?

ЛЕЙЛА. Гъя-я, илцад хаплив гъари? Пикрикарулхъас. Хіу набра гіяхІхІелзули виадри, нура иша хіечи ляркъра хіякъира.

Сцена ціябірап, гіур бусягІят шалабірап. Спектакльчибад چарбухъи лябкъулы илди чебиур.

РЯХИМ. Гъу, сегъуна каризура хіед ГіянтІикІа?

ЛЕЙЛА. Образ типичный сабри. Илдигъунти рухІла давла камти рурсби Дагъистайзиңун ахІенну, арагІеб лебилра улкализибра бахъал леб. Илди нуни игъбарагартази халбирулра, ит спектакльлизир чераахъибси рурсиван.

РЯХИМ. Дила пикрира хіелагъуна саби. Илдигъунти рурсбала хъалибарг талихІчебси бетарули хіебірап. Адам вегІла бузериличи хъарихъес гіягІнили сай, урхІла давлаличи къясхіейубли. Нушала улкализибси давлаличи гъаннала хіякимтала гъаргъдеш бархыли батІи саби ил пъесализиб. Гъу, хіела общежитиелизи адаира. Дуги гіяхІбірап. Дила суайс жавабра бахъхІи зузмабилтІахъид.

ЛЕЙЛА. ГіяхІна.

Аркъян.

Па рода в.

АНЦІБУКЬ КІИИБИЛ

Кіиібил сурат

Мирзаха хъали. Хъулиб диван ва чумал ута. Мирзаханра илала хъунул Саятра дивайчи кабиили гъайбикұлы саби.

САЯТ. ИшбархІи нушачи, савгъатунира хили, Усидейла шилизирадси Ряхім бикІуси уршила неш лерри ракІили. Нушала Лейлара илала дурхІяра ДГУ-лизиб бучІухІели тянишибиубли саби. Ил дурхІя наб дигахъулра или, набзи гъалабал бурибсири Лейлани. Набис шери редес хіед дигухІели, нуни хіези бурес хіериубра. ИшбархІи, Ряхімла неш нушачи ракІибхІели, ну илис ахІи цархІиллис шери хіякъяс рикІулы къаркъаван каризур.

МИРЗАХАН. Ил Ряхимла нешлис сегъуна жаваб бедири? Илди чихъали саби? Илдала хІянчи, даражা?

САЯТ. Мирзахайчил ихтилатбарили жаваб лугехіе ира. Дурхіяли юридический факультет белчі сай, дудеш школала директор сай. Белчұдира касили, хайчикабатути кіел узира, халахібашибти узи-рузира леб, рикіар.

МИРЗАХАН. Усидейла школала директор нунира бара-бара валуси сай. Совещание бачив гъайулхъули вирап. Амма рурси ила шери хІелугас.

САЯТ. Гъя гъары, Лейлала тәбигіят хІуни балулригу – сунес хЕйгусилис ил каруршадра шери хІякъян. Выбортас гъалав районнис ңаҳиэс дигулрив?

МИРЗАХАН. Тамаша хЛебиалли – вегіліс хЕйгусилис рурси шери хІегалли, ңаҳдеш бирузив!

САЯТ. ХІед районна администрацияла бекі ветаэс дигулрив – рурси сунес дигна шери реда!

МИРЗАХАН. Вяхі! Илинирав гъари ну районна бекіли калтуси?!

САЯТ. Эгер хІуни илис шери хІередадли, илдала баҳыл узи-уршилизициун ахІенну, шантазира хІугіебли голосовать хІебирахъу. Илгъуна саби хІед дила маслиғіят.

МИРЗАХАН. Илгъуна секіл наб гъанра хІебикиб. Ряхимла дудешлира илала уршбанира цархілти шимазиб булан нүгіебли агитация барес бирап.

САЯТ. Гъайгъай, бирап. Шилизіб хІурматла къам саби бикіар илдала.

МИРЗАХАН. Гъанна қИиуркІайкира. Се баралли гяхісіл хІебалулра. Пикриулхъас.

САЯТ. Сунес дигуйхіи рурси реда хІелли, нушала бурги хЕйзур. Выбортачив хІу чедиикахъес арагіеб ши хІугіебли бирап.

МИРЗАХАН. ХІу рикіуси биаб. Сукни бакіахъес бура.

Парда.

АНЦІБУКЬ ХІЯБЭСИЛ

Хіябэсил сурат

Гъалабван ахіи жагали балқаахъурси Мирзаха хъали. Хъулир диван ва кіел кресло. Дай хъулиб жсуруга стол, илис алавчар утни. Хъа бяхІяначир къалтинти.

Ряхимлис рурси шери редибхЕйчирад шел дус ардякы сари. Мирзахан – районна, Ряхим – шила администрацияла бургили бузули саби.

Мирзаханра Саятра креслобачи кабишили ихтилатбикіули саби.

МИРЗАХАН. Ну районна бекі ветаурла дус-имціа дикили сари. Халкылис виубисицад къуллукъбарира. Наб викіули, хъямхЕйкІира – халкыла игъидібар сархес гягІилири. ҖянкІли цацабехі шила бургазирад, ил хІянчиличи кабатес, дарш-дарш азир сасира. Цархілтанира илдигъунти дирули сари.

САЯТ. Ил жявлил барес гягІилири, сенкіун нушара ил хІянчиличи кадатахъес багъандан, халатани, гярадали бяхъяб сабину, къузриван пяхІала дөлтіунра.

МИРЗАХАН. Э-э, дила къакъба, хІези бурасли, белтіунси къазлара пяхІали ляркъути сари. Гъанна нушаб напакъаличила пикриикіус.

САЯТ. Гъя гъари, гъанналауб шимала бурги белтІи виадли, гІур чинабад напакъа бурчида?

МИРЗАХАН. Хъунрала гІякълу хІевала хъарлизиб саби бикІути бархъти буили саби – районнизир азир мягІдан лер напакъа касес вирути. Амма, хІацци нуни бургъусли, кахІебитІун кашлира укес багъес гІягІнили саби, понимаешь?!

САЯТ. Каш бирутира биэс гІягІнили саби. Гъя гъари, ца мурдала хъяса заклизи ахъхІедирап, бикІутигу. Ца хІуницаун селра барес хІейруд.

МИРЗАХАН. Ил бархъси саби. Чедибити нутІебли каэс имканбакІибси хІебиалри, иш хІянчира хІебирки. Узес дигултив, кисала хъар гъаргли бати. ГъямбикІуси хялис лига лайбикІесра бален.

САЯТ. Гъя гъари, вахъ сахаватли вяшмайкІуд, нушала хъалибаргра гъачамлис белкъи ахІен. Нушаб бакІесиличила имцІали пикриикІен.

МИРЗАХАН. Усидейла шилизи аркъуси гъунчиб гуми гъятІкабиили саби. Иличила шанти гІярзбикІули, чумал дус дикили сари. Гуми бараҳъес хъарбираис. Ялчнас алапа СПК-лизи бедлугахъис. Сметализир чедаахъиби илди арц нушаб кавлан. Илди арц наб ургардиркур. Ил дигІяндеш шила бекІ нушала гуяв РяхІимли бихІу.

САЯТ. Гъя гъари, РяхІим илгъуна адам ахІен, давлалис ламус бирцуси. МажахІят хІела пикриличи къабуликаес.

МИРЗАХАН. Дила пикри хІезиван бархъли илизи хІебурис къалли. РяхІим районнизив леври, живарили иша левкис. Глурра илизи дурести лер. Ил вакІайчи, гъав бакІахъес, ца юз грамм конъякла биха, гъари. (*Шоколадра къибцІибули, ца-кіел пигъала дужса*).

Хъули РяхІим айцІур.

РЯХІИМ. Ассаламу гІялайкум, хала дудеш!

МИРЗАХАН. ВагІялайкум ассалам, дила урши. (*Пигъала илисра гъабурцу*). Къаршидикнилис ца-ца къуртІи хІе. ХІези буласли, диля ца насихІят леб: шила бекІличиван хІечи гІягІниикибси чи виалра, мурталра илала мурад бирен. ИлхІели, адамтала хІурмат бирузи сай или, хабардурхар. ВегІла шантала хІурмат сахІерхили, вегІлисра урхІлисра пайдачевли узес вируси ахІен. ХІунира балуливан, нуни гІяхІцад хІянчи дарира районнис цаибил дус. Гъанна диля яшавличира цакамси пикри бяхІчиис.

РЯХІИМ (пигъала къутІбарили). Вибусигъуна хІяракат бибулра.

МИРЗАХАН. ГІе, гІе, ну вирхулра хІечи. ХІу живарибиси имцІали ца ишгъуна хъарбарьклис. ХІушала шанти баҳъхІи гІярзбикІутири гъятІкабиибси гуми бараҳъес. Халкълизи гІяхІла хабар бура – нушани ил бираҳъехІе. Шанти хІедра баркалла бикІар. Ил бараҳъес чумал адамлизибад бригада акІахъа. ХІушала лебсигъуна материал пайдалабараая, нушанира лугехІе. Ялчнас алапа хІушала СПК-лизи лугахъехІе. Сметно-проектная документация хІуни хІядурдараҳъа.

РЯХІИМ (разицубли). БаҳъхІи тІашхІеили, ил суал ирзис. Устначил вягІда баресра чебиркур.

МИРЗАХАН (вягІ къямчІбизурли). Илра балкабиркахъехІе.

РЯХІИМ. Диля хІези ца халаси тилади леб.

МИРЗАХАН. Бура, бура.

РЯХИМ. Даҳъал дусмас нушала шилизи дашути гъундури къулайдирули ахен. Илди далдаражъес пикри саби. Цакъадар гъяхилван арц дедаягу.

МИРЗАХАН. Илдигъунти хъянчи цархилти шималара лер. Постараемся... Арц яра хъушази лугехъе, яра илди хъянчи нушани дирахъехъе. Илдасра кагъурти гъаладихъа. Кагъурти агарли хъукуматли серла лугули ахен.

Парода.

АНЦБУКЬ АВЬИБИЛ

Авъибил сурат

Районна бекла кабинет. Халаси столла гелараад хъанца чъянкли или къландашибти глеркъали кайхъибти столти. Илди-алав утни сари. Халаси столла гела хамли кайбоси Мирзахан. Илала къакъла гелаб, хъа бяхличиб, Президентла сурат саби.

Мирзахайчи вяжчили, районна финотделла заведующий Къалабег кайили сай.

МИРЗАХАН. Усидейла шилис бируси гумилисра, мискин хъалибаргунас дедаражъес дирути юртанаасра районна бюджетлизи арц дакъахъес архитекторлира хъунира хъяракат барада.

КЪАЛАБЕГ. Районни дарес чесибити объектунаас гъаларал документуни дарилра. Ху викутасра дирехъе. Гъягъинатчирра имца-имцали арц чедиахъулра, гъала хили чехъедиути харжанира дирутину. От этого началихъ не обеднеет.

МИРЗАХАН. Правильно пикрикъулри. Нушара къацли дукес гъягъинтира.

КЪАЛАБЕГ. Халкъли хъердирути къулала бегътас дедаражъес дархъибти 16 миллионцад арц лер. Как быть?

МИРЗАХАН (разиубли). Хъянчизарти об этом знают?

КЪАЛАБЕГ. Нуни бални хъясибли, два-три человека.

МИРЗАХАН. Я вам говорю, илдачила мухъли буцая, хъянчиличир калес дигули диадалли. Аргъая халкъла буралала мягъна: «Лезмилис ихтияр бедибсими, бекъллис паргъатдеш хъебургү».

КЪАЛАБЕГ (урухиубли). Мухъли нунира хъебхъис, илдазира бурис. Вам отдать?

МИРЗАХАН. Гъ-м, гур чизи лугути гъятли! Миллионники ахъедикибити хъушаб дутаяну, вецину шура лям (миллион) иса (*сунела кисаличи түл бяхъишили*). Илди лерилра набра кавлути ахен. Илди дакъахъибтас чеди (закибахъ түл бяхъишили) аркъути сари.

КЪАЛАБЕГ (урух-урухли). Расходла документуни?!

МИРЗАХАН. Арц деднила къулбасуни шимала бургази дарахъая.

КЪАЛАБЕГ (тамашаиубли). Дирув гъятли?!

МИРЗАХАН (чыумали). Диру, бузес дигули биалли! Илкъайда буриб или бурра бура! Хъебарисиличи посмотрим. Ещё как посмотрим!

КЪАЛАБЕГ. Жализурси виалли, хечи вархъишав?

МИРЗАХАН. Вархъя. Мухълиничимегъчедихъа бурис. Къулбасбаралли, мухъли иткъира бурцу, сенкъун сайра къалпдешла бутакъянчи ветарули сайну.

КЪАЛАБЕГ. ЦархIилти районтазибра илкъайда сабира?

МИРЗАХАН. ЦархIилтала авара Къаяла шантани бараб!¹ Гъанна лебилра хIякимти илкъайда саби, рахажли цализи ца бигы, цали ца гIеббурцули. Ил рахажлизивад къябвердибси –декла беръуб бутIаван сай: ГIамрули дуравшили, цунухъи, хIянчи агарли. Илкъайда виэс числарха хIейгахъу.

КЪАЛАБЕГ. ХIерагу ца. ГIамруличи дила хIулби абхьири! Къасбираис хIела насихIят хIясибли узес.

МИРЗАХАН. Постарайся... Халатала насихIятличи лехIахъибси пашманхIейрар. Укъенну, илди арц иша ха.

Сцена цIябирарап. ШалабиуbxIели, сунела кабинетлизив гъалавван кайили Мирзахан чейу. Арцли бицIиси чемоданра сайра иличи Къалабег айцIур.

КЪАЛАБЕГ. Чумал шила бекIли документ къулбасхIебариб, илдала лугIилизив хIела гуяв РяхIимлира.

МИРЗАХАН. Бати. Чула баркъудиличи саби пашманбирахъис нуни.

КЪАЛАБЕГ. ХIуни нушаб датурти арц нуша-ургар дутIес бетхIеур: къулбасхIебарибтала чула чус датес чебуркъуб.

МИРЗАХАН. Илди чула някълизи малугадая. ЦабехIтас дедалли, гIурилтира нушалара дихая бикIар.

КЪАЛАБЕГ. ГIяxIна. Амма документ кабихъес чебиркур.

МИРЗАХАН. Гайгъай. ХIушани балбикахъя.

КЪАЛАБЕГ (*хIербикIутачи ласяхъили, сунези сай*). ХIу шакра хIейкахъили, дила пай нунира асес балас, товарищ Мирзахан!

Ил аркъян. Мирзахай шилизи Лейлачи зангъдирхъу.

МИРЗАХАН. (*телефон лихIбачи чебуцили*) ГIялло! Лейла саррив? Ишди дила гъайла мягIина аргъахъа РяхIимлизи. Наб дебали ГIягIиниси документ къулбасбарили ахIен, хIушабра нушабра 480 азир къуруш ляркъуси. Ил шила гъундури нуни ремонтдирахъис, мискинtas дедес хъулри дарахъес вирус ва цархIилти ГIяxIти секIалра. Набчил жалхIейкIули, документуни къулбасдирахъес бура.

ТЕЛЕФОННИЗИБАД ТИАМА. ГIяxIна, дудеш. ВегIлисра шантасра ГIягIиниси секIал сен хIебируси!

Мирзахай трубка кабирхъу.

Пардав.

АНЦІБУКЬ ШУИБИЛ

Шуибил сурат

Обойтани буцибси РяхIимла хъали. Стол, илис алавчар чумал ута.

Столла гIела кайили се-сабил лукIули РяхIим. Лейла хъули арицIур.

ЛЕЙЛА (*дебали рачарархили*). ХIу духуси адам сай или наб гъанбиркусири. ГIяргIяла гъуналра гIякъула агара хIела!

РЯХИМ (*столличи ручка лайбакIили*). Се бурям саби хIуни набчи чебушибси?! Дудешли тутрарилрив?

ЛЕЙЛА. Кусбируси хя бирап! Ну адам сарра, аргъирив!?

¹ Къаяла шантани бараб! – Чили-дигара бараб ибси мягIанализиб.

РЯХИМ. Иргъули ахIенра. Се сабабли хIуни ну валтIулра гъатIи?

ЛЕЙЛА. ЦархIилти хозяйство гIяхIбухъаҳес, гIягIиниси ила кабирхъес къайгъилизib бирав, хIу биалли...? (*Буруси таманхIебири.*)

РЯХИМ (уркIсаехъи). «Ну биалли...» се?

ЛЕЙЛА. Чилилра хIедалути авдаршлим гехIцIали азир къуруш лерри, викIар: документлизи хIуни къулбасбариби viadri, дайхъала хIушаб лугутири, викIар. Нушаб арц гIягIинили ахIену!

РЯХИМ. Гъа-а! АнцIбукъ илизибу? Илди се арц саррил хIебурибу??

ЛЕЙЛА (циила рахIятиубли). ХIебуриб.

РЯХИМ. ЛехIизи хIебиалли. Шантала 400 къял лер. Гъар къяйс 1200 къуруш хIясибли халкълис дедаҳъес хIукуматли гиби сари. ХIела дудешлис дигулри, илди лерила арц нуни асира или къулбасбараҳъили, сунела кисализи зямкадарес.

ЛЕЙЛА. Дайхъала нушаб лугалли, гIурилтала села авара?

РЯХИМ. Гъа-а! Ну хъулки ветаасли, хIед авара агарав?! Шанти биргIабиргишав?! ХIуни ва хIела дудешли ну илгъуна ветаахъес хIедиrudая!

ЛЕЙЛА. ХIу хъулки варес чилалра къас агара. ЦархIилтани бируси хIунира барили viadri. ХIечи гIяйибхIебакIеси гъуни бурги дудешли.

РЯХИМ. Дила яхI-ламус?! Чина духиша?!

ЛЕЙЛА. ХIела принципурира хIура! ХIергъибсив хIуни: «Дают – бери, бывают – беги».

РЯХИМ. Дудешлира аргъаб, хIунира аргъа: началихъли халкълис лугути арц нуни сайсис ва шантала някъбази лугас. Илдазибад наб ца кепекалра гIягIинили ахIен.

ЛЕЙЛА. ХIунира аргъа: ну – районна бекIла рурси - дурашайс шери ракIабсири, духуси юрист сайну, дила яшавра цархIилталаичиб гIяхIиси бирав или.

РЯХИМ. Се камли хIед!? Нушаб дигуцад беркес-бержесира, дегIдиэс палтарра, кадиэс гIяхIти хъали-Цара лергу. ГIур сегъуна гъатIи гIяхIиси яшав дигулри хIед??!

ЛЕЙЛА. На какой фиг такая жизнь нужна, беркес къацIисицун эмхIеван узутி! УрхIла агартигъунти палтар челгъули рашес, наслулисра баари давла кабирхъули хIерриэс дигулра.

РЯХИМ. Ил хIела аппетит гIядатла адамлагъуна ахIенну, жяв заманала начала рурсилагъуна саби. Ну илгъуна пача ахIенра.

ЛЕЙЛА. Лугуси рушбатра сайсули, узра узадли, ну рикIусигъуна яшав бирав. Илкъайда саби гъанна лебилра хIякимти хIерриахъес.

РЯХИМ. БегIитани хIу ряркъулири урхIла къияйчил тухъли хIерриахъес, ну биалли – дила къияйчил хIялалли хIериахъес.

ЛЕЙЛА. ХIела гъай философияла сари, хIякъикъят биалли илгъуна ахIен. А жизнь-то совсем другая.

РЯХИМ. ГIямрула хIекъдеш нушани иргъни чиллара дуцIрумла бархIирагъуна саби – цали ца урдирхъути. ХIуни ГIямрула хIекълизиб цацун секIал хIисаблизи кайсулри – давла! Илизибцуун ахIен ГIямрула мягIна, ГIямрула хIекъдеш.

ЛЕЙЛА. Нуни бекIибиубилизи буйгIулра ГIямрула яшав. Яшав хIебиалли, кани гушли биалли, цархIилти давлуми – культур-мультур – гIягIинити ахIен. Щудхъранти бикIуливан, «Ппаппа бихвание, культура бирху».

РЯХИМ. Аргъа, Лейла, хIуни, ГIямрула давла яшавцун барни ахIен. Даҳъал арцли хан лагъра виру, лагъра хан виру.

ЛЕЙЛА. Ягъари, адам гушли виалли, цархIил давла гIягIнилиг илис?

РЯХИМ. Гъайгъай, яшав бекIлибиубси саби. ХIяззлис ахIен философунира бикIуты: «Бытьё определяет сознание». Амма рухIла давлара лебси саби.

ЛЕЙЛА. Се рухIла давла бируси ил? Аргъахъа набзи!

РЯХИМ. Масала, адам яшавлизив гIяхIил хIерирули сай, амма илини яшав бирुли сай урхIла секIал билгIули, кебисули, хъямбирули, цархIилтачи гужзулму дяхIчишили. Илала яшав гIяхIси саби викIес вирапу?

ЛЕЙЛА. Ил ца адам сай.

РЯХИМ. Илгъуна адамлис гIяхIси сай викIес вирапу? Илгъуна адам обществолис, халкълис гIягIниши? АхIен.

ЛЕЙЛА. Биаб гъатIи или.

РЯХИМ. Илгъуна адамлис рухIлашал мискинси бикIар. Жанивар сай, сунела кани балхулицун хIерируси. Ил – ца шали. КIиэсилра, адам адамтачил хIерирухIели, илдала гIядлу-зегъа, барь-бац, гIядатуни далули, илдиван хIерхIеруси адам рухIлашал мискинси адам сай.

ЛЕЙЛА. Ил хIу викIуси – гIямрула ца шали саби.

РЯХИМ. АхIен. Илала цалра шали агара. Илгъуна адамлис адам сай викIес хIейрап. ХIера, илди давлумачила сайра ну гъайкIуси.

ЛЕЙЛА. Лерилра хIуни дурутти илди секIал вайти сари, далкIти сари рикIес хIерируси ну, амма бегIла гъалав вегIла яшавличила пикрикIес гIягIнили саби.

РЯХИМ. Хъулкидешла яшавличила мурткIал пикрикIес асухIебирар. Узусила бирар уси бирцIуси. ХIед дигуцад хIела яшавличила пикрикIен, давла бурчен, амма нуни гъанбушибси рухIла давла уркIилабли вяшрикIен. ХIела хIялалси бузериличил сецац-дигара давла буча. ИлхIели хлези «Эй! Жей!» викIуси чилра атхIейхъур.

ЛЕЙЛА. ХIед лугуси савгъят сайсен рикIулра ну, хъулкнадвашен рикIули ахIенрану. Дудешли набзи тиладибариб, хIу сунечил даршули узахъес: шантасра, нушабра, сунесра гIяхIил биэсли.

РЯХИМ. ВяхI! Илгу набра дигуси! АнцIбуку селизиба гъатIи?!

ЛЕЙЛА. Гъундури къулайдирахъис, шилизир мискинтаң дедес юртани дирахъис, викIар, илдала документуни къулбасхIедирис викIули дявли каҳIейзали.

РЯХИМ. Гъа-а, гъанна мягIна аргъира. ХIела дудешлис дигули сай, илди хIуни дурутгъунти секIал дарили, имиалагъуна секIал валрицад абаахъили, къалпла документуни набзи къулбасдирахъес.

ЛЕЙЛА. Дара гъатIи. ХIед се зарал леба? Сунени дарахъибы ахIену?

РЯХИМ. ХIуни хIергъуси секIал иргъахъисну, лехIизи. Илди дарнилис харжани ахтардидаралли, сегъуна-биялра къалличила багъалли, чараагарли ахтардира бируси саби, чула къиматличирра имцIякъ делкIунти ва асибти харжанас нуни саби жаваб лугуси, илди документуни къулбасдарибсии, дараахъисини ахIенну. Илкъайда ну туснакълизи арукъес хIейрус, цархIилти билгIяхъули, набчиб дукаркIахъули.

ЛЕЙЛА. Дила дудеш хъулкилизи уйгIусиличил ну секъаяда хIерриэс рирузира? Хъали-цIа делхъутив?

РЯХИМ. ВяхI! Ну туснакъварасли хъалибарг хIебелхъулив?!

ЛЕЙЛА. Дудешлис къалли хIу туснакълизи вархъес дигули ахIен. Нушаб гIяхIедешлис викIуси сай.

РЯХИМ. Хуни ахIену документуни къулбасдариби? – бикIути саби набзи. Хела дудеш къалли нуни дарахъибири хейklap.

ЛЕЙЛА. Наб я дурхIни цуръабарес я хIу лайвакIес дигули ахIенра.

РЯХИМ. Набра ил саби дигуси, хела жан дат. Хела гъалар кIел гъуни лер, хIед дигуси чеббикIa – нуни къадагъабарес хейрус: Цаибил: дудешличил хIура дила гъайли гъайрикIен. Клиибил: кIел дус виубси иш уршира, авал дус риубси рурсира арбукили, яра набчил батурли, аррукъен.

ЛЕЙЛА. Гъя-я, Аллагъ! Се гъямал баришара? Дила бекIличи ишди балагъ-къадар сен дакIахъири! Дигуси мурулра дурхIнира лайбакIишав яра бегIти лайбакIишав??!

РЯХИМ. ЦабехIалра лаймабикIид! БархъдешгIерли гъайрикIен.

ЛЕЙЛА. ХIу хIела хIяйчив ватахъес дудешлизи бурис.

РЯХИМ. Гъанна хIечи Аллагълира гъайбхIебиру. ХIела хIялалси бузериличил сецад-дигара давла буча. ИлхIели хIези «Эй! Жей!» викIуси чилра атхIейхъур.

ЛЕЙЛА. ХIед лугуси савгъат сайсен! – рикIулра ну, – хъулкнадвашен рикIули ахIенрану.

РЯХИМ. ХIу набзи рушбат сайсен рикIулри. Адамла бархъси тилади нуни таманбирни – дила хIянчила чебла саби. Илдазибад рушбат сайсни я законничи я дила адамдесличи балбикили ахIен.

ЛЕЙЛА. Илдани хIед лугуси – хIела барьудилис баркалла саби, савгъат.

РЯХИМ. Ге, вегI умувиэс ил саби. ХIякъикъатлизиб къалли илкъядыа ахIен. Дила бархъси, хIялалси барьудиличи хIу къаршилири. ХIед хъулки, рушбатчи гъягIинили?! Ну илгъуна ахIенси хIелирив набчи разиагарси?!

ЛЕЙЛА. АхIен, дила ахIерси! Адам дигахъес багъандан, илала гъарил ганз, гъарил гъигъ дигахъес гъягIинити сари. ХIу биалли нушала хъалибаргличила пикрихIейкIулри.

РЯХИМ. Нушала хъалибарглизиб нуни букубульуси се-биалра лебу? Яра нушала хъулибад секIал дура арбихулрав? ХIяжатагарси секIайс харжикIулрав? Шадир-гъундурачир дукули-дужули кеп-чеклизиврав?!

ЛЕЙЛА. ХIела илдигъунти хасиятуни хIедиалри, хIечир ну риурав?!

РЯХИМ. Ил секIал иргънилис хIед, дила къуймур, баркалла! Пачалихъли лугуси алапаличив ну хIялалли хIериулра, цархIилтаниван хоziайство бузахъулра. ХIед гIур се гъягIинли? Яшавлашал нуша вайтIа ахIенрагу! Ца яшавличицуn хъарахъиби се дигай дирути?!

ЛЕЙЛА. Ну хIу хIейгулра рикIули ахIенра. ХIела дигайла нурли алкахъунси уркIи бяргIили ахIен, юлдаш. ХIу хIейгули риасри, дура ша шери хIякъира, набчи сукни баштуи нушала шан уршбала гъяскар батурли. Амма наб дигулра цархIилтадайчирра жагати, гъягIити палтарра, мургъи-арцра, къантIли буралли, дигулра «на широкую ногу» хIерриэс.

РЯХИМ. ХIед дигутигъунти гъягIити, жагати палтар, тIулкми-кулхми исен, челгъен – хIед къадагъабирузи леву? Имкан агарав гъятIи?

ЛЕЙЛА. ХIед хIейгимабилзахъид, Ряхиим, - ну модабагIир рашули ахIенра. Наб дигулра, урхIли мурталра мяштIадарести, гъягIити палтарчерли раشهс.

РЯХИМ. Бурулрагу, набра илкъядыа рашули дигулра. Наб хIейгулра чIянkIли гъаргли баштуи.

ЛЕЙЛА. Набра илди гъягIилзули ахIен.

РЯХИМ. Сунечи сари тІалабчерси хүнүл адамла палтарра илдигъунти дираар.

ЛЕЙЛА. Илкъяйда рашули ахІенрагу ну. Ил шайгІир нушала пикруми цагъунти сари.

РЯХИМ. Хіебиалли набчил жалмарикІуд. БегІлара халаси талихІ далгунти хъалица сари.

ЛЕЙЛА (*xLeiぐy-xLeiぐyli*). Къасбировис.

РЯХИМ. ГляхІна. Ну хІечи вирхулра.

Итил хъули аркъян.

ЛЕЙЛА (*ахъли сунези сари гъайрикIар*). Ишди гіямрула дархибдеш.

ДАЛАЙ БУЧІА

ХІела уркІила пикри
Буриб цІудар хІулбани,
ХІела дигайла дугъби
Аргъаҳыб лишантани.

ХІу вашна къяшми дашар,
ХІед гіергъи хІулби дашар,
ХІу сейкІули хъалли
ХІечи пикруми дашар.

ХІу чехІеваиб бархІи
Дила уркІи цІумбикIар,
Чеваибси замана
УркІи далуйта бучIар.

Унзализи къутІла тIама. Някълизиб чугурра сайра хъули Гъарибан айцIур. Иличир няс-няскадиубти дуркъя палтар сари. Итил хъуливаад РяхIимра лявкъян.

ГЪАРИБАН. Чевверхи, хІянчиличивад чарухъунхІели вакІбсира. ХІунира балуливан, гумилизир даари хІянчи дарилра, амма ца кепекалра арцла гили ахІен. Алапа агарли, урчІемал кани далхес гъамадли ахІен.

РЯХИМ. СПК-ла председательизи чуйна-сабил бурилра ялчнас базла алапа беда или. ХІяйван бедасли ахІи, арц агара викIар.

ГЪАРИБАН. ХІяйван нушани бицайчи, дурхІни гушли хІебуар къалли.

РЯХИМ. СейкІиша, юлдаш Гъарибан. Гуми районни бирахъули саби, амма илаб бузути устнас алапаличила лехІакхыили саби.

ГЪАРИБАН. Бригадализиби дурхІни районна вегІбекІличи гіярзли аркъехІе бикІулри. Гіярзъала гляхІти ахІен или нуну тІашаира.

РЯХИМ. Нуни илизи бурисну, цакамси яхІбара. ХІела дурхІнас къацI асаҳъес ма ишди цакамти. (*Сунела кисализабад дурасили, азир къурушила кагъар гъабурицу.*)

ГЪАРИБАН. ХІела уркІецилис азир баркалла, амма, гъиммаркІуд, сахІейсис. Лебтасалра арц лугули, хІуни гуми бараҳъес хІейруд. (*Арукъес валилзан*).

РЯХИМ. Ил чугур се бируси?

ГЬАРИБАН. Адамтази дила пикруми дуруси саби.

РЯХИМ. Гъари, набзира дура хІела пикруми.

ГЬАРИБАН (*уталичи кайти чугур бирхъу ва Батирайла далай бучIа*):

Гъай, хІула вагI верхIна ибкI,

Тамашала дунъя либ!

ЦабехІтас майдан дунъя –

Ургуба гурдалисъон,

ЦабехІтас хІайран дунъя –

Къядла лутIи къаплайсъон.

Ца гъатIи:

Шишимъайзи ихъиби

Ши балтани белири,

УлхIли ши батараши

Балтира шалал дунъя.

РЯХИМ. ХIай, баркалла. Жагали чебаахъири Батирайла замана.

ГЬАРИБАН. Ит дунъяла бургIлуми гъаннара кали къадин.

РЯХИМ. Вархъли викIуд, юлдаш. Илди бургIлуми нушачи чардухъи сари.

ГЬАРИБАН. ХIебиалли, РяхIим, нуша хІела жавабличи лехIли дирехIе.

Яра ну гъалмагъунала шайзивад Мирзахайчи гъаввакIишав?

РЯХИМ. ГъаввакIадри гIаяхIил бири, хIушала аги бурес.

ГЬАРИБАН. ГIаяхIна (*аркъян*).

РЯХИМ. (*хъунуичи суйчил хIеризурли*). Чебаирив, беркес къацIлисаrlа арц агарти лебли?! ХIуша биалли давла бучес пикридикIулрая, илдигъунтала бигIи.

ЛЕЙЛА (*рачарархили*). Нуни я дила бегIтани урхIла нугърат бигIунси ахIен. Бугътан чемабирхъид. ВегI узуси мерличибад хайри башахъес балалли, ил хъулкидеш ахIенну, духули узес бални саби.

РЯХИМ. Гъарил хIянчилис пачалихъири чебаахъибси багъа леб. Илала дурбад ургаббикахъибси – бигIунси, хIярамси саби.

ЛЕЙЛА. Харжбараҳъес бедибси мяхIкамбарили, хIед пайдалабарадли, хъулкидешу ил?!

РЯХИМ. Ге, бигIунси саби.

ЛЕЙЛА. Ца хIу илкъайда пикриикIулихъалли, барсбируси лебу? Ца хIунициун коммунизм кабизахъес вируду?! АрагIебли лебил коммунистунани ил белшес хIебиуб биалли. ХIугъунти меҳIуртани кабихъибси халкъла давла цабехIтани хъямбариб.

РЯХИМ. Ил бархъси саби. Баягъи давла хъямбариби саби гъаннара хIелукъути. Илди цабехIти тяп хIуша мирзаханхъалигъунти саби, мискинтала бургазир акIубти нурби!

ЛЕЙЛА. ХIези гъайикIаб, хъа бяхIлизи хъарали иртаб... (*хъулирад хамли дурарулхъан*).

П а р д а в.

АНЦІБУКЬ УРЕГ-ИБИЛ

Мирзаха гъалабла кабинет. Къалабеглис буйрухъуни лугули сай.

МИРЗАХАН. ХIуни, Къалабег, районна бюджетла статьяби гъяхил ахтардидара. Нушаб напакъа бакIестигъунти статьяби хIисаблизи каса.

КЪАЛАБЕГ. Ил гъямал нунира балуси саби.

МИРЗАХАН. ХIу вирхуси хIянчизарлизи ахIи, цархIилтази ил мабалахъид. ВегIла тIакъализib хIебуибси, урхIлайзибра хIебуар.

КЪАЛАБЕГ. ГъяхIна, дила пикрили, Мирзахан Ханович, ишдигъунти статьябазирад мяжIкамдарес дирехIе: строительстволис, коммунальный услугабас ва налогунас чедаахъиби гъяхIцад арц.

МИРЗАХАН. Налогуни имцIадирехIе, коммунальный услугуни камдирехIе. Строительства статиялихи хасси пикри бяхIчиаа – илабад саби нушаб хъимс лябкъуси. Понимаешь?

КЪАЛАБЕГ. Усидейла гумилизирадра шел-урегал миллион ляркули сари, эгер СПК-ли байхъалаалра ялчнас алапа бедалли ва илабси строительный материал пайдалабаралли. Илди харжани нушани дарибтиван документуни дирехIе.

МИРЗАХАН. Гъачамлис бекIлил алапа хIебедили, ялчни бачабархили саби или набзи багъахъур. Цалра базла бедая. ГъярзбикIни гъяхIси ахIен. Гурла анцIбуку сен-биялра бекIбирахIе.

КЪАЛАБЕГ. ХIела гуяв РяхIимлира къулала арца документ къулбасхIебариб, дила шантас детиркути лерилра арц дила някълизи дихая викIули. Се бариша?

МИРЗАХАН. Дедили вишахъеная. Гур се-биялра пикрибираисну. ГъямбикIуси хялис лига урга-ургади лайбикIес хъуммартид.

КЪАЛАБЕГ. ПодписьхIебариби гурра чумал шила бекI леб къалли. Что делать?

МИРЗАХАН. Сам разберусь.

КЪАЛАБЕГ. Субботникуназибадра хайри бакIахъес вируси сай.

МИРЗАХАН. Шимазир ва райцентрлизир дурадуркIахъис. Дарибти хIянчила документуни хIядурдара, арц имцIа-имцIали кадикахъили.

КЪАЛАБЕГ. Виубсицад дахъал хIянчи документунази кадиркахъис.

МИРЗАХАН. Матъал лябкъуси селра лебси ахIен, бекI бузахъес гъягIнили саби.

КЪАЛАБЕГ. Нушаб дахъал арц дакIеси, чилра шакхIейкеси ца ишгъуна гъямал леб.

МИРЗАХАН. (разиубли). Гъари, гъари. Башахъен, гъари.

КЪАЛАБЕГ. Нушала банклла управляющий хIела узикъар ахIену?

МИРЗАХАН. Сай. Иличил бархбасунси се леба гъатIи?

КЪАЛАБЕГ. Кредитовое авиозо бикIуси банкли бирцIахъуси кагъар лебси саби, пулан адамли, организацияли яра хозяйствовли се-биялра асес яра зарплаталис банкллизи ишдицад кадихъиб бикIуси. Илгъуна кагъар нушала банкли кахIедихъиби арцлис бицIахъалли, цархIил республикала банкллизи бархъалли, иларад ил авиозо хIясибли илди арц урасес вируси сай.

МИРЗАХАН. Нушала банкллизир илди арц чинара бикIалли?

КЪАЛАБЕГ. Нушала банкллизир ил авизола сегъунтилра къел-хIерзи далтути ахIен къалли.

МИРЗАХАН. Ил банклизир арц асибсила баянти кавланну, шимала хоъйствобас техника асес арц асибти сари дикlexIe.

КЪАЛАБЕГ. Рахли нушала къел-хъерзи даргили, ил техника чинаба бикIалли?

МИРЗАХАН. Бузахъуси техника къалли заябируси саби, списатьбарнила документуну кадирхъехIe.

КЪАЛАБЕГ. Ростсельмашлизир дурхъати комбайнаби дирули сари. Ростов-на-Донула банклизи авизо бурхъаҳъехIe.

МИРЗАХАН. Ил документ бурхънила суал нуни бекIбириш... Усидейла гуми бириүхIив узуси ялчи лев бикIар набчи вакIили. АцIахъя ил.

Къалабег аркъян, Гъарiban айцIур.

ГЪАРИБАН. (уруз-хIяцIли). Ассаламу гIялайкум, Мирзахан Ханович!

МИРЗАХАН. Ваgялайкум ассалам. Кайи, юлдаш (*Уталичи тIул бяхIчиуу*).

ГЪАРИБАН. (уталичи кайили). Ну хIечи вакIиbsира Усидейла гуми бирузи бригадала тилади хIясибли. ГIяxIцад хIянчи дарилра, амма ца кепекалра арцла гили ахIен. Нуша РяxIимличира дугъадизурра – гIяxIдеш хIебиуб.

МИРЗАХАН. ЛугахъехIе обязательно. Какой разговор!

ГЪАРИБАН. Нушала дурхIни къалли къацIли балхес гIягIнили саби.

МИРЗАХАН. Хушала аги балулра. РяxIимлира буриб. ХIушаб арц дедахъес нуни хъарбариbsи саби. Луга гъанналауб бариbsи хIянчилис.

ГЪАРИБАН. Гур бирузилис?

МИРЗАХАН. Гуми бирузи хIушала шантас саби. Шантала СПК-ли луга. Арц агара бикIалли, хIайванти лугахъис.

ГЪАРИБАН. Ца гъатIи тилади леб нуша ялчнала. Нушачи гъалаб агарси халаси налог кабихъили саби. Убасахъя ил.

МИРЗАХАН. АхтардибирехIе се налог сабил. (*Къалабег вакIахъес занкъдирхъуу*).

Къалабег айцIур.

МИРЗАХАН. (*Сунени хIебалусила гIердарили*). Се налог саби Усидейла шиличи имцIабариbsи?

КЪАЛАБЕГ. Ванзала налог саби.

МИРЗАХАН. (*Гъарibайзы*). Ванзала налог пачалихъли кабирхъуси саби, нушани убасес дирути ахIенра. Так скажи сельчанам своим.

ГЪАРИБАН. Нушала шила бекI РяxIимли буриб, белгIахъес бедиbsи ванза хъулри дараҳъес бедиbsи чIябарличил бархъяҳъили, налог имцIабарили саби или. Ил балкIиси саби, викIи. БелгIуси ванзаличи налог биштIаси саби, хъулри дирусиличи - халаси.

МИРЗАХАН. РяxIимли се-дигара буру. Чуни гибси ванзала лугIи хIясибли саби налог кабихъиbsи. Пачалихъла налог умули лугес гIягIиниси саби (*Къалабегличи дугъаизлан*.). Гуми бириuti ялчнас жагIял алапа беда.

КЪАЛАБЕГ. (*Гъарibанничи дугъаизурли*). ХIушала ца адам жагIял вакIахъая, лебталалра алапа илизи бедлугехIену.

ГЪАРИБАН. Баркалла.

Гъарiban аркъян, Къалабег тIашкайу.

МИРЗАХАН. РяxIимлиси сен дурирая хIушани ванзала хIекълизирти баянти?

КЬАЛАБЕГ. ИлкIун юрист сай. Законти сунени гIяxIил далули сай.

МИРЗАХАН. Дила гуяв сайлихъали, ил наб диргалаулхъули сай. Бушинварес чевкъар.

КЬАЛАБЕГ. Ил викIуливан, хъулри дараҳъес бедибси чIябарличибад белгIуси ванзала чIябар убасахIелли, миллионтала налог районнизиб камбирап. Это точно.

МИРЗАХАН. УбхIейсехIе. РяхIим тIалабварили, дила шайзибад бура сунечи хъарти ахIенти суалтази гъудурхIейкIахъес. Бардала бяхIлизи хункIа вирхъуси ахIен!

КЬАЛАБЕГ. Эгер илис илгъуна кункдеш барахIелли, цархIилтира дакIубулхъан.

МИРЗАХАН. Чисалра хIебирехIе. Рот закроем!

Сцена чIяббирап. Шалахъбуххели, чугурра сайра сценаличив Гъарибан чейур.

ГЪАРИБАН. (*хIербикIутачи дугъаизурли*). Ассаламу гIялайкум, ахIерти гъалмагъуни! ХIушаб хъулкначила ва рушбатчибачила гъай анцIдуки дургар или, ца далай белчIес вакIилра (*Чугурра бяхъили, далай бучIа*).

1. Тамашала балагъ саби шилишиб,
Къийин саби къаршибили халкълиши,
Къийин-жапа пикрехIбикъу инсайшиб:
«Рушбат бели, се-дигара беб», – или.

Судияби саб гъар макрулизиб,
КъунзбикIули шилишиб, маҳъурбазиб,
Кумми дяхис мурталра къайгъилизиб,
«АхIисара нуша духъисил» или.

2. Шикаят либ, прокурор, хIузи дила:
Заметкаби пикридикъин газатла,
СудлизибахI закон абхъа законни
ХIукуматла законти шидаихъис.

Нуни лукIас шимазирти гIяйибы,
ХIукуматла законниши къаршити,
ТIалабдикъин хIуни чула жавабти,
Бигалли хIуд чула къаршидеш багъис.

3. Дунъя лирри, ардикъян,
Капарайшиббит пушъон.
Аргъ лирри, шалгIирдухъун,
Зубрашиббит гъагульон.

Пародия.

1. Гъязиз Иминагаев. Судьяби.

2. Гъязиз Иминагаев. Прокурорлизи шикаят.

3. Гъямарла Батирай. Дунъя лирри, ардикъян.

АНЦІБУКЬ ВЕРХГІБИЛ

Үрег-ибіл сурат

Финотделла заведующийла кабинет. Хъа бяжIличир сегъунти-сарыл планты ва схемаби. Халаси столла гIела Къалабег кайили сай. Иличи РяжIим айцIур.

РЯЖIМ. Ассаламу Гялайкум.

КЪАЛАБЕГ. ВагIялайкум ассалам.

РЯЖIМ. ХIела тилади хIасибли вакIбсира.

КЪАЛАБЕГ. Тилади дила ахIенрину, РяжIим, хIела хъуна дудеш Мирзаха сабри.

РЯЖIМ. Сунела тилади хIези сен бурахъуси?

КЪАЛАБЕГ. (*хъуцIруми вяшдарили*). Гуявлчил ургала заяхIебарес бургар.

РЯЖIМ. ХIебиалли гIяхIси «тилади» хIебургар?

КЪАЛАБЕГ. Гъай дахъал арцличила сари.

РЯЖIМ. Тамаша.

КЪАЛАБЕГ. ХIуни адамтази бурилри ванзаличила закон нушани буира или. Эгер хIу викIуси къайды налог кабихъалли, районнис миллионти арцла зарал саби.

РЯЖIМ (*ургаухъи*). ХIушала кисмасра?!

КЪАЛАБЕГ. Нушаб касахIелра, илди харждарести мерани айхъули сари.

РЯЖIМ. Рушбатуни дедлугес. Иргъулра.

КЪАЛАБЕГ. Гле, гъари. Чедибири нушала някъбачи хIербикIути саби. Гайгъай, нушани илкъайды налог кабихъини, гIяхIил балбикили ахIен законничи.

РЯЖIМ. БалхIебикилициун ахIенну, законничи къаршили саби. Ил тяхIар батес бекIлил асухIебирап.

КЪАЛАБЕГ. ХIуни районна прокурорлизи булан иличила гIярзбарили. Багъи, РяжIим, илини районна бекIли бурибси ахIи хIебири.

РЯЖIМ. Иличиб халатира лебти саби республикализиб.

КЪАЛАБЕГ. Это уже слишком – хала дудешличила...? (*Буруси пикри таманхIебириу*).

РЯЖIМ. Набра ил хIейгахъира, амма беркес къацI биъхIебиути халкъ къузриван пяхIала лутIес асухIебирап къалли.

КЪАЛАБЕГ. Илгъуна аги нушала районнизибциун ахIенгу, гъар-чинабалра илкъайды саби.

РЯЖIМ. ХIушара азгъиндирули ахIенрая. ГIяйибагар адамра хIушани танбихIлавирахъулрай.

КЪАЛАБЕГ. Чи?! Секъайда?!

РЯЖIМ. Цацун мисал бурис. Харак шила администрацияла бекI.

КЪАЛАБЕГ. Сунечиб гIяйиб саби.

РЯЖIМ. Сен??

КЪАЛАБЕГ. СенкIун, хIезибад дигIянхIебирис, къули хIердаресли пачалихъли лугуты арц хIушаб гибу или ахтардибирантি бякъунхIели, лебтанилра «хIегиб» или бурили саби. Илди арц асира или документ къалли сунени къулбасбарибхIели, илгъуна анцIбуқылизиб хъарбаэсти адамти сунени хIядурбарес гIягIинитири.

РЯЖIМ. ХIушани адамти къунба бугъахъесра маслигIятбирулрайв?!

КЪАЛАБЕГ. Адам сегъунти аги-хIайзи викалра, сай умувиэсти далдуцуни пикридерни къяна бурни ахIенну, ил духудеш саби.

РЯХИМ. ХIушаб гъар се-секIал дисли гIявадеш балэсван гъамадли сари.

КЬАЛАБЕГ. Вегла вяштIала алавти гIямруличи, шуртIрачи далкадиркахъес гIягIнили саби. Гелабси лихIиличиб гъалабси хIули гъалаб саби или, вяшикIес гIягIниси саби.

РЯХИМ. Или биалли, хIуша набчи гIяйитадиркъес гIягIнили ахIенну, баркалладикIес гIягIнитира.

КЬАЛАБЕГ. ХIуни нушачи цархIилти гIирбирилису гъари?!

РЯХИМ. Юх! ХIуша уцахънилис.

КЬАЛАБЕГ. ХIела хIергъира.

РЯХИМ. ГIяхIси шали сен набчи хIебуйгIулрай? Кыули хIердирнилис лугути арц нуни дедилрал ахтардиварес тах шагъарлизибад нушала шилизира бакIиб. Шантани буриб касира или. ХIушаб ил халаси кумек ахIену?

КЬАЛАБЕГ. Ге, ил бархъси саби.

РЯХИМ. Мирзахан Хановичлизи нуни тиладибарибсири нушала гъундури ремонтдарес имцIаливан арц чедаахъес, сенкIун гъундурачи дусмадли хIеръили ахIен.

КЬАЛАБЕГ (*бюджетла документуни дурасили*). ХIера, ишди. ЦархIилти шимасван ахIи дахъял лер.

РЯХИМ. Илди лерилра арц нушала бюджетлизи дихая, чинаб се барес гIягIнисли нуни гIяхIил баласну.

КЬАЛАБЕГ. Районна бекI иличи къабулиркули ахIен, илди хIянчи нушани дирахъехIе викIули.

РЯХИМ. Иллара хIушала макру далулра нуни. Амма хIедарибити хIянчила документуни, гъалахи бурулра хIушази, нуни къулбасхIедирис. Районна хIякимти белкъахъес багъандан, ну туснакълизи кайэс хIейги.

КЬАЛАБЕГ. Белики, сунела гуявлизи нушала бекI илгъуна къалпдеш бара хIейklec?

РЯХИМ. Давлаличи гъаргъси адамли узи-урши я тухумти балути ахIен, эгер сунес ца кепекла гIяхIдеш лябъялли. Арцли ханра лагъ виру, лагъра хан виру.

КЬАЛАБЕГ. Сен биалра, халалла ихтияр агарли нуни ишди арц хIела ихтиярлизи гес хIейрус. ЛехIкахъни – бекIлис паргъатдеш.

Па р од а в.

АНЦБУКЬ ГЕХЪИБИЛ

*Районна бекIла кабинет. Ила кабиили, Мирзаханра
Пашара ихтилатбикIули саби.*

МИРЗАХАН. Яшавла дараја вайти бахъял дурхIинала бегIти хъалибаргунас матъял дедахъес хъулри дарахъес пачалихъли районнис чедаахъибити арцлис чум юрт дарес имканбикIули?

ПАША. Проектуни хIасибли сметаби дарибхIели, веџал юртлис диули сари.

МИРЗАХАН. Расценкаби секъяйда кадатуррав?

ПАША. ИмцIа-имцIали кадатурра, сенкIун хабарагарти харжанира

дакIудулхули дирап. Ялчни биалли минимальный расценкабачил расчётбарес дирехIе.

МИРЗАХАН. Ил тяхIярли барилрал саби нуни хъарбиусира. Бархыли барилрая.

ПАША. Чис дедлугехIе илди юртани?

МИРЗАХАН. Матъал хъулри дедесгъунти адамтира баҳъал хIебургар. Лайикъси багъа гестигъунтачил вягIадалия. Бираргу, чучил бариси вягIда дягIкахIебалтути, асира-xIесира хIебиклести.

ПАША. Дебали дурхъахIедарарадалли, исехIе бикIути гъанналаубал леб.

МИРЗАХАН. Ца гъатIи суал. Хъулри дараҳъес хIушани адамтас гIяхIцад планти дедлугулрая. Илдазирад арцра сайсулрая. Илкъаяда сабив?

ПАША (*хIейгу-хIейгули бара хIилхIи дурабушиб*). Бургар... честно говоря, саби.

МИРЗАХАН. Наб хIушани лугуси пай камли саби – 50-60 азир къуруш. Нуни чедибирига балхути саби. Дила взнос 100 азирличи баахъая.

ПАША (*уркIухъи*). Ягъари, Мирзахан Ханович, илцад-декIар даҳъал нушабра лугули ахIен къалли. Ца-веңIал имцIадириш.

МИРЗАХАН. Ладно. Вачарли кахIедилзехIе. Узен. Ну вирхулра хIечи.

ПАША. Дила шилтахъичидеш лерти ахIен. Я нушала бархбасуни дягIадалтути ахIен.

МИРЗАХАН. ХIечи вирхухIели сайра, хIечил уркIигъаргли гъайикIуси.

Мирзахайчивад Паша аркъян. Къалабег тIалабибу.

МИРЗАХАН. Гъу, РяхIимличил ихтилат бетауру? СейкIиба?

КЪАЛАБЕГ. Ванзаличи нушани кабихъибси налог балкIли биъни илини гIяхIил балулри, ил убхIесахъили тIашизес пикри аги.

МИРЗАХАН. Багъалли багъаб гъатIи!

КЪАЛАБЕГ. Дагъиста прокуратурализи багъахъесра пикри лебри илала. Эгер ила ветаалли, даҳъал гъай-мез алкIан. ЦархIилти шимала бургира вяшбулхъан.

МИРЗАХАН. ХIела пикри?

КЪАЛАБЕГ. Усидейла шантала белгIуси ванза строительстволис бедибисилизабад лябкууси дуслис декIарбараҳIелли? РяхIимла мухIли буцахъес.

МИРЗАХАН. Да-а! Законти далути адамтаси узес декIли саби.

КЪАЛАБЕГ. ХIела гуяв-дигара виаб, цархIил хIянчиличи варсварадли?

МИРЗАХАН. Сунела разидеш агарли, выборный хIянчиличивад акъуватес гъамадли хIебирар. Ладно. Бура. Сай викIусигъуна бирехIе, мухIли буцахъес. Хялис лига – нушаб рахIятдеш.

КЪАЛАБЕГ. ГIяхIна. Бурис.

МИРЗАХАН. Гурилти суалтала чевкад сейкIиба?

КЪАЛАБЕГ. Усидейла шила гъундури ремонтдаҳъес районна бюджетлизир чедаахъибити арц сунела ихтиярлизи дихая, викIи.

МИРЗАХАН. Сен?

КЪАЛАБЕГ. Чинаб се барес гIягIинил нуни гIяхIил балас, викIи.

МИРЗАХАН. Гъ-м-м! Илара сунела мухIли къузбарили валан?! И туда полез негодай...

КЪАЛАБЕГ. Ну уверен сайра, эгер ил викIуси бараҳIелли, нушаб ҷа кепек ургабхIебиркур. Нушала ихтиярлизиб селра кавлули ахIен.

МИРЗАХАН. Откровенно говоря, илизи гъундуруларда лерилра арц дедес дила пикри агара.

КЪАЛАБЕГ. Бархъси саби – техникара нушала, ихтиярра нушала.

МИРЗАХАН. Илисра ну викIуси: илини гIярзбареси селра кавлули ахIен.

КЪАЛАБЕГ. Ил барахIеллира, нушала някъби илини дилгъули сай.

МИРЗАХАН (*тамашаиубли*). Секъайда?! Нушаб ил буйрухъикIусив, гъари, яра нуша илису?!

КЪАЛАБЕГ. «Нушала гъундуразиб хIушани гъарли-марли бариси хIянчила дурабад имцIякъ кабихъибси документ нуни къулбасхIебирис», – викIи.

МИРЗАХАН. Щакъси уилигу ил! Ещё как сделает! Сай заставитварес нушала щакъ ахIебиур викIулив?! Посмотрим!

КЪАЛАБЕГ. Ил бушинварес гъар се-секIал ахтардидарахъес комиссия акIахъахIелли?

МИРЗАХАН. ХIед гIяхIси гъанбикиб. ХIядурбара нушала адатазибад комиссия.

КЪАЛАБЕГ. ГIяхIна, Мирзахан Ханович. Бири.

Ил аркъян. РяxIим айцIур.

МИРЗАХАН. (*айзурли РяxIимла някъ буриц*). ВакIирив, сен саби кулпет? ХIечил ихтилатбарес дигули Талабварибсири. Дила гъай Лейлани хIези дурибдурграп? Кайи.

РЯХИМ. (*Хала дудешличи вяxIичи уталичи кайрап*). Кулпетличибра селра багъана агара. ХIела тиладиличилара гъайдикIули калунра.

МИРЗАХАН. Гъу, се пикрибарри?

РЯХИМ. Нушала шилизир дирути лерилра хIянчурбас чедаахъиби арц шила бюджетлизи дакIахъили дигулра. Нуни илдас харждиубтала документунира дириш.

МИРЗАХАН. ХIед гIягIиницеш лебу илдази гъудуриэ? Лерилра илди нуни дила хIянчизартази дирахъис.

РЯХИМ. ХIебиалли харжлукула документуни набзи къулбасдара мадикIудая – хIела хIянчизартанни бекIдараб.

МИРЗАХАН. Илди мез датурили, нушани бара ибси бирули узадли хIела бекI хIейзур.

Унзализи къутIдяхъиili, Паша айцIур.

ПАША (*РяxIимличи дугъаилзан*). ХIечи шилизи вакIес дигусири. Ишав сайни багъурли ацIибсири. Ишди документунази хIелара къулбас гIягIинили саби.

РЯХИМ. (*илди документуначил тянишиубли*). Чи сая иш Набси?

ПАША. Республикала архитектурализив узуси давлачев сай.

РЯХИМ. Цаибилгъуна, нушала ши сен декIарабарисив илини? Клиибилра, нушала шила ванзала ихтияр нушазиб ахIену?

ПАША (*Мирзахайчи суайчил хIелизурли. Амма илини селра хIейру*). ХIушала ши районнис бегIлара гъамси саби, кIел-хIябал километр сари лерти. Ил мер, гъялаб скотный двор бируси, гъанна гъятIбий, шила дублаб саби. Илала ал авчар галгубира анхъра сари, мякълаб дяргIиби умути шинна гIинизра. Банкетный зал барес иличибра гIяхIси мер гIур чинабалра баргес хIейрап. Ил зал бегI гъялаб хIушала шантас багалабирап, гIур – районна лерилра шимасра. Районна значениела стройка саби. Районна администрацияли ил мер лайкъиلى чебаили саби.

РЯХИМ (*вачавархили*). Нушаб илаб банкетный зал гIягIинили ахIенну, больницалис юрт саби гIягIиниси. ЖамигIятли илгъуна хIукмурга бариси саби. ЖамигIятла ихтияр агарли, илаб чилилра селра барес хIейрап!

МИРЗАХАН. ЭмхIе гъялабяxI битIакIалли – саби гIелабяxI битIикIур, гIелабяxI битIакIалли – гъялабяxI. ХIу тяп илгъуна сайри, шантас бируси гIяхIиницеш хIебалуси.

РЯХИМ. Шантас бируси гІяхІдеш нуни хІебалули виасли, хІушани гІяхІил балулрая хІушаб бируси гІахІдеш. Нушала ил ванза асес нушаб миллионти хІегибнү, хІушаб сари гибти. Илгъуна шартI набчи гъалабал бакІра бакІиб. Ну къабулхІеркус дила шантала ванза бицахъес.

Хамкдарили унзара, РяхІим аркъян. Мирзаханра архитекторра цаличи ца вякъ билзан.

МИРЗАХАН (сунези сай, амма ахъли). Къашмала гъалавад увасахъасли – рурсила дурхІни Щуръабибурили, ватасли – наб диргалаулхъули. Калунси ца гъуни саби – хІянчиличивад увасни.

ПАША. Ил барес сабаб пикрибарес чебиркур. Илини цархІилтира Геламкайули сай.

Парода в

АНЦІБУКЬ УРЧІЕМЪИБИЛ

Мирзаха гъалабла хъали. Мирзаханра, Саятра, Лейлара ихтилатбикIули саби.

МИРЗАХАН. РяхІим бихъибси эмхІела къабта наб дебали диргалаулхъули сай. Гъалавра ну илис рурси шери редес разиси ахІенри. ХIуша аба-рурсили чеввикIибси сай. Дигай-дигай дикIули...

САЯТ. Шилизиб хIурматла бегІти, жагати хъалицIа, грамотный дурхІя, юрист, жагати куц-бекI – лерилра илди хIисаблизи касили, чеввикIибсири ил.

ЛЕЙЛА. РяхІим вайси адам ахІен, амма принципиальный сай.

САЯТ. Се принципуни дирути илди?

ЛЕЙЛА. Хозяйстволизи се-биалра имцIякъ тIалаббарес илала сегъунсибра пикри агара.

САЯТ. Бужулив, харжикIулив?

ЛЕЙЛА. Юх, бекIлил бужуси ахІен. ХIед арц лугехІену, нушаб ит бара, иш бара бикIути леблихъалли, илди бикIуси бараб яра мабараб, селра сахIейсу.

МИРЗАХАН. Нушачилра валикили ахІен. ТанбихIлаваресра гуяв сайли цIахли саби.

САЯТ. Районна хІянчи сунечи хъарти хIедиалли, хIушазибад се дигуси?

МИРЗАХАН. Лейлали дурутни баягъи илди принципуни. Сунела шиличи дархдасунти нушаб напакъя лябкъути секГал лер. Илди хIедатес къайгъилизов сай.

ЛЕЙЛА. Нуни балулра, дудеш, икIини нушала хозяйство давлачебхIебиру. РяхІим вархъси, чекайзурси, хІялалси адам сай. Бархъли буралли, наб гІяхІра дилзули сари илди къиликъуни. Биалра, иличила сунези мукIуррикIули ахІенра.

САЯТ. Аги илкъайда биалли, се рикIиша? (*Муруйчи суайчил хIеррилзан ил.*)

МИРЗАХАН. Даширая ишкъайда бирехІе. Ил сунела хІайчив валтехІе. Къяна цIуббарес хIейрар. (*Лейлази*) Ишаб, районнлизиб, нуни хIед экономистла гІяхІси хІянчи бургис, хIушала хозяйстволис кумек акIахъес. Сай биалли, шила бекIла хІянчиличивад акъуватурли, цархІил хІянчиличи калтас.

САЯТ. Иличи нура разилира. Амма Лейлас экономистла хІянчи селис гІягIинли, хIела миллионти лерли гIергъи?

МИРЗАХАН. ХIела хIергъира.

САЯТ. Бузахъес адамтира кабатурили, хІябал-авал тукен абхъя. Лейлали илдас бекIдеш диру.

ЛЕЙЛА. Ну иличи къабуллира, неш.

МИРЗАХАН. Иш гъакIлис хIуша дархъли пикридикIулрая. Дицес или нуни тукентас дараҳъиби хъулри лер. Илар нушала тукенти дузесиехIе.

САЯТ. Илдазиб бузахъес нушала адамти кабати.

МИРЗАХАН. Гъайтъай. Илди тукентани нушаб халаси доход лебху. Товар сабихахъес нушала, администрацияла машинтира лер, заправочнаяра ибхъахъис. Халал вачар бирахъес ца оптовый тукенра ибхъехIе.

ЛЕЙЛА. Арц – бебкIибси капитал саби. Илди дузахъалли саби доход лябкъуси. КъанилихIирти арцла къисмат сегъуна бирарап чилилра багъес хIейрап.

МИРЗАХАН. ХIуни, дила рурси Лейла, гъанна набзи ца гIяхIси пикри бакIахъири. Тукенти абхыли хъалли, дила миллионти къанилизир кавлули сари. Къулала ферма баrasли.

САЯТ. Халкълис хIянчира бирарап, нушаб доходра.

ЛЕЙЛА. Иткъира гъанна адамтас мицIираг хIердарес дигули ахIен. Фермерти пачалихъли гIеббурцули саби, илдас кумекра бибули саби.

МИРЗАХАН. Халкълис бирцес ниъла продукция бирарап. Гъанна ил камли сабину, дурхъа-дурхъали бирцес вирап.

САЯТ. Къули чинар исида?

МИРЗАХАН. Асес хIяжатдеш агара. Шимала СПК-зи хIяб-хIябал кадатахъасли, бара акIахъубси фермалис диур. Дусличир дус имцIадикIар.

САЯТ. Чина мерлабирида ил ферма?

МИРЗАХАН. Гъанна колхозуни-совхозунала хала хIаявантала хIункъри, мазала масла азирти дурзамти агара. Диркъара дубуртира дацIли сари. Дила ферма наб дигна мерлабарес вирус.

САЯТ. Дугени кадихъес къиянбулхъан къадин. Нушала цIакъ биъхIебиур.

МИРЗАХАН. Нушацун дузули, ферма бузахъес дирути ахIенра. ХIянчизарти кабалтехIе. Илдас кумекбараҳъес бахъалбегI бюджетла хIянчизартира леб. РяхIимлицила дикIахIелли, ил наб душманван гъанарули сай.

САЯТ. Гъуя-я! Мурт ва секъяйда душман ветаруси хIед гуяв?!

МИРЗАХАН. Гъарил дила балбуцличи къаршили сай.

САЯТ. Вай гъуя-я! ХIела гъарил пикрира барьудира гIерхIедурцууси душман вирусив гъари?!

МИРЗАХАН. ХIила душман хIейбули хъалли, набчи къаршили сай, цархIилти хIянчизартира гIелумбилзахъули.

САЯТ. Сунела анхълизи къаркъуба хIертули вати гъатIи. Сунела шантас бетиркуси хIелугули виадли, лехIкахъили уар викIултив?!

ЛЕЙЛА. РяхIим сай багъанданра, сунела шанти багъанданра сай гъайикIуси. Сай ватадли муҳIли хIебхъу.

МИРЗАХАН. ХIунира гIевурцуултив ил, къянчикъ. Сунес пайда лябкъуси мер пикрихIебиуси цалра халаси хIяким левал бура.

ЛЕЙЛА. Илдигъунти хIякимти, дудеш, законни мурт-биалра гIеббурцу. Правительствола председательти, шагъарла мэрани туснакъбирули чехIебиултив?

МИРЗАХАН. ГIурла челябъла балуси Вангарив хIу?! ВегIличи цIика каҳIебиэсти документуни кархъути сари.

САЯТ. Мар саби, баягъи ил цIика чучи кабиресли гъарилли документуни

къулбасдиралли. Аргъа, Мирзахан, РяхИимли илди къулбасхIедируги ил цIика сунечи кахIебиахъес сари, хIед вайбаркълис ахIенну.

ЛЕЙЛА. ХIуни, аба, гъанна азирила къянахIебареси гъай бурри. ДугIла сай дудешли дила мурул душмайзи халируси.

МИРЗАХАН. (*Илдас сегъуна жаваб лугусил хIебалули, чIябарличи някъ гъакIибуру*). ХIушази гъайикIаб, хъа бяхIлизи хъарали иртаб!

Хъунулра рурсира батурли, итил хъули аркъян.

Па р да в.

АНЦІБУКЬ ВЕЦЪИБИЛ

*Къалабегла гъалабла кабинет. Ила кабиили саби Къалабегра,
Пашара, РяхIимра.*

КЪАЛАБЕГ (*РяхIимлизи*). ХIушаб дариби гъундурала хIянчила ишди документуни къулбасдара.

РЯХИМ (*документуни чедетаахъили ахтардидали*). КъулбасхIедирис.

КЪАЛАБЕГ. Сен?

РЯХИМ. СенкIун къалпла сари.

КЪАЛАБЕГ. Сен къалпла дирути? ХIушабкIун гъундурала хIянчи дариб.

РЯХИМ. Дариб, амма ишар хIедариби дахъал сари.

ПАША (*ургаухъи*). ХIед бируси зарал лебу?

РЯХИМ. Леб. Дурабад комиссия бакIили ахтардибаалли, хIедариби хIянчилис дариб викIес ну вирусу?

КЪАЛАБЕГ. Нушани дараахъиби хIянчилис нушани жаваб бихехIе.

РЯХИМ (*гъимукIили*). Илди гъай абдайзи дура. Ну юрист сайра. ХIушани жавабкардеш дихадалли, документуни сен гъатIи набзи къулбасдирахъулрая?!

ПАША. Мирзахан Хановиччили вакIес вируду?

РЯХИМ. Чина-дигара лявкъяс. Къалпла документуни набзи чилира къулбасдараахъес хIейрар.

КЪАЛАБЕГ. ХIелара нушачи хIяжатдеш ахъеси анцIбуку бируси саби.

РЯХИМ. Къалпла хIяжатдеш дила чичилра бис хIебирар.

ПАША. Умусира чяртлизи каркули вирап.

РЯХИМ. ХIу вархъли викIулри, Паша. ХIушагъунтани чи-дигара чяртлизи кайкахъес дирулрая.

ПАША. Высоко не летай, земеля! Бахъ ахъли бекI ахъмабурцид, вахъ мурхъли кайкесра асубиранру.

РЯХИМ. Ахъли ахъбурцули виасри, школалис юрт бируси мер хIуни дахъал арцлис бицибхIели, шила администрацияла ихтияр агарли, районнизиун ахIенну, республикализира балахъира.

ПАША. Ахъри лебтази сари хъулри дирахъути.

РЯХИМ. Дила администрациялизибси ванза хIела ихтиярлизиб ахIен. Нушани план бедибсиллис саби хIуни проект бируси.

ПАША. Левсиличивра хIу халалли чеваахъес дигулри.

РЯХИМ. ХIела дазу хIебалуси хIу сайри.

КЬАЛАБЕГ (*ургаухъи*). ХIушала къалмакъар ургамайидаяну, гъундурала ишди документуни бекIдирехIе.

РЯХИМ. ХIедарибити хIянчила документуни нуни къулбасдирули ахIенра. ХIушани хIергъулрав?!

КЬАЛАБЕГ. Документуни бекIдара или, нура валтули ахIенра. Ваши халалличи аркъехIе. Иличил бекIбара хIела суал.

ХIябалра кабинетлизибад дурабулхъан.

Сцена цIяббирап. ШалабиублIели Мирзаха кабинетлизиб чебиур Мирзаханра, Къалабегра, Ряхиимра.

КЬАЛАБЕГ (*Мирзахайзи*). Усидейла шила гъундуразир нушани дарахъибити хIянчурбала документуни къулбасхIедириш викIули сай иш. (*Ряхиимличи тIул бяхIчиали.*)

МИРЗАХАН (*Ряхиимлизи*). Вашигу, дурхIя, пайдаагарти проблемаби адмалкIахъид, нушачил узес дигули виадли.

РЯХИМ. ХIуша се дикIулихъалли, къалпла документуни къулбасхIедириш. БекIлил хIедарибити хIянчи дарира или документуни дарили сари.

МИРЗАХАН. Нушани ахIену дарахъибира, арц лугутира?! (*ТIама ахъбарили.*)

РЯХИМ. ХIебиалли документунира хIушани къулбасдарай. (*Чекайзурли буру.*)

МИРЗАХАН. ХIед узес дигули ахIенри.

РЯХИМ. Наб къалпагарли узес дигулра.

МИРЗАХАН. Дила рурси хIечир хIериалри, гъай цархIилти дири.

РЯХИМ. Хъалибаргла масъулти пачалихъла хIянчилизи гъудурхIедирехIе, Мирзахан Ханович. Шантала гъаларти диля жавабкардеш багъандан гъайикIулра.

МИРЗАХАН. Даҳъал гъайли бурги хIейзахъехIе – узес хIейгулра или гIярза белкIен, анцIбукуь абикиб.

РЯХИМ. ХIелукIас. Шантани игъдибар бихъили ну катурсира.

МИРЗАХАН. Сепайда... (*Буруси таманхIебиру.*) Укъен (*Къяркъли буру.*)

Ряхиим кабинетлизивад дураулхъан.

Парода.

АНЦIБУКЬ ВЕЦИНУ ЦАРА ИБИЛ

Мирзаха хъали. Мирзахан хамли къунзикIули сай.

Иличи лихIиаурли лехIихъули саби Саятра Лейлара.

МИРЗАХАН. Ну хIейгутала жан дукъаб чула – наб дигутигъунти секIал дарира. Къулала фермарса барира, хIябал тукенра дузесаира.

ЛЕЙЛА. Вари, дудеш, мяхIкамли вяшикIен, Ряхиим хIечила гIярзухъес асубиарну. Лацлара лихIиби дирути сари. ХIуни ил дебали гъимукIахъилри.

МИРЗАХАН. Илала гIярзали наб селра хIебиру: лерилра нуни дарибити законна гъуйчир сари. Эгер ил диля гуя хIейалри, иличил гъай цархIилти дири. Ватес чевкъули саби рурсила мурул. Ил цаибси. КIиэсилра, республикала халатани ну гIевурцула.

САЯТ. Фермара тукентира дузахъес диишара?

МИРЗАХАН. Дирехле, фермалис дугени кайхъес ну вегити хъуми деглахъунра, илди дузахъес техника асира, тукентази товар бихахъес «Газелти» лер.

САЯТ. Хиу вегити илдицад секіл талабдарили, мухілукъунас гүркъяхъ ахіену?

МИРЗАХАН. Мицираглизирад продукцияра сархули, авлахъунира делгүли, ризқыла сабухъра бурчасли, набчи чили гәйиббарес вирава?! Илдигъунти фермерти пачалихъли гъанна гөбүрцулигу. Илдас күмек булан бируглиги.

САЯТ. Гъанна нушала яшав вайтла ахіен. Нушала давла нушала чеалкүсі наслулис булан биур.

МИРЗАХАН. Гъаннаван гүрра халатани гөвурцасли, гъатира давлачкердирехле. Ну чилилра иш хянчиличивад увасең хебирар. Проверкаличи бакыбирига «гиявабаки» башахъулра.

ЛЕЙЛА. Или биалра, дудеш, мяжікамли уэн. Гъанна замана декіарси саби. Улкализир, республикализир дахъал дарсдешуни кадиркули сари. Гъар се- секіл далуси Рахимли чина-дигара гәрзбарес асубиарар. Ил – хиу дила дудеш сайнимили хөрхейкілар. Илала принципуни цакыты сари.

МИРЗАХАН. Ил секіл нунира гәхіл балулра, дила рурси. Илини сарри құулала арца, сунела шантас гуми биругеңи ургардикахъиби арца цахкадарыбы. Илини ахъбуциби налогунала суалра нушаб дигүгіб бара хілхі бетаахъурра, гәхіцадла харждиубли. Сепайда… гүяв сайли…

САЯТ. Хиуни дирахъути хъулра история илини балусив? Даршал миллионцад илди дахъал арц сари. Илдачыла Рахимли багъалли, хед гәй-мез адилкъа.

МИРЗАХАН. Гъачамлис илди хъулри чисалра дедили ахіенрану, илдачыла селра багъес хөйрар.

САЯТ. Хебиалли илди дедлугути адамтази дубша шин дуцахъес чебиркур. Чусра илцад дурғеңи хъулри хөдирки. Илди черсасалли, ил баресра асубиарну, чусра зарап саби.

МИРЗАХАН. Ил суал нуни гъалабал гәхіл пикрибарибы саби – хъулри мискинтачи, бахъал дурхіни лебти хъалибаруначи делкіахъунти сари.

ЛЕЙЛА. Шимала СПК-базирад сасибти құули…?

МИРЗАХАН. Дебкіб или списатьдарыбы сари. Илдала гәйиб набчи бакылес хебирар. Амма, ахтардигиранти бакылли, СПК-ла председательлизи бура гуми барыбыти ялчнас алапа беднила документуни чехідаахъес.

ЛЕЙЛА. Гәхіна, бурис. Дудеш, нуни халкълизибад иргъули, хела ца ишгъуна балагарси баркъуди леб…

МИРЗАХАН (левілра суалаури). Хиуни дусла ахирличир лебилра жавабла хянчизартази гәрзә лукіахъулри, валлагъ нуни бируси хянчиличи районна администрацияла бекі къабулли хөйалли, ну иш хянчиличивад акыватахъес къабуллира ибси. Ил къалли адамла бекілизи бекіліл хебакіеси балагарси баркъуди саби.

МИРЗАХАН. Төрхъа агарли, эмхіе башуси ахіен. Ил цаибил. Кізесилра, урехи агарли, урези бируси ахіен. Хібесилра, саби хянчиличиб батахъес набзи тиладибикүли саби, тиладила ставка – даршал азир. Илкъайда сеңад

доход лябкъулил балулрив! Лерилра шалуби хІисаблизи касибси дила «закон» саби ил.

ЛЕЙЛА. Набра кункли доход бакІили дигахъисгу. Амма ил хІела «закон» – ца хІуцун пикривашиби закон саби, адамтала уркІбазишиби хІечила пикри хІисаблизи кахІесишиби.

МИРЗАХАН. Мурул гІевурцулрив? ЦархІилтачила деңгизивси чи лева гъанна! УрхІла пикрумала наб авара агара.

САЯТ. Вари, дила Мирзахан, вари, мяжІкамли вяшикІен, лебилра лебдешлизивад мяжІрумиэсра асубиарнү. Хабарагарси мусибатли къаркъара цУмбулхъахъу, бикІар.

МИРЗАХАН. Тах шагъарлизиби халатани ну гІевурцулра. Ил саби «излумазивад» ну уцахъуси хІекъдеш. Бахъалгъунти хІякимти тяп иш ну къайда саби бузути. Илгъуна саби гъаннала замана.

АНЦІБУКЬ ВЕЦІНУ КИРА ИБИЛ

*Мирзаха кабинетлизиб сай Мирзаханра, Къалабегра,
Пашара ихтилатбикІули саби.*

МИРЗАХАН. Гъанна нушала хІянчи гІяхІил къелгІердиркули сари: гъарил хІянчизарли сунечи хъартира нушала ставкабира далули сай. Гъалаван пурхурбикІутира чебиули ахІенра.

КЪАЛАБЕГ. Нушани хІядурдариби документуни къулбасдирахъухІели пурхурбикІути шимала чумал руководитель лебал къадин. Илданы цархІилтира гъирбирули саби.

МИРЗАХАН. РяхІимлизи бурибси саби сунела мухІли буцахъес. ХІебурцалли, сай дила гуяв сайниличи гІур хІерхІейкіс.

КЪАЛАБЕГ. Илдигъунти цачумал гІурра леб. Илди хІянчиличибад акъубатес хІедириутирав? Нушала бекІ хІейзахъес.

ПАША. Илди чула шантани бикІиби биалли, хъулчи агарли нушани къалли убасес хІедирехІе.

МИРЗАХАН. Чараагарси анцІбукулизиб ишгъуна тяхІярра балбүцес вируси сай: шила ва районна депутатунаизибад хІяб-хІябал адамла комиссия алкІахъуси саби – урегал адамла. Илдала хІукму хІасибли шила бекІ акъуватес вируси сай.

КЪАЛАБЕГ. Шила депутатуни къабулхІебиркалли?

МИРЗАХАН. Илгъуна анцІбукулизибра нушагІебси гъуни леб: районна хІябалра депутатла ца голос имцІякъ буйгІуси саби. ХІябалра нушалай голосоватьбаралли, хІукму бетурхуси саби.

ПАША. Увасес багъандан депутатунас сабабра гъалабихъес гІягІнили къалли.

МИРЗАХАН. Чумал предупреждение, выговор гъалахили гъаладихъес вирап, хІянчиличив бажардихІеркүхІели дедиби сари или.

КЪАЛАБЕГ. Илди къянала дильни ахтардибаралли?

МИРЗАХАН. Илди къалли нушала шайзирадти сари. Нушани мардарес дирехІе. Нушаб диргалабулхъутала сияхІ балкъаахъая, дуб-дубли материалти хІядурдирехІену.

КЪАЛАБЕГ. Нуни гІянцI-гІянцIли аргъира, нуша хIейгутани чедибтachi гIярза белкIи саби или. Чили белкIил точно не знаю.

МИРЗАХАН. Посмотри-ка, ну гIевурцутачи укъес гъалабван къасбарибхIели, «занятли саби» или къабулхIерира. Халатала хасият лебси саби, чули гIевурцуси удивси хIянчизарла чедибтани хатIаби даргалли, иличибад тIайдибиркуси. Набра илгъуна сабира?!

КЪАЛАБЕГ. Се-дигара биэс бирап. Нуша сегъуна-дигара анцIбукуличи хIядурли диэс чебиркур. Гъанна мер-мераначи халатала комиссияби дашули, районтала хIянчизарти убкойсуги анцIбукунира лер.

ПАША. Нушала хатIабачила хъарбаэстигъунти адамтачил нушагIебси сегъуна жаваб бедес гIягIинисил ихтилатуни дурадуркIахIели гIяхIсири.

МИРЗАХАН. Бархъси саби. ХIушала документуначи хIердизирая, Паша викIуливан, мяхIкамдешла хIянчи дураберкIая. Раҳли комиссия бакIалли, хIушала документуназиб хатIа баргалли, нуни иличила балуси саби или мабуридая, вопрос коллективное хищениеличи арху. Ил гъатIира вайси саби. Цали ца вирцнира гъабзала барьуди ахIен.

ПАША. ХIу викIуси бархъси саби, Мирзахан Ханович, вегIли дарибити документунала къуллукъ вегIли бекIириуси саби.

КЪАЛАБЕГ. ЦархIилтацилра илди дархдасунти къадин.

ПАША. Строительстволис нуни рушбат сасибтази бурис: «Иш стройка барахъес рушбат бедира или хIушани бурадалли, ил бедибити хIушара такъсирладириуриая», - или.

МИРЗАХАН. Профилактикала хIянчи дураберкIинилизиб зарал агара. Дукъенаянуишар ахъдуцибити масъултала черкад дузеная.

Илди аркъян.

П а р д а в .

Къалабегла кабинетлизиб сай Къалабегра Ахтардибиранра кабиили чебиур.

АХТАРДИБИРАН (*Къалабеглизи*). ХIела командировочное леб Ростовлизи. Се мураддли ита вякъунсири?

КЪАЛАБЕГ (*Хлейгу-хлейгули*). Хозяйстволис сельхозтехника асес.

АХТАРДИБИРАН. Илшайчиб бузути хIебякы, хIу сен вякъунсири?

Къалабег буреси хIебалули тIакIилзан, хъуцIари вяшибиру.

КЪАЛАБЕГ (*къан-къанни*). ХIебалас. Халалли ну вархьира.

АХТАРДИБИРАН. Се асири гъатIи?

КЪАЛАБЕГ. Комбайнаби.

АХТАРДИБИРАН. Чум? Чиди хозяйствобас дедирай?

Къалабег гIуррара тIакIилзан.

КЪАЛАБЕГ. Вещал асира. Чис дедибал хIисаблизи кахIесира.

АХТАРДИБИРАН (*илала жавабтачи ташмишикили*). Нушани кайсехIе. Илдала къисматра ахтардибирехIе. «Ростсельмаш»-ла мухIира чебиэхIе. ЭмхIес сунела къакъличиб бихуси сунес хIебикилира бирап.

Къалабегла дебали урухиубси куц бирап.

П а р д а в

*Хөрбүкүтами пардавла гөлөбад гячихъси тайма иргъу:
Диубти анцбукъунала гөргүн 5-6 баз ардякъун. Мирзахара, Къалабеглара,
Пашалара хянчи ахтардибараҳъес бархъдеши дигуси къукъяли тах
шагъарлизибад комиссия баклахъиб. Комиссияли хяблалра къалпти
баркъудлуми гъаргдариб ва илди буцили арбукиб.
Къалпчи чи виалра, илис танбих гөлеббиур.*

* * *

Пардав гъаргбирап, жикьира сайра Гъарибан вагъарирап.

ГЪАРИБАН (*хөрбүкүтами дугъаизурли*). Халкъличиб чеббукути беклинибад чеббикниличил хуша мубаракдирули, ца далай бучлас:

Гяхлас унза дягуты,
Унрубас дяхI шалаты,
Шантас уркIи ванаты,
Ва дила дарган гъубзни.

ГяхIгъубзнала уличил
Цудар муцур цүббите,
Гъабзала багъаличил
Цуба цулби хъяшдиби,
Ва дила дарган гъубзни.

Иш дунъяла хял багъес
Хяна бидав буцибити,
Дунъяла мягIна багъес
Арцла ярагъ касибити,
Дила пергер дарганти.

Axip.

МягIячкъала.
2021 д.



→———— Критика —————←



Дагъиста халкъла писатель
Къасум-Бег МИГЪРАБОВ

ДЕРХЪАБ ЧУЛАРА ХЪУ...

Тамашала пикри бакыт набчи гъядатла ца бархы, сай дебали пагъмучевси поэт сайра ва илбагъандан жуз къалабали дуракаэс гъягъинили саби или жагъкайзурси 65–70 дусла гъямрула ца адам гъаникили. Ил илцадра вирхулри сунела белкапаначи, хъятта ташмишдешла ца лишаналра аги илала я гъайлизиб я дяжъличиб.

Нуни илизи чедиахъулра сари мягънилизир урдяхъести хъедиалра, назмулизир далхъедикили, сегъуналра битакы агарси, мешубуцунала ва ишаратунала шухъярилизир далхъедиркнила лишанти, амма ил чина вирхәеса, иличи ургъевли, мисалти дикес вехъихъыб сунечила районна ва республикала газетабазир гапцун дурутири или.

Учан, нуни дурутти гъай дацъти хъедиъниличи вирхаахъес багъандан ца чумал мисал леркис, хъятта гъарил тахтализир илди гъяхъицад лерли диалра. Поэзияла гягъра агни багъандан нуни тахтаби тикрархъедирис, амма селичила саррил илди тугъи гъандуршиц. Масала, шанглизи хъя регъли зярхъиси ва беръубси диль абуршалри сунес хъейгниличида, адамтани галга къама удили убатурли хъячмачибад сабухъ бучес хъулбикъули хъалли касес хъейрниличида, поездлис гъуни урцузыбад барес асухъебирниличида ва илкъайда, илгъуна даражаличир цархъилтира.

Сен иличила бурес дигиаура наб, сенахъенну ил ва илгъунти цархъилти умутчебхъели чула илди гъурумпъуз тутъазибад жуз барили, хъукуматли арц харждарес гъягъинили бильниличи илди бирхулицун ахъенну, умутчеблира сабхъели.

Къабуликаесра вирира илдачи, эгер камтиалра ташмишра, жавабкардешла лишантира лерли диалри. Якъинни хъейалли, бара чедаэслиалра.

Балулра, пагъму агарси гъяхъил лукъахъес хъейрар. Ил, гъайгъайра, гъяхъисира саби – вайсира.

Сен?

Сенахъенну адамла рухъла даражалис буйрухъикъес хъейрухъели. Виралри, агъагъай, се даражализир дирил нушала гъямру.

**Чинар, мурт, селичир дашутил гъяхъити.
Назмурти биалри багъес дигахъаси...**

Муртрил белкIун жагыил Луконинни, дургъби тамандиубли, хъули чарухъунмад. Гъайгъайра, ил суайс жаваб агни балулри илини, амма ил суайзеб леб поэтлис хIярхIли, жавабкардеш агарли лукIес хIейгнила лишан. ИлалакIун ВатIан леб, бара гъалавван жан хъябла дигъи, батахъес, ургъули калунси. ХIебиалли илини тарих балули сай.

Убла ва гъаннала... Илди манзилти жидарили, къуллукъличи кαιли, ГIяхIси поэзия акIахъубли, умутчебси челябъкла биахъес дигули сай.

Гъалахили бурес дигулра, Луконин, советская литература классик ветаъниличила.

Гур къанни, гъайгъайра...

Авицанну шура ибил дуслизир илала лерти бяхъибси ВатIанра, изуси уркIира, халаси тарихра сарри.

Гъарил ГIяхIси тугъ, сагаси метафора ва мяштIбареси мешубуц – ил челябъклализи ганзра саби, умуси, челябъкла ицуси гъигъра.

Чисалра дигIяндеш ахIен, дурабушибси гъава умуси хIебиъни. Гъава нушала хургърази бухIнабулхъухIели саби умуси, илабад ил цархIил даражаличиб дурабулхъан.

Амма ил илгъуна, гIядатла адамла саби. Тарих балули, – убла ва гъаннала – челябъкра талихIчебси ва умуси биубли дигуси художника ил дурабулхъухIелира умули биэс ГIягIиниси саби, сенахIенну ил илала гъуцIла цIара саби умутла байрахъра.

Цалилра, гъигъаначилра, симкъаначилра, далайличилра гъава умубирули хIейалли, се саби лукIусилис дигуси? Се?.. Гъарил жузцун ахIи, декIарси произведенияера дяхънушагъуна биэс ГIягIинили къалли, бараалра хIези умут картIуси, цаялра дяхъи сагъибуруси.

ХIела произведенияличил тянишиубли гIергъи, ил адам бараалра варскайрулив?

ХIейалли гIядатла суал алкIули саби: чис саби лукIуси произведение, жуз? (ЦацабехIтани бирар бурули: ну лукIуси наб сайра или).

ХIед виадли, сен белкIунмад редакциялизи дуцIли лебхулри, хIела устIулла чедиб, манзил-манзил хIербиурли, сен хIебалтулри?

Нуни балулра, гъариллис дигни, сунела белкI жузличи шурбухъи, адамтачи баили. Иличила ванаси девра аргъес дигахъу.

Гъайгъайра, гъарил лукIусиличи цадехI тIалабуни гъаладирхъес асухIебирар. Илди чедигъес чевкъули саби, бекIлил жавабкардеш агарли, ца ити, се белкIасра балбиркур или пикрибикIути лебхIели.

Чекайзурсили, писательла санигIят декIси дукIван ва жавабкардешла чеблаван иргъусили илди, нуни чедир гъандушиби тIалабуни, сунечи сунени чейсу, Маяковскийли ГIяхIил буриб иличила:

**Иш манзил – къиянси саби къаламлис,
Аргъахъая набзи, эй чулахъуни,
Чили, мурт, чинаб чевягIиси поэти
ЧеббикIибал сунес гъамадси гъуни!?**

Чили буров иличиб цIакъли?

Иш белкIизи вархиси манзил чуйнара пикриухъунра чи викIалли ГIяхIисил илдигъунтас.

ЧинкIирти?

Пиитуни?

Пакъирти?

Ахирра-ахир, наб нуни маслигІятбарра – чилра хIейкIес. СенахIенну литература акIубхIейчибад илди лебтири ва гIурра биар.

Расул ХIямзатовли дурибити гъайра гъандикиб ца лукIуси энергетикличила, илала жуз чебаибхIели:

«Вайси виалра, поэт гIяхIси сай, гIяхIси вачрукъячив».

Илала дурабадра, илгъуна лукIусила жуз къанни дураэс виар, бекIлил дурахIес виар, амма ил хIелукIес вирхIейрап.

Сен биалра, дерхъаб чулара хъу!

НУРГЪБИ

ҮркIецIидухъеси хабар аргъибхIеливан ахIи, экранничиб яра сценаличиб чебаибхIеливан ахIи, пахру бареси ва илини гIяхI шайчив хамиахъеси хабар аргъасли имцIали уркIи кIантIбикIули ва хIулби нургъбазир куртIдулхули дирап дила. Чуйна аргъаслира Индияла киноличи хIерикIухIели, залла мермерличирад симкъбикIутала тIамала, бакъасри дила дяхIличиб гъинчI дакIубулхъи. Амма Шолоховли белкIунси «Адамла къисмат» бикIуси повесть хIясибли касибси кинофильмлизивси Соколовличи хIерикIухIели, дила михъирла бухIнаб рурцIули-рурхъуси хIаякат къалааурли барцбикиб ва хIулбазир нургъби дагъардиуб. КъяпIдарибмад биалли илди ляжубикад гердукхъун.

Нургъби...

Илди дуръули ахIен ишбархIира баҳъла, сенахIенну баҳъалгъунти мискинни саби, бисеси даражаличиб хIебиалра. Амма гушхIели висуси, велкъунхIели дукаркIуси сай. Илбагъандан, илдигъунтала нургъби уркIецIибаести ахIен.

Нургъби, гъайгъайра, ЧевяжIисили инса чархлизи картIибти дарманван сари. ХIедиаллири, илди картIибмад уркIи ца бара биалра паргъатбиригъатП? ХIебири къалли.

Тамаша къалли, сунела вегIебш, уркIи паргъатбирули саби, хIулби дисухIели. ХIебиалли илди уркIилизир акIубли, гIур хIулбазирад дургар картIути.

Нургъби.

БархIехъла манзил сабри. Мижитла шулгIир, илала лацличи гIинирикили, някъбази уцили дурхIяра сарира жагъил хъунул тIашлири ва «Аллагъ багъандан тиладибирулра, дурхIя вахес ниъ асаҳъес кумекбара...» ирули, гъар шалгIевулхъусиличи дугъарилзули ва, манзил-манзил симкъра дурабушили, хIулби ушкулти, сари рисни балахъули. Илала хъатла нунира шуцIли къурушла кагъар кабихъира ва дила гъуни даймбарра. Ца сягIятра-сера дикилри, ну сагали шагъарлизи дуравхъунхIели. Баягъи ит мижитла гъалавад аркъулти ну, ЧIянкIли гъунила итил шайчивад. ДурхIя някълавси хъунул адам гъанрикили, ил лерси мерличивияхI ласяхъира ва... гъм.. чебиусиличи вирхаэс хIейрули, шипвярIира.

Илала мякълаб дура улкала «жип» машина тIашбизур, рулличивси кацIили, машинала Геларти унза гъаргдариб ва ила ил каратур.

– ХIера, нургъба къуллукъра бирули буили, – гIяшли ира нуни набзи гъуни даймбирули.

Камсигъуни ахъибмад наб цархIил сурат гъалабизур ва ил сурат сипатбариби М.Ю. Лермонтовла тугъи уркIилизи дакIиб.

**Киласала къапула
Гъалав шаддикъ тIашлири,
ХIилхIи къашмачив тIашси,**

**КъацIла къидикъ дигули,
Пакъир ил юумикIулри.**

**Гушси ва милигси ил
УркIецидухъеслири,
Гъабатурси гъярцIа някъ
Гъаваличиб руржулри.**

**ХIерлизибра илала
МицIирси гIязаб сабри.
Чили сабрил илала
Хъатла къаркъа кабихъиб.**

ЧевяжIси поэтлайчи, гъайгъайра, дила шурбатурси назму ахIебиркур, амма ил гIяхIил зайдикIахъесра мягIанализиб дурусли биахъесра дигули, нуни халаси къиян кабихъира.

БикIар къалли; «Проза шурбалтуси – лагъ сай, поэзия – абзчи ва къаршикар».

Нургъби саруркIуси сурат саби иш, сенахIенну шаддикъиун ахIен ишав язихъилзуси, иличивра – ил, чурхси уркIила вегI, чилалра децIла авара агарси – гъатIира язихъси сай.

Ца гIяхIдеш, инсан нургъбас буйрухъикIес хIейрни. Илди имцIаливан адамла чархлизир бекIил вегIлизи хъархIерагарли, чучи лайикъси аги-къядыа кадизурхIелицуун клантIдулхъан. ДекIардеш агарли – децIхIели ва шадхIели. БегIла цАкъти нургъби, гъайгъайра, гъабзадеш чедиухIели гердулхъути сари.

Халаси замана арбякъи ахIен бебкIаагардешла дунъялизы НурбяжIяндхъала МяжIяммад ганзухъунхIейчирад.

Агъ, сунела вегIебш, сегъуна гъунар ва къисмат ирзузи цАкъ лебал саби-сабил кабиркуси гIядатла барькудилизиз.

Эгер ил гъабзала жан асибси жалладли телефон лайбакIибси виалри ва илабси белкI беткахъибси биалри, чили бала сегъуна къисмат бирил МяжIяммадла кИибти – алхи гIергъи дуркIути гIямрула.

Илбагъандан, гъабзадешла хIурмат чихъси бильни багъандан, гъар секIал гIягIиливан кадикиб. Сай кавшибси жалладли – Игит марвариб.

Нургъби алкIахъуси сурат сабри ил.

ЦАРАВАН ХIЕРИЗУРРА

Нушала шила къадурбазир вецину кIира шинкъя дири бикIар гъалар... Ну виштIахIели гъятIхIейубли, юх, гъятIхIейубли ахIенну, бегIти ахъили, дузахъути авал лералри.

Сегъуна къацI бирил илдазир делкъунти бетIула! Бизиси, пайдаласи ва тухъси.

Илдазибад цала хужаим Ражаб-ази сайри. Агъ, хIябилра къяркъиси вири къалли ил. Илала шинкъала ца шай chir гъямгъала, курегала галгуби дири. Урхамтази шин дашуси хандакъя кIелра шай chir жунабла, михIяулла ва сирмугла галгуби дири, сарира дугIла зимиz тIутIила харангли делси кIапIкадариби.

Удирван, гъунилара хIеркIлара ургабси къякъличир хIяли хъярла ва сунтругла хъярла чумал галга дири, сарира гъар дус духъути.

Илдачи дири нуша гIулухъабала чябхъинти.

Амма Ражаб-ази сахъси къараул вири. Галгубала удир нуша дакIудиубли –

бекIхIедиубли лерли ил вацIализивад яра ухълаувад дураулхъи ва дукикъянала Геркъаси ГIярчумаг ЧIярхъбулхъахъи.

Ил левгIев магьирси устара вири.

Илини дукI-дураз, уркура ва гъяй устадешличил дири. Колхозла автомашинала кузовлис бортанира дарили гъанбиркур.

Гъачам ца ухънази, илис ГIусбан-ази бикIи, нуни ира:

– Агъ, хIябилра вайна кIев къалли икI Ражаб-ази. Хъярби далцIес далтули ахIен, мурталра вявикIули сай. Адамти дигахъусигъуна ахIен.

– ИкI, азила, дебали Чумаси, серхурси вири жагъхIели. Мурталра шинкъанкула вири викIултив хIу ил? Юх, ахIенри. ВахъхIи калун ил колхозла председетельли узулира.

Гъанбиркур, дургъбала замана сабри. Ну бригадирла хIянчиличи бара гъалавван катурлири. Нушаб ГIягIилири Мамедкъалализи дерубти хъярби, ГIинцби, жунаб ва цархIилти цIедеш даахъес. Фронтлис дархъахъес. Сталинна жи бири: «Гъар секIал фронтлис, гъар секIал – чедибдешлис!» бикIуси. Лерри гавлагуни дицIили ца эмхIечир дерубти бяхIяхъунира.

Урхъназирад шала шикъдиайчи нуша Аттагай бикIуси мерличи кадаилихIедаили лералри, чедибад, ВацIабяхI каберхурли, Аслила бахча бикIуси мерла ургабси чирхлизибад чумал къачагъ дуррабухъи, нушаб гъуни буциб.

Къяна хIебурис – дебали урухиубра. ГъанбикIб: «ХIера, бакIиб балагъ дила къисмат ирзуси сягIят. Ишкъайда, гъал дусра хIейубли, дунъя балтусирав?»

Дявтази ну укибси ахIенри, ца къяш куцIли бильни багъандан. Галгаличиваад кайкили, бячунсири. Я ГIяхIси дяхънуша агарли, лига мерличи бархъли кахIебатурли, ца къяш къантIбиуб…

Ражабла михъирлизи илдазивад цали, тупанг къузбарили, иб:

– Села духби сари?

– ЭмхIела, – иб илини.

Жаваб ГIяхIхIебизурли, къачагъли сунела тупанг гъатIира чIумали хъячIбариб. Ражабли ГIелабяхI ганз кацIиб.

– Се архулри ира! – вявъиб илизи.

– Красная ГIярмиялис деркести! – илиниван ахъли иб Ражабли.

– Нуни аргъиливан, хIела мухIли бахъ бугаси саби!

– МухIли бугаси хIебирар, – иб Ражабли – лезми биран. Ва гъуцра.

ХIела ГIярмия билли, дугати гъуцала бегI Волгаличий саби, гъамли ил цIударбиру или аргъира, хIя-хIя-хIя!

– Ца чумал бургъан калесгу, вершала жан асес, – иб илини, ва илкъайда эс бекIхIейубли левалли, илини Ражабла хъарканилизи къандакъ бяхъиб.

«Агъ, сен ишдачил жаликIусира, – пикриухъунра ну. – ЛехIкахъили хIевъули…»

– ХIу гъабза виадли, дила андализи игъа, – иб илини, мурхъси гъигъбушили, вархъли калзули, – хIергъули Гергъи, дати илди хъунча авара!

Диъбала бегI эмхIела гъардуц буцили, илдазивад цали шайчибахI битIакIиб ва, хъуцIарличи тупанг лапIбарили, чекахъиб, гъинчIизур.

– Ражаб тIяхIухъи ца эмхIела шайчив тIашизур, ва хунжла бухIнабад дурасили, тапанча халалличибахI бяхIчиали, иб:

– ХIуша хIябал, ну – ца! Амма хIушазибад кIел набчил арбухес бекIируз. Рахли ил секIал хIебарасли, ну гъабза ахIенра!

ЭмхIе арбукес къасбариси, тупанг, чебкахъес вализурмад, Ражабли къяйкали илалара къашмала гъалар хяса пухIаиб.

Лебилра къада кIухла тIамали бицIиб.

– Ишди тIамала аргъиби букIунира иша абиур шел минутли, – иб илини.

– ХIуша дерцес сегъunalра тяхIяр агара. Амма хIушала гъуни буцили ардукъядалли, биубси нушала ургаб кавлан.

– Вялхъя гъабза сайри хIу Ражаб. Илгъунала хIурмат хIебируси гъабзара гъабза ахIен, – иб халалли ва някъличил, сунес гIелабад батбихъахъес лишанбарили, саби бакIбси шайчибахI ахIи, бяхIчиси ВерхъабяхI абултIличибахI батбихъиб илди. Къачагъуни вацIализи... бухIнабухъунхIели, нушанира катхIел гъуни буцира.

ИлхIейчивад Ражаб-азичи ну цараван хIеризурра. Гъабзадешличил нургъби кIантIдулхъахъутазивад уилри ил гъабзара.

ХIЕБУБКУСИ ДАЛАЙЛИЧИЛА...

Сециад белкIани делчIес чебуркъибал, вегIебш, гIамру газетаби-журналтачил ва жузачил дархдасунхIейчирад. Дигалли поэзияла, дигалли прозала, дигалли публистика ... Гайгъайра, илди лергIер цализирад ца декIарти дири. КамхIейри мештутира. Якъинни чебиули вирира авторти ца хIябцIали дусла бухIнаб сегъunalра барсдеш агарли, ца жузличибад итил жузличи ахъиси гъуни ца даражаличиб кални. Ца Чалаличиб кали, сегъunalра барсдеш чула творчестволизиб ахIекIахъубли. Гайгъайра, ил далил вегIли аргъес ва цархIилтази аргъахъес дахъал къайгъни гIягIнити ахIен, сенахIенну гъар секIал хъатларван сарину. Якъинни ва гъаргли...

Илди жаявлил баришкабиубли саби чула агиличил, лукIнила даражаличилил ва чула творчество цархIилтазибад декIабулхъахъуси ва чучицун хасси биъни марбируси гъавла дунъаличилил. Саби лебсиван ил балтули, ил цархIил даражаличи бикахъес сегъунтилра гунзри кахIейцIули.

Диуб, цаибил тугъличирад бегIла гIергъисиличи бикайчи дарган мез гъанни паҳрума биркъахъути ва ил рухIла дунъя бучIантачи баахъес багъандан хIунира бутIакъяндеш дирнили хIед харидеш бихути. ХIу хIулуркIахъути ва хIела рухIла дунъя гIяхIдешла шайчиб «зигарбулхъахъуси» ва «гъузгъалдибируси»:

ХIу пикриулхъахъути.

ГIе, илди автортани саби литература культурапа гъаладяхI аркути «дусахъули» хIедалтути.

Сунела замана хIякимтани къадагъабарили, гIяхIцадхIи къасиличи кабихъили калунси саби Ленид Зоринна сценарий хIясибли Михаил Козаковли касиби «Покровский къапу» бикIуси кинофильм.

БекI герой Костикла зизини хъарбиули сари эстрадализив узуси, куплетуни дучIуси Аркадий Варлаличизи:

– ХIу сен хIерхIейкIулри кинофильмличи? ХIу къалли Музабас къуллукъличивсири? (Телевизорлизиб чебиахъулри, французла гIамруличила фильм).

Нуни «Мосэстрадалис» саби къулукъибируси, – викIули сай артист. Илини илкъяйда ибси, сунес сунени дучIути текстанала авара агархIели саби. Илис илди куплетуни лукIуси поэт Соевра, умцIуси, гъалавяхI укъес дигуси ва къадричеси селра-декIар белкIес дигуси автор ахIен, сенахIенну хIекъили таманси къуллукъчи сай, поэтдешла гягIра агарси...

Ил кино наб гъанбикисири, тяп илдигъунти автортала белкIани делчIес чуйнара чебикибхIели.

БусягIятра дила гъалар лер илдигъунти кIел жуз. Чула харажаначил автортани дураиби жузи. «Гъимбулхъес хIейгули, илдала уми дурули ахIенра, амма поэтунала пагъмуличила дила пикри бурис.

Наб ца гъатIи секIайчила бурес, пикриухъес дигулра – сен илди ва

илдигъунти цархИлти авторти ил агиличил бариштил. БусагІят бурес чебиркур, гъайгъайра, илдани саби пагъмучебти автортази халбирниличила. ХIялта, саби агарти, биалри миллатла литературара таманси ва гъанна, саби илизив лебхIеливан, давлачеблира хIебири или пикрибикIни.

Гъайгъайра, бусагІят пикрилизи ляркъули сари гIягIиниси даражала литературала критика агниличилара, саби бучIантасра авара агниличила. ТIалаб агарли.

Амма илди далилти бекIти ахIен къалли.

– ГIур гъатIи?

– Сай автор виэс гIягIинили сай тIалабчевсилициун ахIи, бекIлил къабулагарсили. СенахIенну, классик викIуливан, вегIличи вегI къабулли виъни – художникла бебкIа сабину. Творчестволизиб бебкIа...

ЦархIил шайчивад, иличила пикриухъялли, вегIличи вегI гъайикIес сабаб баргни къалли ил сунела творчестволичил къабулкайкили, разили виъни саби

Эгер назму лукIусини, ил лукIухIели сайра кIантIивакIили, ца-кIелалра нергъ кIантIдулхъахъули хIейалли, учIан-декIар кIантIинкIуру ва илала нургъби кIантIдулхъану?

Гъайгъайра, хIедулхъан.

Хапли, лехIдешлизиб кIухбухъунси къукъуван, бакIиси пикрили устIулла Телавад харчилзахъули хIейалли, учIан-декIар илини тамашаирав?

ИлкIун, мутIигIбарибси хIурхъла дубурла бехIличи байрахъ катIунси алпинистливан, дурадушили хIулбукIрила тIама, цУба кIапIиличи вяхIудихIеркур, сенахIенну камли башар бекIлизи уб якъинни ахIенси пикри, гIур биалли, вахъ разибиубли, ишкIун наб тяниши сабри иргъахъуси.

Мурхъти ва жагали – духути пикруми гъарли-марси илдигъунти сари, – гIядатла. Илгъуна шаласи гъаргбаркъ башуси саби манзил-манзил поэтличи.

Гъайгъайра, сагасили разидеш хIебихес хIебирап. Хъумартес виубси децIиван...

Гъарли-марси поэти бархъдеш бурес, сеннира баҳъалгъунтас гIяхIизеси, баҳъалгъунти разибиэси наб гъанбиркули саби, заманара хIебирап или. Я ил, анкIила къукъри къудкъудили луцIуси арцанван къайгъилизив хIейрап, сунела «пикрумала гумилис» тIулрили диэсти мешубуцуни, суратуни дурчули ва дагъира «кIапIрази» лукIули.

Илди илис гIягIинидиркути челябъкализи кавдуси гъунилис бархбасла гIягIинахIумиван сари бағалати. Илгъуни я бархъсии, ЧянкIли бархъсилициун биэсра хIебирап, сенахIенну, хабарра агарли, къячIикI барили, чина-дигара ласбиэс асубиарнру. Поэзиялис кадизахъурти къанунти ва тIалабуни къайимти ахIенну. Цараван бурасли – чараагарти ахIен. Илис къабулси ахIен я туснакъ, я буйрухъ, я мутIигIдеш...

Ил, ур агарти, сари тяништи диалра, якъинни ахIенти, хIулбала гъалар диалра, азиrtle аргъайзирти, чилалра илди дурес я чара, я имкан хIебакIиби даргиби ва лебгIеб низам кабизурси пикрумала дунъя саби.

КъантIли буралли – аязли-ясир.

Чардулхъеlex дила гъаларти жузачи. Илди нуни гъачам садяхъилра. Мер-мерличирти назмурти делчIира. Мужаллатла гIела бяхIлизибси багъишлала белкIра бучIулра.

Цали белкI бехIихъили сай ишкъяды: «Нушала литературализы ... или ЦархIилли: «ГъатIира чихъти сархибдешуни сархниличи вирхуси...»

Селичилда бурули илди белкIанани!.

Гъайгъайра, лебгIеб чучи саби бирхути, дурадухъунти жузали нушала литературализы чула халаси пай биъниличи, чузиб чис-дигара къимат лугес ва саби илбагъандан литературала дунъялизиб – лайикъти вакилти биъниличи умут чузиб лебниличила.

Гъанбикесли саби, илдани чули белкIунси ахIи я гъанна бучIули ахIен, я уб илдани селра белчIунси хIебургар или. Чус гъалаб литература агарсиван, чули къалам касайчи гIур лукIути хIебиубтиван.

Щакъси хIял буили саби бирхауди.

Чекайзурси ва левгIев къяркъси критикаличира, дила пикрили, бирххIерар илди, сенахIенну саби хатIабикес асубирничилара ца назикси пикрилра чучи гъамбирахъти ахIенну.

«Иш дунъалишиб гIур цалра улка хIебургар Америка ахIи, сунечи саби илцадра бирхуси, хIятта сунела тарихлизир хъям-гъара, зулмурти хIедиубли, ишбархIила агиличи, цивилизация балли, ургаб, чехIебаили батурли...» – ибси саби Бернард Шоули Америкаличила.

Иличи мешули саби ишди кIелра авторра.

1932 ибил дусла майла веџIичир фашистунани гъану шура азир жуз дигубтири. Илдала лугIилизи пикрилра хIевхъи гъудурдирира нуни...

Итди, гъану шура азир жуз фашизмала идеологияличи илартি пикруми далхIедиркули дигубтири. Илдала авторти дунъалишиб машгъурти писательти сабри.

ИлданикIун Гетела, Шиллерла, Байронна ва Пушкинна жузи дигубтири.

Ишди кIелра нуни игира сегъуналра, гъайгъайра, чушиб, баралра мадарбареси пикри агархIели.

Амма...

Тамашала адамти сарра, марлира нуша дагъистанланти. Ил, дахъал миллатунар хъалибарглизир нуша дарганти умутличил бурулра, илдигъунти чараагарли сарра эс дигулра. Адамлизи бурес урузкIулра, сенахIенну адаббирулра.

Илизи, пачалихъла харжаналичи бил жуз дуракаили, илала замана ва эфир пайдалабарили далайикIухIели, ва культурала ГIямрулизир цархIилти, миллатла рухIла дунъалишиб дадархдасунти барькудлуми дурадуркIухIели.

Илди, нуни чедир гъандушибти, барькудлумикIун илини нушала миллатла мез пайдаладарили, илдала вакил сайлин дирули сай.

Барькуди биалли, мез пайдаладарили, рухIла ГIямрула дунъалишиб бируси, илди мез пайдаладирутачи асар барес, чули пикрибарибси дунъя илдасра ахIерибаҳъес къасли бируси саби.

ХIебиалли, сен адабилзузи нушаб илдигъунтала дяхIизи бархъдеш бурес.

СенахIенну нушала бярък илгъунахIели...

ГIямрулизивад цачумал дус гъалав арякъунси профессор ГIядбулла ВяхIидовличил чуйнара ихтилат бетаурсири ишди нуни ахъдуцибти масъултала хIекълизиб.

Дебали малхIымси, адабчевси илини ГIахIисиличила сунени къабулбарибси ва ГIибратли биэсиличила лукIули вири.

Амма вайсиличила, хIукуматла кагъарра харжбарили, бетиркуси гонорарра касибси чейулихъалли, иличила лукIули хIейри.

«Къибра» «къузра» эгер диалрира, илди лергIер «изихIерахъти», имцIаливан бяркъла шайчик асарбарес ва «нуни чебла ахъира» эсван дирутири.

– Адам гъимукIахънили ва тамай уркIиагарварнили се лебху викIулри хIу? – ири илини цацахIели, илди суалтаций иличивад чевхIеркухIели. – ХIези нуни бурасли, талхъан, критикали ГIахIил лукIахъуси левси ахIен. ЦацабехIтани илди бекIлил мучлахIебирулира биарар. Масала западла улкнала литературализиб. Бурасли хIези, Уильям Фолкнерли илди, критикуни, лебтил яра агартилра чехIебии. «Ил илдала къацI баргес къайгъи саби», – викI ил мурталра.

Бурасли хIези, вархълира сай. Нушачиб гъятIи, нушала литературализиб, декIарси аги саби. Нуни ца ГIахIиси рецензия яра статья белкIасли, ца авторличила, илини ил шабагъатван къабулбирули сай ва ахъли кабурцили бекI,

бөгөлма машгүрти устнала шулгын калзули сай. Манзил-манзил ил статьяличира дугаилзули.

Илбагъандан къалабахъели вирус ну дила кымат гес...

... Нуша биштаси миллатла вакилти сарра. Илбагъандан, мурталра деклар, бикъибикъурси, дахъал чедетхеибти шалубачилси произведение белкын биалра, «гъанна викири хын нушази» или чедулхъес балхъебиркур. Илис имкан гес багъандан, сенахенну пикрихъедухъи «дяхъи» барахъелли, ил тамай уркынагариэс асубирар...

Илкъядара ири илини.

– Гуждан литературилизи лябкүти хъулкира балтутив гъатын лайикъси кымат хыгали?! – ираси нуни, илала паргъатси табигъятчи пахрура бибули, цазаманализиб ну сунечи гымукъинира чехъебаахъес дигули.

«Белики замана бакъес, – ири илини, – ва ну пикриулхъас, хатынкирал, ахын бархъси бибули уилрал...»

Сецад мискиндарибал, сунела вегъебш, ил гъямулизивад арукънили нушала литературацун ахын, абзурли миллатла гъямура!..

Амма барсбируси агара, нушаб калунси, илини делкын датурти критикала, литература руркънила гъилмура ва художественный жузди дучъес саби.

Ге...

Ца гъатын, лебгъеб улукъуси мастьала агарсиван шайшиб батурли уэс дигули ахыненра.

Ил саби нушала далуйтала дунъя. Илабси агиличила ну мурталра пикрикъусири. Илизирти перилра тахтаби наб гъанхъедиркур, бархъли бурасли, ил кабяхъибси «Дугела карбан» бикъуси цалра жузра агара. Азири тиражличил дурабухъунси биалра.

**Дукархъекъес биалри,
Гъягъинидеш агархъели,
Уркын цали игули,
Хылби нургъбазирхъели.**

**Далайхъекъес биалри,
Далай къышмаубхъели,
Лехъихъута бикъуси
Чянкъили макъамцуунхъели...**

Наб далуйти дигахъис, амма цалра концерт таманбиайчи калес виубси ахыненра.

Сабур агара къалли илдани, далайчибани, дучуутачи лехъихъули кайэс.

Чучи чула паҳру, хылбукъирила шикъатыла ва, бекъисигъуна, чула пагъмуличи илда бихауди!...

Гъайгъайра, илдигъунти агурби алкъули дирап улкализибси аги вайтакъели, бузес хыянчи агархъели ва ил дунъализиб – далай лебгъеб сабухъчебли чебиухъели.

– Ну далайрикъес рехъиерихъира, – иб, уркын-гъаргли ца далайчили набзи, – эгер дила някъ бячунси хыбайлар.

Ил штукатурли рузусири.

– Хыериурлар рузес, някъ дебали бүмсүли. – Илкъядада дакъу-гъаргли гъарилли бурра хыбируу къалли. Амма чум лебал илди, я таамали я гъайли лехъихъусила уркын я къантакъибикъахъути, я хылбазирад нургъби къантакъиедулхъахъути «далайчиби!»

**Батирай, хыейишира
Ца гъатын гъунар барес:**

**Айзурли хІяблизивад
Ца далай зайдухъахъес.**

**Зайдухъахъен, дусути
Дубурти черсаргъесли,
Лехіхъутала уркІби
Гъабзадешли дицІесли.**

**ЧеряхІара сагали
Дубурлан хъунул адам.
Чардара гъариллизи
Итди урези, адаб!**

**Айзи, хІела цІа-далай
Хъумкартурси манзилну.
Гъанна къаяда иличи
ХІяжатдеш ахлекІубну!..**

Чули багъа бедлугули, далайчизбази тиладибикІути лукІутира чум лебал?!.
Дисканачи, флешкабази илди делкІи дирули!

Муртрил учЧули Батирай, лукІули ГІяхІмадхан, Амир-Гъази, ХІябіб ГІялиев,
Газим-Бег БяхІяндов, Сарат ГІялиева, Сулайбан Рабаданов, ХІямидхъала
МяхІяммад лебниличила хъумкартурли.

Илди дучЧутачила къантІли буралли, кІел тугъличил аргъахъес вирап:
Нешлис дудеш дигули,
Дудешлис неш дигули...

– ВехІцІали-гехІцІали дус виайчи чинаврив хІу? – хъарбаира гъачам цализи
нуни.

– Ну мурталра лукІусири, амма вахъ вархили, илди кадирхъес замана
хІебири.

– ДелкІунтачи хІу разилирив? ХІела пикрили, илдазиб поэзия лебу?
– Хіебалас. ЗянгъбикІули, тиладибикІули биалли се бариша?
– Набзи сен тиладихІебикІулира илди? Нура илцад вайтла лукІули хІергусгу.

ВеңІну шурацад жузра дурадухъи сари.

– Нуни сели багъиша?
– Нуни балас.
– Гъу...
– СенахІенну ну илдачи я зянгъхІейкІулра, я илдас бедес дила багъа агара.
– ХІела пикрили аги или сабив?
– Саби. Дигули виадли кІел –хІябал далайчи лебкис...
– ГІягІнили ахІен...

Гъу, пикридухъена, илгъуна аги биалли ил дунъялизиб, давлачебириув
илдани нушала далуйтала ва поэзияла хазна?

Гъайгъайра хІебири.

Амма нушаб илдачи лехІихъес чевкъули саби, хІулдуркІес ГІягІнили саби ва
гъар секІал къулавайли сари или, барыштала гІердирули кадирулра.

Се биру, сецад чевяхІси виалра Батирайла ахъри агара биалли гъачам гъатІи
гІялам уркІаэс.

Амма илала далуйтира макъамтира лералну, нуша чинар диахІелра, илдачила
гъайдикІес ГІягІнили саби.

Гъарли-марси далай бубкІуси ахІенну.

Фольклор



Зубайдат ГЯМАРОВА

БУРАЛАБИ

Хяличил гъалмагъики, амма някъбазибад търхъа
батмайид.

Шила халадеш – адамти, шила цакъ – уржибдеш.
Пачала хъулирра жалти дирап.

Арцла гили-къабтали эмхле урчи бетхлерахъу.
Къянала ца къяш – шямла, ца къяш – цала.
Вашусини – чебиу, делчунсини – бала.
Гъргалис гъйса камхлебираар.

Берла къача бяркъес хлейрусини урхла бугъа бяркъес
хлейрап.

Цабехл хулбачил сукъурли саби, цабехл – уркъбачил.

Уализир шин хледуар.
Сецаад бецл балхадлира, ил вацвализи хлебиклар.
Бяхлара лихлби дирап, диркъалара хулбии дирап.
Хлеб хъу деглен.

Яни печ ухахъен.

Шинни чус-чули гъуни бургу.
Сегъуна хлянчи биалра, – илгъуна бирап хлекъра.
Шанглизи се абушадра, ил саб клюцуйзид лябкусира.
Сецаад къую шинни бирцладлира, ил гиниз бетхлераар.
Берла къантиси гъуни – ил бархъдеш саби.
Гъякълу гъякъси саби, кумек биалли кинали гъякъси саби.

Бурибси гъай – арц, хлебурибси – мургъи.
Гъякъабза гъачам убклар, вайгъабза – даршна.
Дургъбани уршиби хлебиркъу.

Палтар хъясибли гъунибиур, гъякълу хъясибли гъунибалта.
Дагъри, гъякълу, пагъму – лебил ши, ца адам – шила
дяхимцала.

Палтар гъяхти сар сагати, юлдашуни – баҳъхила.
Бузутиун букути биаллири, урчи эмхлес гъелахлебулхъи.
Урехи агарсиличи хя гъямбулхъан, урухкъусиличи
биалли къацбилькан.

Урухкъуси адам сунела дяхцилизивадра урухкълар.
Бархъдеш – дуруб саби, ил гавлаглизибра дигъянбарес хлейрап.
Вархъси адам бархъдешлизивад уруххлекълар.
Буралаби – халатас, багъираби – биштлатаас.

Арцан акубси саби урцес, адам акубси сай разидеш бихес.
Дунъя бяхъяурсини, ахиратра бяхъиу.
Дунъяла дуб агара.

Гъарил арцан сунела пукъализи чарбирап.
Верхърангла зурхъяб бираар.
Миъ букъуйхъибад бираар бялчуси.
Дуцрумла ца бархъили дус валха.

Заклис тълра урхънаас чебхълара гъягънити ахлен.
Арслан-къаплан бухънабаибъели, иличир хъявбуцира дукаркълар.
Бецилис мукъара дигахъу.
Гурдала къелра далкъти дирап.

Хъела виштласи – галга, уршила биштлати – цедеш.
Мицриаг гъурша саби дурабад, адам – ухънавад.
Душмай хъед къаркъали бирхъу, хъуни биалли къацличил бяхъя.
Учитель, хъела ула гъалаб, ихтияр га, наб мутыгъли къукъа убяхъес.
Чебяхъиси савгъят хъела наسابлис – хъела даршуси хасият.



ЖАГАТИ ХИЕРЗИ ДАТУР

Арбякъунси дусла ноябрь базлизир нушала даргала машгъурси поэтесса Хамис Мяхъяммадовна Маллаева гъямулизираш шалгъерхъун. Ил гъанриркахъули илала гъямула ва бузерила гъундурашила бурес дигулра.

Хамис Мяхъяммадовна акъубси сари 1946 ибил дуслизир февральла гехъличир. Шила школа таманбарили гъергъи ил ДГУ-ла филологический факультетлизи карурхули сари. Назмурти лукъес ил риштакъе чирада рехърихибсири. Гъяхъицад дусмазир ил Манасла шила школализир рузули калун. Илараад ил Ставропольла крайлизи гечриубсири.

Хамисла дурахъедухъунти дахъал белкъани калун. Гергъити жузи бучъантачи даиб ва дигиличил къабулдариб. «Дила рухъла давла», «Шала агарси дунъя», «Хела хъулбала шала», «Нурла рамчани» ва цархъилти. Хамисла пагъмуличила хъебалуси маъсаҳъят леввиэс Даргазив ва арагъеб Дагъистайзив. Илини делкъунти далуйти мурталра далайчичани дуччули дирап, гъурра илди дарган мез далуси адам левалцад-хъи къиматчертили кавлан.

Хамис Маллаевала назмурти набра бегъла дигутазираш сари. Илди мурталра дила уркъилизираш дурхъаси гъайкъарван сари: гъунчирра, хъулирра, бузерила маргъличирра.

Мурт ва чуйна делчъасра илала назмурти, сеннира илданни уркъиличи халаси асар хъебарили кахъевлан. Хамис Мяхъяммадовнала «Нурла рамчани» бикъуси жузлизираш кайсехъе ишиди тугъи ва пикридулхъехъе сегъунал илдала мягъина.

*Нуни ну черяхъарес
Я назмурти ахъдарес,
Рушбатличил рукъясли,
Дила някъби чердикаб!*

*Магъарла буруши булан
Давлатис барсбирути
Хъяжуртачи хъеръаси,
Кел хъули дурадикаб.*


Наб чуйнара къариширикес чебуркъиб Шукъудила шилизираш пергер поэтесса Хамис Маллаевачил. Бархъли бурасли ил адамла баркъудлумира, назмуртира, гъайрикъинира чинаралра чердалкъи ахъен, сенаженну цадехъяхъла инсан сархъели. Илкъядда рикъасли, дила гъай баҳъли мардиру ва гъердурци. Хамис ралутани ва илала балу-бирхантани Хамис сунелацун ахъи, цархъилтала гъав ахъбуцес ва уркъичеббарес балуси адам сарри. Ил наб берцидила лусенван карилзусири.

Мурталра разиси ва саремчурси, диги ва хъурматчеси адам бусагъят нушачил агара рикъесра къиянбулхъули саби. Ахиратлизира риаллира, дунъяличир зурхъябван рурхъути, жагати хъерзи гъелар датур илини.

Хъи шалгъеррурхънила хабарли нуша дебали марайдарра. Ралутала уркъбазир хъи мурталра бархъдешла байрахъван кавлад. Шадси, шаласи ва разиси хъела сипат мурталра нушала уркъбазиб кавлан.

Байгинат КЪУРБАНОВА





ISSN 0235 - 0149

Индекс годовой 31176
Индекс полугодовой ПМ961

